

O LE EKALESIA A IESU KERISO O LE AU PAIA O ASO E GATA AI SETEMA 2014

O Le Liahona



**O Le Galuega o le
Faaolataga i le Taimi
Nei ma i le Tusi a
Mamona, i. 22**

**Feagai ma le Mea Moni
o Ponokalafi, i. 14**

**Susume: Agai i Luma
ma le Faatuatua, i. 58**



*"O le tauiviga e o ese
mai le faamoega e
atiina ae le pepe lea
e mafai ai ona lele.
A aunoa ma lena
faigata, o le a maua
lava e le pepe le
malosi e ausia ai lona
taunuuga. O le a le
atiina ae lava le malosi
e avea ai ma se mea
uiga ese."*

Elder Joseph B. Wirthlin
(1917–2008) o le Korama
a Apostolo e Toasefululu,
"Mauaina o se Uafu
Saogalemu," *Liahona*,
Iulai 2000, 72.



O SAVALI

4 Savali a le Au Peresitene Sili: Ua Tatou Saunia Ea?

Saunia e Peresitene Thomas S. Monson

7 Savali a Faiaoga Asiasi: O Le Misiona Paia a Iesu Keriso: Faamafanafana

TALA FAAALIA

14 Faamaloloina o Manu'a o loo Natia

Saunia e Jennifer Grace Fallon
O le tele o tupulaga talavou o le a fetaiai ma ponokalafi ae lei atoa le 18. Aoao poo a mefaigaluega o le a aoga ma mataalia e faaaauupe-gaina ai lau fanau.

20 Faamalolosia o le Autalavou e ala i Gaoioiga Faagaeetia

Saunia e Mike Madsen
Siaki le uepsaitae fou a autalavou mo gaoioiga! Tagai i auala e mafai ona tatou fesoasoani ai i a tatou tupulaga talavou e ola i le talalelei ma saunia ai mo matafaioi i le lumanaiai.

22 O Le Galuega o le Faaolataga: i le Taimi Lena ma le Taimi Lenei

Saunia e Elder L. Whitney Clayton
Ofaataitaiga a le tusi a Mamona e mafai ona fesoasoani ia i tatou e faataunuuiina le galuega o le faaoalataga i le taimi nei.

26 O Paionia i Atunuuma: O Le Ekalesia i Korea—sa Susulu le Malamalamā o le Talalelei e ui i Faigata

Saunia e Hee-Chul Seo
Ua lauolaola le Ekalesia i Korea i le taimi nei ona sa lei faavaivai uluai au paia a Korea i taimi o faigata.

32 O Alii ma Tamaitai ma le Mana o le Perisitua

Saunia e Elder M. Russell Ballard
O loo i ai nisi o upumoni faapea o ali i ma tamaitai uma e tatau ona malamalamā e uiga i le matafaioi taua a tamaitai.

MATAGALUEGA

8 Tusigāmanatu Konafesi Aperila 2014

10 O Le Mea Tatou Te Talitonu I Ai: Ia E Alofa Atu i le Lua te Tuaoi e pei o Oe Lava ia te Oe

12 O Perofeta o le Feagaiga Tuai: Isaia

13 Aoaoina o le Talalelei: O Anomea a le Ekalesia—i le Lolomi po o le Faaeletonika?

38 O Leo o le Au Paia o Aso e Gata Ai

80 Seia Tatou Toe Feiloai: Tama e Tulaga Ese

Saunia e Elder LeGrand Richards

I LE FAAVAA

Luma: Nifae o loo Aoao Atu i totonus o le Malumalu, saunia e Dan Burr. I totonus o le faavaa pito i luma: Ata na tusia e Bradley Slade. I totonus o le faavaa pito i tua: Ata na tusia e David Stoker.



42

42 O Uso o le Feagaiga

Saunia e Emmaline R. Wilson

O auala e lima o loo fesoasoani ai la tatou usoga a tamaitai tatou te tausia a tatou feagaiga o le papatisoga.

46 Talaaga Otooto a le Autalavou Matutua: Tuufatasiga o Aganuu i Toronto

Saunia e Katherine Nelson

*E faapei le avea ai ma se tala-
vou matua faamaoni i Ontario,
Kanata?*



50

48 Sauniuni mo Avanoa o le Olaga
*E manaomia se faamalosiauga e faauma ai au meaaoga? O le sau-
noaga lenei a le Au Peresitene Sili.*

50 E Faapefea ona Aoao Moni

Saunia e David A. Edwards

*Pe a oo i le aoaoina, e le na
o ou togi le mea e sili ona taua.*

**53 Pepa Lautele o loo I Ai
se Savali: la Aveeseina Atu****54 Pe a Mananao Au Uo
ia Iloa pe Aisea**

Saunia e Richard M. Romney

*Pe a faasoa atu le talalelei, aoao
e tali i le tagata, ae lē o le fesili.*

**56 Sa Ou Iloaina Le Mea
e Tatau ona ou Faia**
Saunia e Joseph Sengooba
*Sa ou faasoa atu ou tulaga faato-
nuina ma tamaiti o la'u vasega.
Ou te le'i iloa o le a le fiafia le aoga
i lenei mea.*

57 Tuusao i le Mataupu**58 Susume!**

Saunia e Elder Kazuhiko Yamashita
*O se samurai anamua e mafai ona
aoaoina i tatou e uiga i le faaauau
ai pea i le faatuatua.*

**61 Tatalo Faapei o Alema
mo La'u Uo**

Saunia e Daniel Maurício dos Santos
*Sa fai mai la'u uo e le sau o ia i le
lotu i le aso Sa. Mata e fesoasoani
se tatalo?*

**62 O Mealilo e Sefulu
o le Lauiloa Moni**
Saunia e Kersten Campbell
*O a mea e mafai ona aoao mai ia
te au e le Feagaiga Fou e uiga i le
fiafia o ni uo?*

*Vaai pe mafai ona
e mauaina le Liahona
o loo natia i le lomiga
lenei. Faaiteite:
Mulimuli i tulagavae.*



68

**64 Musika: O Lo'u Ala
o le Feagaiga**Saunia e Marvin K. Gardner
ma Vanya Y. Watkins**66 Molimau Faapitoa: Aisea
e manaomia ai ona tatou
usiusitai i poloaiga?**
Saunia e Elder L. Tom Perry**67 Tali o le Konafesi**

Saunia e Abby H.

*Na maliu le Tina o lo'u Tinamatua
o Edwards. E mafai faapefea ona
ou iloa pe sa fiafia o ia?*

**68 O Le Tusi ma le Faavaa
Lanu Samasama**

Saunia e Randol Salazar Quiroga
*O le tusi e fiafia i ai Randol na
misi. Atonu e mafai ona fesoao-
soani le uso o Tama.*

**70 Uo i le salafa o le Lalolagi:
O a'u o Luka mai Korea i Saute**
Saunia e Amie Jane Leavitt**72 O La Tatou Itulau****73 Manatu Lelei****74 Aumaia o le Peraimeri i le Fale:
O Le Ola ai i le Talalelei ua
Faamanuiaina ai Lo'u Aiga****76 Mo Tamaiti Laiti: Hamu ni Pese**
Saunia e Olivia Corey Randall

O Le Lomiga Faamaonia Faa-Samoa a le Ekalesia a Iesu Keriso o le Au Paia o Aso e Gata Ai

Susuga a le Au Peresitene Sili: Thomas S. Monson, Henry B. Eyring, Dieter F. Uchtdorf

O Le Korama a Apostolo e Toasefululuua:

Boyd K. Packer, L. Tom Perry, Russell M. Nelson, Dallin H. Oaks, M. Russell Ballard, Richard G. Scott, Robert D. Hales, Jeffrey R. Holland, David A. Bednar, Quentin L. Cook, D. Todd Christofferson, Neil L. Andersen

Faatonu: Craig A. Cardon

Fautua: Jose L. Alonso, Mervyn B. Arnold, Shayne M. Bowen, Stanley G. Ellis, Christoffel Golden

Pule Faatonusili: David T. Warner

Faatonusili o le Lagolago mo Aiga ma Tagata o le Ekalesia: Vincent A. Vaughn

Faatonusili o Mekasini a le Ekalesia: Allan R. Loyborg

Pule o Mea Tau Pisini: Garff Cannon

Pule Faatonutonu: R. Val Johnson

Pule Faatonutonu Lagolago: Ryan Carr

Au Tusitusi ma Faatonutonu: Brittany Beattie, David Dickson, David A. Edwards, Jennifer Grace Fallon, Matthew D. Flitton, Mindy Raye Friedman, Lori Fuller, Garrett H. Garff, LaRene Porter Gaunt, Michael R. Morris, Sally Johnson Odekirk, Joshua J. Perkey, Jan Pinborough, Richard M. Romney, Paul VanDenBerghe, Marissa Widdison

Pule Faatonusili Tusiata: J. Scott Knudsen

Faatonusili Tusiata: Tadd R. Peterson

Au Mamanu: Jeanette Andrews, Fay P. Andrus, Mandie M. Bentley, C. Kimball Bott, Tom Child, Nate Gines, Colleen Hinckley, Eric P. Johnsen, Susan Lofgren, Scott M. Mooy, Mark W. Robison, Brad Teare, K. Nicole Walkenhorst

Faatonu o le Puletaofia ma Fatufatuga:

Collette Nebeker Aune

Pule i le Gaosiga: Jane Ann Peters

Au Gaosi: Kevin C. Banks, Connie Bowthorpe Bridge, Julie Burdett, Bryan W. Gygi, Denise Kirby, Ginny J. Nilson, Gayle Tate Rafferty

Tailolomi: Jeff L. Martin

Faatonusili Lolumoga: Craig K. Sedgwick

Faatonusili o le Tufutufaga: Stephen R. Christiansen

Mo le okaina o mekasini, alu i le store.lds.org po o le Faletusi Tutotonu i Pesoga, Telefoni 64127. Totogi o le Mekasini: \$0.55 (Samoa) i le kopu. Totogi mo le Tausaga Atoa \$6.60 (Samoa).

Auina atu tusitusiga ma faafesili i luga o le initoneti i le liahona.lds.org: po meli mai i le Liahona, Rm. 2420, 50 E. North Temple, Salt Lake City, UT 84150-0024, USA; po o le i-meli: liahona@ldschurch.org.

O Le Liahona (o lona uiga i le Tusi a Mamona o le "tapasa" po o se "faatonu") e lomia i le faa-Alepania, Aminia (Sasae), Pisilama, Palekeria, Kemupotia, Sepuanu, Saina, Kalaotia, Siekisolvakia, Tenimaka, Take, Igilisi, Esitonua, Fiti, Finelani, Farani, Siamani, Eleni, Hanikeri, Initu, Iselani, Initonisia, Italia, Iapani, Kiripati, Korea, Latvia, Litunia, Malakasa, Masela, Monokolia, Nouei, Polani, Potukale, Romania, Rusia, Samoa, Saina (ua faafagofieina), Silovenia, Sipaniolu, Suetena, Swahili Tagaloka, Tahiti, Tal, Toga, Lukureini, Urutu, ma Viatename. (E eseese lava gagana.)

© 2014 Puletaofia e le Intellectual Reserve, Inc. Ua taofia aia tatau uma. Lomia i le lunatei Setete o Amerika.

E mafai ona kopu tala ma ata o le Liahona mo le toe faaaogaina i lotu po o le aiga ae ia le faia ai ni pisini. E le tatau ona kopu ni tala po o ni ata pe afai o faasa mai i le laina o loo ta'ua ai le e ona lea faatufugaga. Auina atu fesili e uiga i le puletaofia i le Intellectual Property Office, 50 East North Temple Street, Salt Lake City, UT 84150, USA; i-meli: cor-intellectualproperty@ldschurch.org.

For Readers in the United States and Canada:

September 2014 Vol. 38 No. 9. O LE LIAHONA (USPS 311) Samoan (ISSN 1045-0947) is published monthly by The Church of Jesus Christ of Latter-day Saints, 50 East North Temple, Salt Lake City, UT 84150. USA subscription price is \$10.00 per year; Canada, \$12.00 plus applicable taxes. Periodicals Postage Paid at Salt Lake City, Utah. Sixty days' notice required for change of address. Include address label from a recent issue; old and new address must be included. Send USA and Canadian subscriptions to Salt Lake Distribution Center at address below. Subscription help line: 1-800-537-5971. Credit card orders (Visa, MasterCard, American Express) may be taken by phone. (Canada Poste Information: Publication Agreement #40017431)

POSTMASTER: Send all UAA to CFS (see DMM 707.4.12.5). NONPOSTAL AND MILITARY FACILITIES: Send address changes to Distribution Services, Church Magazines, P.O. Box 26368, Salt Lake City, UT 84126-0368, USA.

Manatu mo Afiafi Faaleaiga

O lenei lomiga o loo i ai tusiga ma gaoioiga e mafai ona faaaoga mo afiafi faaleaiga.
O manatu nei e lua.



"Faamaloloina o Manu'a o loo Natia,

itulau e 14: Vaai i fesili i le itulau e 18 o lenei tusiga ma mafaufau e faataatia ese se taimi e talanoa ai i tagata taitoatas i o lau fanau e uiga i ponokalafi. Talu ai ona o nisi taimi e liliu atu talavou i ponokalafi e tau-lima ai luitau, ia mafaufau i le iloiloina o le faataitaiga o le a e faia i le auala e taulima ai luitau ma se tautinoga i lau fanau e faale-leia atili ai. Mo lau lesona, e mafai ona filifili ia tulafono o le komepiuta a le aiga ma toe iloilo le lauga o konafesi aoao i le mama (e pei o Elaine S. Dalton, "Se toe foi Atu i le amio Lelei," *Liahona*, Nov. 2008, 78). E mafai foi ona e faaaogaina meatotino e manatua ai aiga—e pei o ata o faaipoipoga ma ofu na faamanua ai pepe—e faasoai atu ai le tala e uiga i auala ua faamanuiaina ai e le ola mama lou olaga.

"O Mealilo e Sefulu o le Lauilo Moni,

itulau e 62: Mafaufau e faaaoga ia mataupu faavae o loo i le tusiga lenei e aoao atu i lau fanau e uiga i le auala e mafai ai ona latou faia ni faauooga. E mafai ona e faia ni upu i fasipepa se 10, tasi mo amioga taitasi o le alofa moni i le tusiga (tagai foi i le 1 Korinto 13). Fai atu i tamaiti pe faapefea e uiga taitasi ona avea ai i latou ma se ue lelei. Ona faailoa lea o se tasi o manaomia le fesoasoani i lau uarota po o le paranesi po o le pitonuu ma tuuina mai ni auala e auauna atu ai i lena tagata. Atonu e te manao e faataunuui ai lau fuafuaga e auauna atu i le taimi lava lea ma amata i le tatalo mo le alofa mama o se aiga.

I LAU GAGANA

O loo maua le Liahona ma isi tusi a le Ekalesia i le tele o gagana i languages.lds.org.

AUTU I LENEI LOMIGA

E ta'u mai e numera le itulau muamua o le tusiga.

Agaga Paia, 38

Aiga, 41, 74

Ala o faasalalauga, 14, 20

Alofa Mama, 10, 46, 62

Aoaoga, 48, 50, 53

Autalavou, 14, 20

Faaipoipoga, 32

Faalolago o le tagata ia te ia lava, 4

Faatoaagaina Mai, 22

Faatuatua, 58, 61

Feagaiga, 42

Galuega faafaifeautalai, 20, 22, 54, 56

Galuega faalemalumalu, 22

Galuega o le faaolataga, 22

Iesu Keriso, 7

Isaia, 12

Konafesi aoao, 8, 67

Liua, 40

Paionia, 26

Perisitua, 32

Ponokalafi, 14

Sauniuniga mo faalave-lave faafuasei, 4

Talafaasolopito o aiga, 22

Talafaasolopito o le Ekalesia, 26

Tamaitai, 32, 42

Tatalo, 39, 61, 68

Tusi a Mamona, 22, 39

Uo, 54, 61, 62

Usiusitai, 66, 74



Saunia e Peresitene
Thomas S. Monson

UA TATOU Saunia Ea?

Tle eria lea sa ou nofo ma auauna ai, sa faia ai le fagaga moa a le Ekalesia, na vaaia e volenitia mai le uarota i le lotoifale. O le tele o taimi sa avea ai o se galuega uelefea sa faagaoioia lelei, e sapalai ai faleteuoloa a epikopo i le afe ma afe o fuamoa fou ma le faitau fiaselau o pauna moa ua faamamaina. E ui i lea, o nisi aso, o le aafiaga o le avea ma tagata fai lafumanu volenitia mai le taulaga sa le gata ina papa ai lima, ae sa atuatuvalo ai foi le loto ma le mafaufau.

Mo se faataitaiga, ou te manatua pea le taimi na matou faapotopotoina ai le Perisitua Arona o alii talavou e tuuina atu i le faatoaga moa se faamamaina maeaea i le faaiuga o le taumalulu. Sa faapotopoto mai la matou vaega maelega ma malolosi i le galuega, ma i se faiga faatopetope na matou tase'i ai i luga, ma faaputuputu ma susunu vao e tele ma lapisi. O le malamalamo o se afi tafu sa matou aai ai ni sosisi ma taufai faamalo ia i matou lava mo se galuega sa lelei ona fai.

Peitai, sa na o le tasi lava le faafitali matautia. O le pisapisao ma afi sa tafu na faate'ia ai le 5,000 o matuamoa mu'amu'a ma le auvaivai sa tautuufua, ma o le tele o i latou na faafuasei ona va'iva'ia ma le toe tuufua ai. Ona matou toe tuua ai lea o nisi vao, ina ia mafai ai ona toe maua nisi fuamoa.

E leai se tagata o le Ekalesia o e na fesoasoani ia i latou e le tagolima na faagaloina pe sa'i i le mea na tupu. O le galue malosi, taugofie, faalagolago, ma faasoa atu i isi e le fou ia i tatou.

E tatau ona tatou manatua o le polokalama o le fale teuoloa sili ona lelei o le i ai lea mo aiga uma o le Ekalesia o se sapalai o meaai, lavalava, ma, pe a talafeagai ai, isi mea e manaomia o le olaga.

E moni lava e ono i ai taimi o le a manaomia ai e o tatou tagata le fesoasoani mai le Ekalesia. O le faleteuoloa a le Alii e aofia ai le taimi, taleni, tomai, agaalofa, anomea faapaiaina, ma mea tautupe a tagata faamaoni o le Ekalesia. O nei punaoa o loo maua i le epikopo e fesoasoani ai ia i latou o manaomia le fesoasoani.

Matou te uunaia uma le Au Paia o Aso e Gata Ai ina ia faeteete i a latou fuafuaga, ia faautauta i o latou ola, ma aloese mai aitalafu soona fai pe le manaomia. "E toatele atu nisi tagata e mafai ona sao mai peau faigata o tamaoaiga i o latou olaga pe afai e i ai ni a latou . . . sapalai o meaai . . . ma leai ni aitalafu. O aso nei ua tatou iloa ai ua toatele ua mulimuli i le faafeagai o lenei fautuaga: e tusa ma se tau-saga a latou sapalai o aitalafu ma leai ni meaai."

Ou te toe tau atu le mea na folafola mai e le Au Peresitene Sili i ni nai tausaga ua mavae:

"Ua tele tausaga o fautuaina le Au Paia o Aso e Gata Ai ina ia saunia mo faigata e ala lea i le faataatia ese o sina tuge itiiti. O le faia o lena mea e matuai tele se faaopopoga i le saogalemu ma le soifua sololelei. Ua i ai i aiga taitasi se matafaioi e saunia ai mea e manaomia mo latou lava i le mea e gata mai ai le mafai.

"Matou te fautuaina outou pe o fea lava o outou nonofo ai i le lalolagi ina ia saunia mo faigata e ala i le tagatagai



i le tulaga o a outou mea tau tupe. Matou te uunaia outou ina ia faautauta i a outou tupe faaalu; ia pulea lelei outou lava i a outou faatauga ina ia aloese ai mai le aitalafu. Ia vave totogi uma aitalafu i le mea tou te mafaia, ma faasaoloto mai outou lava mai lenei pologa. Teu sina tupe e le au-noa, e faifai malie ai lava ona fausia se tupe faaleoleo.”¹

Ua tatou saunia mo mea tutupu faafuasei i o tatou olaga? O faaatoatoaina o tatou tomai? Pe ua tatou ola fuafua lelei? Pe ua i ai a tatou sapalai faaleoleo? O tatou usiusitai i poloaiga a le Atua? O tatou tali atu i aoaoga a perofeta? Ua tatou saunia

e tuuina atu a tatou mea i e matitiva, e lē tagolima? O lelei lo tatou va ma le Alii?

Ua tatou ola i taimi faigata. E masani ona le mailoa le lumana'i; o le mea lea, e tatau ai ona tatou

saunia mo mea lē mautonu. Pe a oo mai le taimi mo faaiuga, o le taimi mo sauniuniga ua tuanai. ■

FAAMATALAGA

- O Le Au Peresitene Sili, *Ia Saunia Mea Tatau Uma: O Mea Tautupe a le Aiga* (tamaitusi, 2007).

AOAO ATU MAI LENEI SAVALI

Mafaufau i manaoga o i latou o loo e asia, mafaufau i ni auala e mafai mona e fesoasoani ia i latou ia sili atu ona faalagolago le tagata ia te ia lava i mea tau galuega, mea tau tupe, teuina o meaai, po o sauniuniga mo faalavelave faafuasei. Mafaufau i se tomai e mafai ona e faasoa atu ia i latou, e pei o le totoina o togalaau po o le puleaina o tupe, e faamalosia ai i latou ia mulimuli i fautuaga a Peresitene Monson.

Mo ni manatu i le aoaoina atu o lenei savali i le autalavou ma tamaiti, tagai i le itulau e 6.

Na Ou Toe Auauna Atu

Saunia e Jaíne Araújo

Ise tasi aso, ina ua uma se galuega auauna atu, sa ou savali ma pasia lo matou falelotu ma vaaia ai ni tuafafine se toalua o loo faamamaina le fale. Na faigofie ona oso mai i fafo au upu: "Tuafafine, lua te manaomia se fesoasoani?" Sa ataata le tasi o i laua ma fai mai ua sao lelei le taimi ou te taunuu atu ai aua ua na o i laua lava o loo tapenaina le [fale] ma ua la le lavava lava. Sa ia fai mai, sa ia tatalo o le a auina mai e le Alii se tasi e fesoasoani. Sa ou matuai fiafia lava e avea ma se tali i lana tatalo. Sa faatoa uma lava ona ou auauna atu i se isi



tagata ma sa lelava foi a, ae sa ou mulimuli i lo'u loto ma ofo e toe auauna atu.


O se poloaiga le galue ma le olioli (tagai i le MF&F 24:7). Pe a tatou maua le manao e auauna atu ai i taimi uma, e mafai ona tatou fesoasoani i wavega ia tutupu i olaga o isi tagata. O le a sili atu ona anoa o tatou olaga pe a tatou auauna atu. E alofa moni lava le Alii ia i tatou, Na te fesoasoani i Ana fanau taitoatasi, ma o le a la tuuina mai ia i tatou le malosi e auauna atu ai.

O le tusitala e alala i Rio Grande do Norte, Pasila.

TAMAITI

Pe Ua E Saunia Ea?

Ua talosagaina e Peresitene Monson i tatou taitoatasi ina ia saunia mo taimi faigata ma ia fesoasoani atu i isi i o latou taimi faigata. Fai le suega lenei o le moni po o le sese e iloa ai pe afai ua e saunia!



E mafai lava ona ou maua se tasi e fesoasoani. Moni Sese

E mafai ona ou faafetai mo mea uma ua ou maua. Moni Sese

E leai ni a'u taleni e faasoa atu i soo se tasi. Moni Sese

O le sefeina o tupe mo se taimi mulimuli ane o se manatu lelei. Moni Sese

Ou te manaomia ni meataalo fou ma ni lavalava ina ia fiafia. Moni Sese

Ia suesue ma le agaga tatalo lenei anomea ma saili ia iloa mea e faasoa atu. Efaapefea e le malamalama ai i le soifuaga ma matafaioi a le Faaola ona faateleina ai lou faatuatua ia te Ia ma faamanuiaina ai i latou o loo e leoleoina e ala i faiaoga asiasi? Mo nisi faamatatalaga, alu i le reliefsony.lds.org.

O Le Misiona Paia a lesu Keriso: Faamafanafana

O se vaega lenei o se faasologa o Savali a Faiaoga Asiasi e faaaantu i vaega o le misiona a le Faaola.

Na folafola mai e Iesu Keriso “Ou te le tuua outou o matuaoti; ou te sau ia te outou” (Ioane 14:18). O le a ia tuuina mai ia i tatou le “matagofie e sui a’i le lefulefu, o le uu o le olioli e sui ai le faanoanoa” (Isaia 61:3). Talu ai ona o Keriso na tigaina i le Togiola mo i tatou taitoatasi, o le a Ia le faagaloina lava i tatou. “Ua tauaveina e lo tatou Faaola i ona Lava luga . . . e faapefea ona faamafanafanaina i tatou, o le tala lea a Linda S. Reeves, fesoasoani lua i le au peresitene aoao o le Aualofa.¹

O le iloaina o le a faamafanafanaina i tatou e Keriso o le a mafai ona aumaia ia i tatou le filemu ma musuia ai i tatou e mulimuli i Ana faataitaiga e ala i le auauna atu i isi. Na saunoa mai Peresitene Thomas S. Monson: “O lo



tatou iloa o le talalelei ma lo tatou alofa i lo tatou Tama Faalelagi ma lo tatou Faaola o le a faamafanafanaina ma lagolagoina ai i tatou ma aumaia le olioli i o tatou loto a o tatou savavali ma le amiosao ma tausi i poloaiga. O le a leai se mea o lenei lalolagi e mafai ona manumalo ia i tatou.”²

Mai Tusitusiga Paia

Ioane 14:18, 23; Alema 7:11–13;
Matapu Faavae ma Feagaiga
101:14–16

Mafaufau i le Mea Lenei

E faapefea ona faamafanafanaina oe i le malamalamaaga faapea e manatua oe e le Alii?

FAAMATALAGA

1. Linda S. Reeves, “E Le Faagaloina Lava Oe e le Alii,” *Liahona*, Nov. 2012, 120.
2. Thomas S. Monson, “Ia Outou Lototetele,” *Liahona*, Me 2009, 89.
3. Elaine L. Jack, *i Afafine i Lo’u Malo: O Le Talafaasolopito ma le Galuega a Le Aualofa* (2011), 128.
4. *O Afafine i Lo’u Malo*, 32.

Faatuatua, Aiga,
Toomaga



Mai lo Tatou Talafaasolopito

Na faapea mai Elaine L. Jack, o le peresitene aoao lona 12 o le Aualofa: “O le faia o faiaoga asiasi tatou te aapa atu i isi. E masani ona talanoa atu e lima mea e le mafai e le leo. E anoanoai mea e faaalia e ala i se opo mafanafana. O le talie faatasi e tuufaatasia ai i tatou. O se taimi o fefaasoaa’iga o lagona e maua ai le faafouina o agaga. E le mafai i taimi uma ona tatou si’iina ese le avega a se tasi o le mautonu, ae e mafai ona tatou sii a’e ia ina ia mafai ona ia taulimaina lelei.”³

O o tatou uso a Aualofa paionia “na latou maua le malosi faaleagaga i le alofa ma le agalelei o le tasi i le isi. . . . A o latou mafatia i tofotofoga o ma’i ma le otu, sa latou tatalo i le faatuatua mo le tasi i le isi ma fefaamafananaa’i. ‘Sa tafe mai le alofa o le Atua mai le loto i le loto,’ na tusia ai e Helen Mar Whitney, ‘seia faavaivaia le amioleaga i ana taumafaiga e oo mai i lo tatou va ma le Alii, ma o ana u fanafana mataga, i nisi taimi, ua leai se tiga o latou tui.’”⁴

TUSIGĀMANATU KONAFESI APERILA 2014

“O le mea ua fai atu ai A’u o le Alii, ua ‘Ou fai atu ai; . . . pe i lo’u lava leo po o i le leo o a’u auauna, ua tutusa lava” (MF&F 1:38).

A o e iloiloina le konafesi aoao ia Aperila 2014, e mafai ona e faaaogaina itulau nei (ma Tusigāmanatu o le Konafesi i lomiga i le lumanaí) e fesoasoani ai ia te oe e suesue ma faaaoga aoaoga talu ai nei a perofeta soifua ma apostolo ma isi taitai o le Ekalesia.

MATAUPU FAAVAE UA FAAMAMAFAINA

O Le Togiola ma Feagaiga

“O le osia ma le tausia o feagaiga paia e tuufaatasia ai i tatou ma le Alii o Iesu Keriso. O le mea moni lava, o loo augani mai le Faaola ia i tatou ina ia faalagolago atu ma tatou galulue faatasi ma Ia, e ui lava o a

tatou taumafaiga silisili e le tutusa ma e le mafai ona faatusalia ia te Ia. A o tatou faalagolago atu [ia te Ia] ma tosoina faatasi a tatou avega ma Ia i le malaga o le olaga nei, e moni lava e avegofie Lana amo, o Lana avega foi e mama ia. . . .

“. . . O feagaiga e mauaina ma faamamaluina i le amiosao faapea ma sauniga e faatinoina i le pule tatau ai o le perisitua, e taua lea ina ia maua ai faamanuiaga uma ua avanoa e ala mai i le Togiola a Iesu keriso. Ma o ona sauniga o le perisitua, ua faaalia mai ai le mana faaleatua i alii ma tamaitai i la le tino, e aofia ai faamanuiaga o le Togiola (tagai i le MF&F 84:20–21).”

Elder David A. Bednar o le Korama a Apostolo e Toasefululu, “Tauave ma le Faigofie a Latou Avega,” *Liahona*, Me 2014, 88

Aoao atili e uiga i le faamalosia o lau molimau i le Togiola a Iesu Keriso i le [lds.org/go/testimony914](https://www.lds.org/go/testimony914). Aoao atili e uiga i feagaiga sa ofo mai ia i tatou e le Atua i le [lds.org/go/covenants914](https://www.lds.org/go/covenants914).



FOLAFOLAGA FAAPEROFETA

Loto faafetai



“E mafai ona tatou filifili ina ia lotofaafetai, e tusa lava po o le a.

“O lenei ituaiga o lotofaafetai e mafai ona i ai i soo

se taimi e tusa lava po o le a le mea o tupu i o tatou talaane. E sili atu i lo le ita, lotovaivai, ma le faanoanoa. E fuga pea ma le matagofie i taimi e sou ai le tai faapena foi ma le taimi e malu ai. . . .

“. . . I o tatou tiga, e mafai lava ona tatou viia le Togiola a Keriso. A tatou lagonaina le matuitui o tiga, e mafai lava ona tatou lagonaina le mafanafana ma le filemu o le pai mai o le lagi.”

Peresitene Dieter F. Uchtdorf, Fesoasoani Lua i le Au Peresitene Sili, “Ia Lotofaafetai i Soo Se Tulaga,” *Liahona*, Me 2014, 75.

Saili ni auala e faaleleia atili ai lou suesueina o lauga o konafesi i le [lds.org/go/study914](https://www.lds.org/go/study914).



O TALI MO OE

O konafesi taitaisi, e tuuina mai ai e perofeta ma aporetolo ni tali musuia i fesili atonu o i ai a tagata o le Ekalesia. Faaaoga lau lomiga o Me 2014 pe asiasi i le conference.lds.org e sue ai tali i fesili nei:

- E faapefea ona ou puipuia o'u talitonuga i le faaaloalo ma le alofa? Saili i le lds.org/go/holland914 po o le tagai ia Jeffrey R. Holland, "O Le Tau—ma Faamanuiaga—o le Avea ma Soo," 6.
- E mafai faapefea e le Togiola a lesu Keriso ona fesoasoani ia i tatou e avea ma se punaoa mamana mo le faasoaina atu o le upu moni? Saili i le lds.org/go/scott914 po o le tagai ia Richard G. Scott, "Ua Ou Avatu le Faaaoao ia te Outou," 32.

O Le Puipuiga mai Ponokalafi



"E faapefea ona tatou puipuia a tatou fanau ma autalavou? . . . O le faamama silisili i le lalolagi, ma e na o le pau lea

o le mea o le a iu ina aoga, o le faamama lea e i totonusi o le tagata lava ia lea e oo mai i se molimau loloto ma tumau o le alofa o lo tatou Tama Faalelagi ma le taulaga togiola a lo tatou Faaola mo i tatou taitoatasii. . . .

" . . . E tatau ona ou molimau atu i faamanuiaga o le suesue i tusitusiga paia i aso uma, ma tatalo, ma afiafi faaleaiga faalevalaiso. O faataitaiga tonu ia o le a fesoasoani i le aveesea o le popole, ma taitaia o tatou olaga, ma faoopoopo atu se puipuiga i o tatou aiga."

Linda S. Reeves, fesoasoani lua i le au peresitene aoao o le Aualofa, "Puipuiga mai Ponokalafi—o se aiga e Taulai atu ia Keriso," *Liahona*, Me 2014, 16.


Saili le fesoasoani mo tagata taitoatasii ma aiga i le faatoilaloina o ponokalafi i le lds.org/go/overcome914.

Ina ia faitau, maimoa, faalogologo i ai, po o le faasoa atu o lauga o le konafesi aoao, asiasi i le **conference.lds.org**.

FAIA O SE SIATA O LE ALA O LE FEAGAIGA MO LOU AIGA

"Sa fesoasoani lenei gaoioiga faigofie ia te au ma Lesa i le faataunuina o le ma matafaioi e fesoasoani ai i tagata taitoatasii o ma aiga i le aluga o le ala o feagaiga, faatasi ai ma se fuafuaga e faatino mo i latou taitoatasii." —Epikopo Gary E. Stevenson, Epikopo Pulefaamalumalu, "O Lau Fa Minute," 86.

1. Fai ni koluma se lua i luga o se fasi pepa: "Igoa" ma le "Fuafua mo le sauniga na sosoo ai po o le manaomia."
2. Lisi ia tagata taitoatasii o le aiga e manaomia ona papatisoina, faauuina i le perisitua, mauaina o faaeega paia o le malumalu, po o le faamauina.
3. Fai ni talanoaga faaleaiga, lesona o afiafi faaleaiga, po o le faia o isi sauniuniga mo le mauaina o sauniga taua i lou aiga.



IA E ALOFA ATU I LE LUA TE TUAOI E PEI O OE LAVA IA TE OE

"A tatou ala ae i taeao uma, ia tatou naunau e tali atu i le alofa ma le agalelei i soo se [tagata] tatou te fetaui i ai i le ala."—Peresitene Thomas S. Monson

|na ua fesiliglia e se loia Iesu po o fea o poloaiga ua sili, na mafai lava ona Ia filifili soo se poloaiga mai le tele o poloaiga mai le Feagaiga Tuai, mai le tulafono a Mose, pe mai Poloaiga e Sefulu. Nai lo lena, sa Ia aoteleina ia poloaiga uma i vaega nei e lua:

"E te alofa atu i le Alii lou Atua ma lou loto atoa, ma lou agaga atoa, ma lou manatu atoa.

"O le poloaiga muamua lena ma le sili.

"E faapena foi lona lua, E te alofa atu i le lua te tuaoi, ia pei o oe lava ia te oe" (Mataio 22:37–39).

A o aoao mai Peresitene Thomas S. Monson i le konafesi aoao ua mavae, o le tausia o se poloaiga e tasi e fesoasoani tatou te tausia ai le isi: "E le mafai ona tatou alolofa moni i le Atua pe afai tatou te le alolofa i e o loo tatou malaga faatasi i lenei fai-gamalaga o le olaga. E faapena foi, e le mafai ona tatou alolofa atoatoa i o tatou uso a tagata pe afai tatou te le alolofa i le Atua, le Tama o i tatou uma. . . . O i tatou o fanau agaga a lo tatou Tama Faalelagi ma, ona o lena tulaga, ua avea ai i tatou uma ma uso ma tuafafine. A tatou manatua pea

lenei upumoni, o le a faigofie lava ona tatou alolofa atu i fanau uma a le Atua" ("O Le Alofa—o le Ute Lea o le Talalelei," *Liahona*, Me 2014, 91).

O le atinaeina o le alofa mama—FaaKeriso mo isi—o le a faaleleia ai a tatou sootaga, fesoasoani ia i tatou e auauna atu ma le naunautai, ma sau-nia i tatou mo le ola e faavavau (tagai i le Moronae 10:21). O le alofa mama o se meaalofa faaleagaga e mafai ona tatou tatalo ia maua ma ola ai; e "faaee mai i luga o i latou uma o e o soo moni o . . . Iesu Keriso" (Moronae 7:48). O le "ala e silisili" (1 Korinto 12:31) fetalaia e le Apostolo o Paulo ma e aofia ai le agalelei, onosai, loto-maulalo, agamalu, faamoemoe, ma le agaalofa (tagai i le 1 Korinto 13).

O le olaga o le potu suesue sili-sili lea e atiina ae ai le alofa mama. E mafai ona taialaina e aoaoga a le Faaola ua ta'ua o le Tulafono Faaauro a tatou faatinoga: "O mea uma foi tou te loto i ai ia faia e tagata ia te outou, ia faapea lava ona outou faia ia te i latou" (Mataio 7:12). Tatou te le atoatoa uma lava, ae tatou mananao ina ia taulimaina ma le agalelei e ui lava i o tatou faaletonu. ■

FESOOTAI ATU MA LE ALOFA



"O loo i ai i aso nei se manaoga tele mo alii ma tamaitai ia atiaeina le faaaloalo mo le tasi ma le isi e tusa lava pe eseese o latou talitonuga ma amioga ma e tusa lava pe eseese mea o loo uunaia i latou. . . .

"O le naunautaiga ia malamalama mai le vaaiga a le isi tagata o le a suia ai 'upu leaga' ia 'tupu ai le lelei.' . . .

Atonu o le a le suia pe foia ai le faafitauli, ae o le mea e sili atu ona taua atonu o le mafai lea e le alofa tunoa e tupu ai le lelei ona suia i tatou.

"Ou te tuu atu lau molimau faa-maulalo e mafai ona 'tupu ai le lelei' e ala i le gagana agaalofa pe a tuia o tatou loto i le meaalofa faafaille o le Agaga Paia i le tiga-alofa mo lagona ma aafiaga o isi."

Elder W. Craig Zwick o le Fitugafulu, "O Le A Sou Manatu?" *Liahona*, Me 2014, 43.

**Mafaufau i nei aaooga mai ia
Peresitene Monson e faatatau
i le tele o auala e mafai ona
tatou faaalia ai le alofa i isi:**




*"O nisi o o tatou avanoa silisili
e faaali atu ai lo tatou alolofa o
le a i ai lea i totonu o puipui
o o tatou lava fale."*

*"E tatau ona fui-
fuilua faatasi le
faamagalo atu ma
le alofa. . . O le
tuuaia o isi e tumau
ai le tiga. Ua na o
le faamagalo atu e
faamaloloina ai."*



*"Ma ona faaali atu ai lea
pe a mavae, o se alofa
faateleina ia te ia o le
na e aoaiina" (tagai i le
MF&F 121:43).*



*"O loo faailoaina le alofa i le
tele o ala iloagofie: se matafia-
fia, se talo atu, se faamatalaga
agalelei, se faamalo."*



*"O isi faailoaga atonu e le iloa tele, e
pei o le faaali atu o le fiafia i gaoioiga
a isi, aoao atu o se mataupu faavae i
le agalelei ma le onosai, asiiasi atu i se
tasi e ma'i pe nofofale."*

ISAIA

"O Isaia i tulaga faatonuina uma lava o le perofeta maoae o le Feagaiga Tuai ma i le avea ai faapea o le leo sili ona aati faaperofeta i na faamaumauga."—Elder Jeffrey R. Holland o le Korama a Apostetolo e Toasefululuā

O au o le atalii o Amota, ma o le Uiga o lo'u igoa "o le Alii o le faaolataga."² Sa ou galue o se perofeta i Ierusalem mo le 40 tausaga, mai le 740–701 t.l.m. Sa ou vavalō i Ierusalem i le taimi o le nofoaiga a tupu e toafa, ma o au sa faufautua sili i le Tupu o Esekia, lea na tuuina mai ia te au le tele o aafiaga faalelotu.³

Sa le gata ina ou valoia mea na tutupu e talafeagai i lo'u lava taimi ma tagata, ae na valoiaina foi mea o le a tutupu e uiga i le lumanai e aafia ai le aiga atoa o tagata. Sa ou muai valoia le soifua mai o le Faaola: "Faauta, o le a to se taupou, ma fanaua se atalii, ma o le a faaigoa lona igoa o Emanuel."⁴ Sa ou folafola atu sa faauuina Ieova "e talai atu le tala lelei i e agamalu; . . . e fusifusia ai e loto momomo, e talai le saolotoga i e ua faatagataotauaina, ma le tatalaina o le falepuipui ia i latou o e ua noanoatia."⁵ Sa ou valoia foi e faapea pe a mavae Lona Afio Mai

Faaluā, "o le a nofotupu le Alii o au i le mauga o Siona, ma i Ierusalem, ma luma o ona tagata anamua ma le mamalu."⁶

O lo'u faaaogaina o faatusa ma solo ua natia ai a'u aoaoga mai ia i latou o e e le o saunia e malamalamā pe mulimuli i ai. Ae peitai, o i latou o e sue-sue ma le filiga i au aoaoga faatasi ma le fesoasoani a le Agaga Paia o le a mafai ona malamalamā i a'u valoaga.⁷

O a'u le perofeta mulimuli o perofeta autu na aoaoina atu ituaiga o Isaraelu a o lei amata ona faataapeapeina i latou mai le Nuu Paia. ■

FAAMATALAGA

- Jeffrey R. Holland, *Keriso ma le Feagaiga Fou: O Le Savali Faamesia i le Tusi a Mamona* (1997), 75.
- Bible Dictionary, "Isaiah."
- Tagai Taiala i Tusitusiga Paia, "Isaiah"; scriptures.lds.org.
- Isaia 7:14.
- Isaia 61:1; tagai foi i le Luka 4:16–21.
- Isaia 24:23.
- Tagai i le *Tusi Lesona a Tamaiti Aoga o le Feagaiga Tuai: 1 Tupu–Malaki*, 3rd ed.


(Church Educational System manual, 2003), 131–35.

- Tagai i le *Tusi Lesona a Tamaiti Aoga o le Feagaiga Tuai*, 131.
- Tagai Boyd K. Packer, "O Mea o Lo'u Agaga," *Ensign*, Me 1986, 61.
- Tagai i le *Tusi Lesona a Tamaiti Aoga o le Feagaiga Tuai*, 131.
- Iosefa Samita—Talafaasolopito 1:40.

O SE PEROFETA A SE PEROFETA

I tusitusiga paia, o Isaia e sili ona ta'uua soo i perofeta anamua uma.

- O le tolusefulu-lua pasene o le tusi a Isaia o loo ta'uua i le Tusi a Mamona; o le isi tolu pasene ua toe faaupuina.⁸
- Sa ta'uua e le Faaola Isaia i le Feagaiga Fou e le itiiti ifo ma le faa 7 ae faa 40 ona tauina e Apostetolo ia Isaia.⁹
- E le itiiti ifo ma le 100 ia mau faasino o le Mataupu Faavae ma Feagaiga i tusitusiga a Isaia;¹⁰ O loo tuuina atu i le vaega 113 ma le 133 faaliliuga ma faamalamalamaga o nisi o valoaga a Isaia.
- Na faaali Moronae ia Iosefa Samita i le aso 21 o Setema, 1823, ma siiina mai le Isaia mataupu 11, "ua fetalai mai ua lata ona faataunuina."¹¹



O ANOMEA A LE EKALESIA — I LE LOLOMI PO O LE FAAELETONIKA?

Sa tilotilo ifo i lalo le tamaloa i ona lima. Sa ia faagaoioia ona tamata-mailima. O na lima e mafai ona faia mea e tele. Toe lip ea se paipa ua pa. Fausia se laulau. Taitai atu ai lona fale-tua i le isi itu o le fola siva i le pao ma le sitaili.

Ona ia vaai atu lea i le telefoni poto na ia faatauina talu ai nei. E mafai e ona lima ona faia le tele o mea. Ae e mafai ona faia e ona limamatua . . . *lena mea?*

Sa taatitia ana tusi lesona o le Aoga. Sa ma tusitusiga paia ua loa ona faa-aoga i autafa o le telefoni. Oka sona fiafia i na tusitusiga paia! Na te fiafia i le pai atu o le pepa i lona lima. O faamatalaga tusilima uma. O le tulaga faigofie o ia faamatalaga.

Ae sa ia manatua le aoao mai o Elder Richard G. Scott faapea o le i ai o tekinolosi ua mafai ai ona e aveina ia tusitusiga faavae ma isi mea e sili atu i lau taga.¹ Sa ia pai atu i tusitusiga paia ua matafi le pa'u. Sa ia tautino atu na te lei aveina soo ia tusitusiga paia i le vайaso atoa.

Ae o le isi aso sa faaaoga ai e le atalii o lona atalii lana telefoni e faa-soa mai se laina mai se tasi o sauno-agia mai le konafesi e fiafia i ai. I lena taimi, sa latou o i ai i se tietiega i le po o le Aso Faraile.

E le tele ni taimi o lenei tamalii i le aso e suesue ai. Ae peitai, e mafai lava ona ia faaoefina i totonus se 5 minute i i, 10 minute iina. Sa manao foi o ia maua mea uma sa ofoina atu e le Ekalesia faaeletonika.



Sa tuitui mai le faitotoa i luma. “Ei, Tamamatua!” fai mai le atalii o lona atalii. “Ua e sauni e amata?”

Sa uu mai e le tamā lana telefoni poto. Atonu o le a le felelei ona limamatua e pei o limamatua o lana fanau ma fanau a fanau. Ae atonu e le manaomia.

“E te iloa a,” na fai mai ai le tamaloa. “Aoao mai au!”

A o faaauau le vайaso, sa tele mea na iloa e le tamaloa e uiga i mea sa aoao ai o ia e le atalii a lona atalii: e faapea o le lalolagi faatekinolosi e . . .

- Aoga. “E i ai nisi mea, e pei o le vitio ma otio, lea e le mafai ona e maua i tusiga. E maua faaeletonika mea uma i se nofoaga e tasi. E mafai foi ona e aveina ma faasaoina faamatalaga i le ala.”

- Auiliili. “E pei o se potutusi tele. E mafai ona e aveina lomiga a le Ekalesia i le lima e tasi ma sue-sue i ai i sooo se mea.”
- E Mafai ona Sailia. “E mafai ona fesoasoani vaega e saili ai ina ia vave ona maua mea o loo e sailia.”
- E Mafai ona Faasoaina. “Afai e te fiafia i se mea, e mafai ona e faasoa atua. O se auala faigofie e faasoa atua ai le talalelei.”
- Vave. “E te le tau manaomia ona faatali mo le utaina. Ma e le manaomia ona e sailia se nofoaga e tuu i ai mea uma.”
- Taugofie. “E leai se tupe e te totogia ia maua ai anomea faaeletonika a le Ekalesia; ma o le toatele o tagata ua filifilia teki-nolosi, o le tele foi lea o tupe sefe a le Ekalesia i le lolomiina, meli, ma suegaoloa.”

O le a la le mea a lenei tala e faata-tau ai ia te oe?

Ua toeitiiti lava o anomea o loo lolomiina mai le Ekalesia o loo maua foi i le LDS.org po o le polokalama feaveai o le Potutusi a le Talalelei. O le faaaogaina o tekinolosi e le faapea o le a le matua faaaoga ai au tusi ua uma ona lolomiina—e i ai lava taimi ma nofoaga o mea uma i lou olaga, ae ao e sauniuni mo le matapu aoaoina o le tausaga a sau, mafaufau e iloilo po o fea punaoa faatekinolosi e tala-feagai mo oe.

I mea uma lava, aua e te fefe e faia se oso maualuga i le tulaga faatekinolosi. O le a i ai pea se tasi e faasino atu ia te oe le auala. ■

FAAMATALAGA

1. Tagai Richard G. Scott, “Mo Le Filemu i le Aiga,” *Liahona*, Me 2013, 30.



*Toetoe o le
autalavou uma o
aso nei o le a fesootai
ma ponokalafi i le
taimi latou te 18 ai.
Matua, o nisi nei o
faatinoga e fai.*



Faamaloloina o Manua o loo Natia



Saunia e Jennifer Grace Fallon

Mekasini a le Ekalesia

Tle taua tele mo le aai o Kumenae, o loo faamatala mai ai e Helamana ana autau e 2,060 o talavou o e “sa matuai tau e aunoa ma se manatu i le oti” ma o latou fili (Alema 57:19). E ui ona “sa leai se tagata e toatasi o i latou na fano” i lena taua, “sa leai foi se tagata e toatasi o i latou e le’i o’o i ai se manua tele” (Alema 57:25). O le toatele o nei fitafita talavou na matuai manuua lava ma na latou matapogia ona o le tele o le toto masaa.

O nei tagata talavou sa tauina se taua na le mafai e o latou matua ona tau mo i latou, ma sa latou tauina aua ua osofaia lo latou nuu. O se taua matautia faapena foi o loo osofaia totonu o talavou i ona po nei, mo mafuaaga talitutusa. O matua o aso nei ua le mafai ona toe tauina le taua faaleagaga mo o latou talavou nai lo le mea na mafai e le nuu o Amona. Ae e mafai ona latou aoao ia iloa manu’ā faaleagaga e tuuina atu e lenei taua ma faaauupegaina ai a latou fanau i le malamalamā ma punaoe a tatau ona latou maua ina ia ola e manumalo ai faaleagaga.

Sei Tatou Faafesagai Ma Mea Moni

Na faaalia e nisi suesuega faapea e latalata atu i le selau pasene o tupulaga talavou o le taimi nei e oo atu i le taimi e faauu ai i aoga maualuluga ua latou vaaia pe faaalia foi i ai ponokalafi, ma o le tele o na vaaiga e tutupu i luga o le Initoneti ao faia meaaoga a le tamaitiiti.¹ I le 2008, na lipotia mai ai se fua faatusa o le 9 mai le 10 alii talavou ma le toeitiiti tasi vae tolu o tamaitai talavou e faaaogaina ponokalafi.² O le averesi o le matutua o e ua iloaina ma ua faia ma vaisu e tutusa lava: 11 tausaga le matutua. Matou te faamoemoe o nei fuainumera o le a faaitiitia

E taua tele tulafono o le komepiuta faaleaiga, ae e le faapea o le a taofiofia ai i tatou i lalo i ioe ma leai o le saogalemu o le Initoneti.



ona o le aafiaga o le talalelei, ae ua faaalia mai i suesuega faapea “e leai lava se eseesege” o le Au Paia O Aso e Gata Ai “pe a oo mai i le tulaga faifaipea po o le tulaga o le feu-suaiga faavaisu.”³ Ae paga lea, o le fesili e foliga mai e le o toe *afai* o le a faaalia i a tatou fanau ponokalafi ae o *afea*—ma *pe faapefea* ona latou taulimaina. E moni lava, tatou te manatu o le toatele o tatou talavou o le a manunua i lenei taua. Ae e le faapea la o le a fano ai i latou.

I se taumafaiga e puipuia a latou fanau, e mafai ona manatu tele matua i mea e fai ma mea e le tatau ona fai mo le saogalemu i luga o le Initoneti. Na faailoa mai e Mark Butler, polofesa o le olaga faaleaiga i le Iunivesite o Polika Iaga, le taua o le malupuipuia o tatou aiga ma auaiga a o faaopoopo atu o nei “vaifofo faatekinolosi ua na o le amataga o le tali. O le talipupuni aupito sili ona taua o le tasi lea tatou te tuuina i luga o tatou loto, ma o lenei talipupuni faaleagaga e faatulaga ma faafetaui i totolu o le aiga.”⁴ E ui e taua ma fesoasoani tele poloka o le Initoneti ma tulafono o le komepiuta a le aiga, e masani ona atiina ae le vaisu o ponokalafi i fafo atu o le aiga i faletusi lautele, aiga o uo, po o nofoaga e mafai ona maua ai le initoneti e le faaaogaina ai ni uea po o telefoni feaveai foi, e le tele ai ni mea faalavefau i le initoneti.

Na aoao mai Elder D. Todd Christofferson o le Korama a Aposetolo e Toasefululua: “O uiga Faaalia ua taulai atu i le faateleina ma le pasiaina o tulafono ma taiala sili atu ma malolosi. Atonu e mafai ona upuesea ai nisi mai le auai i le faia o amioga le talafeagai, ae o isi o le a na ona sili atu ai ona fatufatuai a latou auala e aloese ai. E le mafai ona lava tulafono lea ua mamanuina ma le faaeteete tele ina ia mafai ona taulimaina ai tulaga uma. . . . I le iuga, na o se tapasa

o le lelei i totolu o tagata taitoatasi e mafai ona taulimaina ma le mataalia le mafuaaga autu faapea faailoga o le nuu ua pala.”⁵ I le iuga, o le puipuiga sili e mafai ona e uunaia i o outou talavou o le manao mo se olaga mama.

O Faailoga o Vaisu

O le a le mafai lava ona tatou faaaoga sese o tatou tino faaletino e aunoa ma le faamanualia foi o tatou agaga, ma o lena ituaiga o manu'a o le a tuua ai lava se ma'ila faaleagaga.

O matua mataala atonu o le a mafai ona iloa vaisu o ponokalafi e ala i le mataituna o faailoga nei. O se upu lapatai: o faailoga nei e le tau ta'u mai ai se mausa o ponokalafi. Afai o lau tama talavou o loo faaalia nisi o nei amioga, ua latou faailoa mai se faafitali e loloto atu atonu e mafai ona aofia ai le faaaogaina o fualaau faasaina, vaisu o ponokalafi, sau, po o se isi mea. E tusa lava po o le a le mafuaaga, o le a mafai ona e faaaogaina nei faailoga e te iloa ai ua tatau ona e amatalia ni talanoaga tuusao o le alofa, faatasi ma lau fanau.

Faaitiitia le Faatauaina o Oe Lava

O autalavou o loo tauivi ma ponokalafi e tele lava ina i ai aafiaga o se maasiasi loloto e faavaivaia ai lona faatauaina o ia lava. O nisi o faailoga mo le leai o se naunautai mo ia lava e aofia ai le le lelei o togi i le aoga, leai o se uunaiga mo gaoioiga, ma le faaalia o le leai o se amio pulea mo le tausia o le soifua maloloina lelei po o le le tausia o taimi e tatau ona moe ai.

Le Fiafia i Tulaga Faaleagafesootai

O vaisu o ponokalafi e fatupulaia i mea lilo, ma e mafai ona e vaai i lau tama talavou ua alu ese atu mai le taimi o

le aiga ma gaoioiga faafafia. O le faailoga sili lea ona taatele o se faafitauli i ponokalafi. O talavou e faaalu se tele o latou taimi i o latou potu ma le faitotoa e loka ma e vavaeeseina i latou lava mai isi atonu e le na o na matamuli. E tusa lava pe o loo aofia i mafutaga faama-sani, o nei talavou i le tele o taimi e faigata ona fegalegaleai ma isi. O le a manino le tuu-atoatasi ao faalolotoina le fai ma vaisu, ma o le a matele ina faaalia e tupulaga talavou le ita pe a osofaia lo latou lava siosiomaga patino. O i latou o loo tauivi ma ponokalafi ua atiae-inna ni vaaiga faapito o lo latou lava taua ma le mama o isi, ma ua latou aveesea i latou mai tagata latou te vaai faalemafaufau i ai ua sili atu ona mama ona ua latou lagonaina le lē agavaa, le maasiasi, ma le taufaasese fo'i.

Atuatuvalē

O le atuatuvalē o se lau e faataumaai itu e lua aua e mafai ona e auauna atu o se faatusa ma se mafuaaga mo se vaisu. O le faaalia faifai pea o le leai o se faamoemoe, faia pea o amioga le lelei ma tautau soo o le le gafatiaina o mea uma o ni faailoga lea o le atuatuvalē. O talavou o e ula e uiga i le pule i le ola o loo faaali mai ai le atuatuvalē. O isi faailoga o le atuatuvalē e aofia ai le aitele po o le laitiiti foi nai le mea e masani ai, tau le moe, po o le ova moe, vaivai faaletino—o soo se mea lava e mafai ona mafaufauina o ni amioga ogaoga.

*E tatau ona
tatou fesootai
atu a tatou
molimau e uiga
i ma le tuuto i le
talalelei i a tatou
autalavou.*

O isi faailoga o le aafia ai i ponokalafi e aofia ai le faateleina o le ita, lē faamaoni, faamaualuga, ma le le lagona lelei po o le le fiafia i faatulagaga faaleagaga.

E le mafai ona tatou lisiina uma faailoga o vaisu o ponokalafi. E mafai e matua ona sili atu ona fuaina pe ua lava puipuia a latou tupulaga talavou e tetee atu i ponokalafi pe a tausia le tatalaina o talanoaga tuusao ma i latou e uiga i tulaga tau feusuaga ma o latou soifua maloloina faalelagona ma faaleagaga.

**O Lo'u Atalii ua Fai ma Ana Vaisu.
O Le A Nei La?**

Na saunoa Elder M. Russell Ballard o le Korama a Aposetolo e Toasefululuia, “Tusa lava po o a ni taamilosaga ua fai ma vaisu o se tasi ua maua ai, o loo i ai pea lava le faamoemoe” ona o le Togiola a Iesu Keriso.⁶

I lo latou amataga, “o vaisu uma o fua-fuaga le talafeagai e taulimaina ai faafitauli o le olaga,” o le tala lea a Polofesa Butler. O fanau o e ua le iloa le ala e taulima ai le tausalaina, maasiasi, faanoanoa, po o tiga, o le a matele ina liliu atu e faia amioga ua fai ma vaisu ia lē lagonaina ai o latou lagona le lelei. E oo lava i lagona itiiti matuia e pei o le popole, le fiafia, po o le tuua toatasi e mafai ona taitai atu ai i amioga faavaisu pe afai e le malamalamā le tamaititi i le auala e taulima-inā a.



E mafai ona fesoasoani matua i a latou fanau e atiina ae metotia faalesoifua maloloina o le taulimaina e ala i le faataitaia o na amioga e i latou lava. E ono fesoasoani fesili nei e te iloiloina ai au lava metotia o le taulimaina: Pe a e atuatuvalo, vaivai, pe faanoanoa, mata e te vavaeesea mai oe na o oe lava? E te faalagolago i faafiafiaga e alo ese mai i ou faafitauli nai lo le taulimaina o i latou? E te faaali atu o le ala sili e foia ai faafitauli o le faalagolago i le Tama Faalelagi, le Faaola, ma au sootaga ma isi?

E tatau ona aoao fanau ia iloa faailoga o manu'a faaleagaga e pei o le faanoanoa, tausalaina, ma le tiga, ina ia mafai ona latou liliuina o latou tiga i aafiaga e aoao mai ai. E le leaga le tiga faalelagona. Na faamatalaina e Alema le ititi o tiga o ana agasala ua "silisili ona logolelei" ma "oona" (Alema 36:21); Na "tagi lotulotu" Peteru ina ua uma ona ia faafitia le Faaola (Luka 22:62); ma sa puapuagatia Seseroma "ona o lona amioleaga" (Alema 15:3). E mafai ona e fesoasoani i lau fanau e aoao ia faatatau i le tiga e le o se lagona

FAI FESILI TALAFEAGAI

Ole tele o tupulaga talavou latou te tauina i a latou epikopo pe afai o loo tauivi ma ponokalafi a o lei tau atua i o latou matua ona (1) o a latou epikopo e tuusao atu lava ni fesili e uiga i ai, ma le (2) e masani ona le maua ni o latou lagona toafimalie pe a fai ni talanoaga ma o latou matua i le tulaga o latou lagonaina ai le vaivai.Ua fautuina mai e Bruce Carpenter, polofesa o mataupu tau le mafaufau i le lunivesite o le Polika laga, ia atiina ae e matua le tomai e faia ai ni talanoaga maaleale ao lei faia a latou fesili tuusao e uiga i ponokalafi. E mafai ona aofia ai le faaauai ma le punouai o lau tama talavou i talanoaga i le autu lautele o le ola mama ma tulaga faatonuina.

F

- O le a se uiga faaalia o i ai o au uo e uiga i tulaga feusuai?
- O le a sau vaaiga i tulaga faatonuina o le Eklesia i le ola mama?
- Ua i ai ea se taimi ua e tauivi ai ma ponokalafi? Faamata o le a e lagona le toafimalie le ta'u mai ia te au pe afai na e faia?
- O a ni tulaga o le a sili atu ai ona e tosina atu ai i ponokalafi?
- O fea o e faamoemoe o le a e matamata ai i ponokalafi?
- O ai uo e sili ona tuuina mai ai le faafitauli e uiga i ponokalafi? O le a se auala e te manatu o le a tatou taulimaina ai lena mea?

matautia e tatau ona aloese mai ai, ae o se faiaoga e mafai ona taitai atu ai i le tuputupu ae maoae. Na faaaoga uma e Alema, Peteru ma Seseroma tiga o a latou agasala e faaosofia ai i latou i le salamo, ma sa avea i latou ma amepasa tuuto o le talalelei. O au faataitaiga ma taitaiga e mafai ona fesoasoani i lau fanau e aoao ai i le tulaga faatauaina o le salamo nai lo le avea ma vaisu.

Na aoao mai Peresitene Dieter F. Uchtdorf, Fesoasoani Lua i le Au Peresitene Sili: "E i ai se eseesega taua i le va o le faanoanoa mo agasala e tau atu i le salamo ma le faanoanoa e tau atu i le faavauvau.

"Na aoao mai e le Aposetolo o Paulo e faapea 'o le *faanoanoa faaleatua* e tupu ai le salamo i le faaolataga . . . ae o le *faanoanoa o le lalolagi* e tupu ai le oti" [2 Korinito 7:10; faaopoopo le faamamafa]. O le *faanoanoa faaleatua* e musuia ai le suiga ma le faamoemoe e ala i le Togiola a Iesu Keriso. *O le faanoanoa faalelalolagi* e toso i tatou i lalo, aveesea ai le faamoemoe, ma faatosinaina i tatou ia lolo atu atili i faaososoga. . . .

E ui lava ina fai mai Polofesa Carpenter e sili atu ona fesoasoani le taulai atu i le fausiaina o se mafutaga nai lo le mulimuli i se lisi o fesili, sa ia fautua mai e fai atu fesili e pei o na o loo i le itu tauagavale o au faatalanoaga masani ma lau tama talavou.

O tupulaga talavou e masani ona matua le mauttonu i taimi o nei talanoaga, ma e sili ona lelei pe afai e mafai ona tali atu matua e ala i le saoloto o le faasoaina o lagona, manatu i lagona o talavou, ma aua le faamasinosino. O le a faigata i le autalavou ona tautau atu i matua o e tali atu i auala e matuai faalelagona lava po o le tuuina atu foi o se faasalaga le faamaonia.¹

FAAMATALAGA

1. Bruce Carpenter, mai se faatalanoaga ma le tusitala, 12 Sete. 2013.

A o faatinoina e le au talavou le faatuatua i le Togiola a Iesu Keriso, o le a mafai ona faamaloloina i latou mai o latou manu'a faaleagaga.



"O le salamo moni e faatatau i le suiga, ae le o tiga ma mafatiaga. Ioe, o le faanoanoa faamaoni ma le loto momomo moni mo le le usiusitai e tele lava ina tiga ma o ni laasaga taua ia i le faagasologa paia o le salamo. Ae a oo atu le tausalaina i le musuā o le tagata lava ia po o le taofia o i tatou mai le toe tutulai ae i luga, o le a faatuai ai nai lo le uunaia o lo tatou salamo."⁷

O le a mafai e a outou fanau ona onosaia o latou manu'a faaleagaga pe a latou maua le vaaiga ma le faamoemoega mo se olaga mama. O le a fausiaina lenei vaaiga e ala i le tatalo faatauanau ma le suesue faamaoni o tusitusiga paia i aso taitasi.⁸ Ua fautuaina e Polofesa Butler matua: "O le mana o a outou faataitaiga, o le a fatu ai se vaaiga malosi o le oli-oli, filemu, ma le fafia o se olaga mama. O loo i ai se malaga umi i le va o le manao mo se olaga mama ma lona ausiaina, ae o le manao o le fatu lea mo le sitepu muamua." Atonu e manaomia se taimi mo le manao mo le mama ia tuputupu ae ai. "O le tagata o le natura o se tagata matua anagata ma o le tele o taimi e manaomia ai se taimi umi e aveesea ai le tagata o le natura," o le tala lea a Polofesa Butler. Ma a o le upu

vaisu e le aveesea ai le tiutetauave mo filifiliga, o lona uiga o uiga masani e sili atu le faatiga e masani ona manaomia ai le onosai ma faatauanau (e pei o le Polokalama a le Ekalesia o le toe faaleleia o vaisu) ina ia mafai ona faatoilaloina.

Faamoemoega o i Luma Atu

E pei o au tau a Helaman, e masani ona faaalia e a tatou tupulaga talavou "le lototetele tele" pe a fetaiai ma le leaga (Alema 56:45). E pei lava ona faalagolago i ai na autau o le Tusi a Mamona i le faatuatua o a latou matua, e tatau ai foi ona fesootai atu a tatou molimau e uiga i le ma le tuuto atu i le talalelei ina ia mafai ona e faapea atu i a tatou talavou, "Matou te le masalosalo na iloa e o matou tina [ma tama]" (Alema 56:48). Ua folafola mai e le Alii, "O le a ou tauina a outou taua" (MF&F 105:14). A o faatinoina e le au talavou le faatuatua i le Togiola a Iesu Keriso, o le a "faamalolosi tele ai i latou e oo lava i le mana e laveaiina ai" (1 Nifae 1:20). ■

Mo nisi faamatalaga ma punaoa e faatatau i lenei autu, tagai i le overcomingpornography.org.

FAAMATALAGA

1. Tagai John L. Hart, "In Your Family? Undetected, Pornography Invades Homes, Ruins Lives," *Church News*, Mar. 3, 2007; ldschurchnews.com.
2. Tagai Jason S. Carroll and others, "Generation XXX: Pornography

- Acceptance and Use among Emerging Adults," *Journal of Adolescent Research*, 23, no. 1 (2008): 6–30.
- John L. Hart and Sarah Jane Weaver, "Defending the Home against Pornography," *Church News*, Apr. 21, 2007,

- ldschurchnews.com.
- Mark Butler, from an interview with the author, Aug. 2, 2013; tagai foi Mark H. Butler, *Spiritual Exodus: A Latter-day Saint Guide to Recovery from Behavioral Addiction*; Boyd K. Packer, "The

- Shield of Faith," *Ensign*, May 1995, 7.
- D. Todd Christofferson, "Amio Pulea," *Liahona*, Nov. 2009, 105–8.
- M. Russell Ballard, "E! O Le Togafiti Poto a Le ua Leaga," *Liahona*, Nov. 2010, 108.
- Dieter F. Uchtdorf, "E

- Mafai Ona E Faia Nei Lava!" *Liahona*, Nov. 2013, 56.
- Tagai M. Russell Ballard, "O That Cunning Plan," 110.

FAAMALOLOSIA O LE AUTALAVOU E ALA I GAOIOIGA FAAGAEETIA

Saunia e Mike Madsen

Matagaluega a le Au Perisitua

Tle avea ai ma se tasi o matua po o se taitai o le autalavou, e te manao e faamalosia lau fanau ma le autalavou i lau uarota po o le paranesi. O loo latou tuputupu ae i se taimi o loo ua agai ese atu ai tulaga faatonuina o le lalolagi mai i tulaga faatonuina o le talalelei. E masani ona latou lagonaina

le tuua toatas i a latou taumafaiga e ola ai i le talalelei. O le mea e lelei ai, e mafai ona latou maua le malosi e ala i le auai i gaoioiga anoa ma isi talavou.

O Gaoioiga e Mafai Ona Faamalosia ma Laveai le Autalavou

O gaoioiga faamanuiaina e maua ai e le autalavou se tulaga lelei e

"O se meafaigaluega maoae lenei, ma o le a fesoasoani mai ia te au i lo'u taimi ma le valaauga o le peresitene o le Ofagapi."

—Mikayla H., Texas, ISA

"O le a avea lenei mea o se afi faaleoleo o le manatu lelei tele ma le faatulagaina o meafaigaluega lea e faaaoga ina ia mautinoa o a tatou gaoioiga uma e i ai se faamoemoega ma galue agai i le fausiaina o le molimau a o tatou talavou."

—Iosua G., Manitoba, Kanata

"O le anotusi e maoae. E mafai ona e iloa lelei ai o o tatou taitai e musuia ma o loo popole mo le autalavou ma taitai i le lotoifale. O le vaia o lenei saite, na le mafai ona tatalia le musuia."

—Victor R., Mekisiko

E manaomia ni manatu mo se gaoioiga a le autalavou? Asiasi i le lds.org/youth/activities mo le silia ma le 160 manatu.





O tomai e mafai ona tatou faaaoga e auauna atu ai

Aoao ni tomai fou ona faaaoga-
ina lea e auauna atu ai i isi.

aoao ma ola ai i le talalelei. Latou te fesoasoani i le autalavou e saunia mo a latou matafaioi i le lumanai, atiina ae ai a latou taleni ma mea e fafia ai, aoao tomai faaletaitai ma atiina ae ni faauoga a o latou fesootai ma isi alii talavou ma tamaitai talavou. O gaoioiga e mafai ona maua ai avanoa mo le autalavou e faatino ai auaunaga anoa mo isi i le nuu. O gaoioiga o le

a mafai foi ona fesoasoani ia te oe e fausia sootaga lelei faafaufautua ma le autalavou.

O tagata ua le toaaga mai ma i latou e le auai i lo tatou faatuatuaga e mafai foi ona fiafia i siosiomaga malie ma masani ai o gaoioiga a le autalavou. “O gaoioiga o le a saunia se tasi o o tatou ala e sili ona lelei e aapa atu ai ma laveai mai isi,” o le tala lea a David L. Beck, peresitene aoao o Alii Talavou. “E toatele le autalavou e ono le taliaina muamua se valaaulia e o mai i se sauniga faamanatuga pe faalogo i faifeautalai, ae o le a fiafia e faatasi ma i tatou i se gaoioiga malie. E toatele tagata liliu mai i le Ekalesia na lipoti mai o le latou taimi muamua lava i le talalelei na oo mai ina ua valaaulia i latou e se uo i se gaoioiga a le autalavou.”

O se tasi o vaega taua i gaoioiga faamanuiaina o le faaaofiaga lea i le autalavou. I lalo o lau taitaiga, o le autalavou e mafai ona faia se matafaioi taua i le fuafuaina; e leai se tasi na te silafia mea latou te fafia i ai, o sini, manaoga, ma fesili e sili atu nai lo latou. Pe a taulamua le korama ma peresitene o vasega i le fuafuaina ma faataunu gaoioiga e faavae i manaoga o le autalavou i le uarota po o le paranesi, o le autalavou e sili atu ona saofagā ma fafia ma o le a iu lava ina sili atu ona aafiaga.

O Gaoioiga Eseese

I le lds.org/youth/activities, o le a e maua ai le silia ma le 160 o manatu mo gaoioiga e musuia le autalavou ao latou fuafuaina. O loo fautuina mai foi e le saite ni auala e fesoasoani ia te oe e iloa ai manaoga o alii talavou ma tamaitai talavou, faatasi ai ma meafaigaluega

mo le fuafuaina ma fesootaiga e fesoasoani ai i taitai talavou ma taitai matutua e faatino o latou manatu. E mafai foi ona e auina atu ou lava manatu mo gaoioiga i le saite.

Na fautua mai e le saite gaoioiga mo le auauna atu i isi, faasoa atu le talalelei, atiina ae o le soifua malolina faaletino, faatinoina musika ma le faatufugaga, sauniuni mo matafaioi i le lumanai, faia galuega o le malumalu ma talafaasolopito o aiga, ma isi mea. Ao agai ina matutua le autalavou ma feagai ma tiutetauave sili atu, latou te manaomia se vaega lautele o tomai ma aafiaga e faatotogaina ai i latou e avea ma o latou tagata silisili i luga o le ala i le faaeaga. “Ina ia saunia mo le galuega ua i le Tama Faalelagi mo i latou,” o le tala lea a Elder Paul B. Pieper o le Fitugafulu, “e manaomia e o tatou talavou ni aafiaga o le a fesoasoani ia i latou e tuputupu a’ e faaleagaga, faaletino, faalemafaufau, ma faaagafesootai. O le eseese o vaega o gaoioiga i le uepisaite o le a faamalosia ai le tele o avanoa ua tatau ona tatou saunia mo o tatou tagata talavou.”

O gaoioiga a le saite o le a faaleleia atili ai le aoaoina o le talalelei e ala i le faafesootaiina o gaoioiga i mataupu faavae o loo aoaoina e le autalavou i lesona o Aso Sa ma le Tiute i le Atua ma le Alualu i Luma o le Tagata Lava Ia.

A o galulue faatasi talavou, taitai, ma aiga e fuafua ma faatino ia gaoioiga e valaaulia ai talavou uma e o mai ia Keriso, o le a atili saunia le tupulaga faia’ e e faataunu le galuega a le Alii i le lalolagi. ■



Faaaliga taleni

Fuafua se faaaliga taleni a le uarota po o le autalavou.



Faletatala a faifeautalai

Fuafua, saunia, ma faalauiloa atu se faletatala a faifeautalai, gaoioiga faaaganuu, po o se lotoifale.





Saunia e Elder
L. Whitney Clayton
O Le Au Peresitene
o Fitugafulu



O LE GALUEGA
O LE FAAOLATAGA

i le Taimi Lena MALE Taimi Lenei

*E le fou i lenei tisipenisione tiutetauave e lima o le galuega o le faaolataga.
Na latou aoaoina ma faatinoina i taimi o le Tusi a Mamona.*

Ole talanoa atu e uiga i aso e gata ai, ma le upu moni faaalia o le a oo ina faalilofia ai le lalolagi, na valoia atu e Nifae i tagata o le “a oo mai i le malamalamā o lo latou Togiola ma o le autu lava o ana aoaoga faavae, ina ia latou iloa pe faapefea ona oo mai ia te ia ma faaolina” (1 Nifae 15:14; tagai foi i le Moses 7:62). I le faataunuina o le valoaga a Nifae, o loo saili le Ekalesia i le taimi nei e fesoasoani i alii ma tamaitai i le lalolagi atoa e aoao ma fausia o latou olaga i aoaoga faavae a le Faaola ina ia latou o mai ia te Ia ma savavali i le ala o le faaolataga.

O loo aoao mai perofeta ma aposetolo soifua “e auina atu tagata o le Ekalesia a Iesu Keriso ‘e galulue i lona tovine mo le faaolataga o agaga o tagata’ (MF&F 138:56). O lenei galuega o le faaolataga e aofia ai le galuega faamisiona a tagata o le au paia, faatumauina o tagata liliu mai, faatoagaina mai o tagata ua le malolosi mai, galuega o le malumalu ma talafaasolopito o aiga, ma le aoaoina atu o le talalelei.”¹

O loo faaalia mai i le Tusi a Mamona o tagata o le Ekalesia i aso anamua sa faamamafaina le “galuega faafaifeautalai, faatumauina o tagata liliu mai, faatoaagaina mai o tagata ua le toaaga, malumalu ma talafaasolopito o aiga, ma le aoaoina atu foi o le talalelei.” O le mea moni e faapea o nei tiutetauave taua o tagata o le Ekalesia o loo tumau pea i le salafa o tisipenisione o se faamaoniga o se molimau mamana o le Atua e le masuia ma e alofa o Ia i Ana fanau uma, po o fea lava ma soo se taimi na latou ola ai.

Galuega Faafaifeautalai

Ua aoao manino mai e le Tusi a Mamona le aoaoga faavae lea o le fatu o le galuega faafaifeautalai. Mo se faataitaiga, na tusia e Nifae faapea “afai tou te mulimuli i le Alo, ma le faamoemoe atoa o le loto, ma le faia se pepelo ma se faa’ole’ole i luma o le Atua, ae ma le manatu tonu i ai, ma salamo i a outou agasala, ma molimau atu i le Tama ua outou loto e ave i o outou luga le suafa o Keriso, i le papatisoga—ioe, i le mulimuli atu lea i lo outou Alii ma lo outou Faaola i lalo i totonus o le vai e tusa ma lana afioga, faauta, ona outou maua lea o le Agaga Paia; ioe, ona oo mai ai lea o le papatisoga i le afi ma le Agaga Paia (2 Nifae 31:13; tagai foi i le 3 Nifae 11:31–40; 27:13–22).

O le mea lea, e le o se mea e faateia ai o loo i ai aaifiaga malolosi o tala o le galuega faafaifeautalai i le Tusi a Mamona. Mo se faataitaiga, na mumusu atalii taitoatasoi o Mosaea e talia le tiutetauave e faatatau i le auaua atu o se tupu o sa Nifaē, ae nai lo lena na latou o atu i le laueelele o Nifae e talai atu le talalelei i le au sa Lamana, o e na avea ma fili oona o sa Nifae. O le latou misiona pe a ma le 14 tausaga, ma e faitau afe o tagata na auai mai i le Ekalesia o ni tagata liliu mai. (Tagai i le Mosaea 28; Alema 17–27.)

Ao mulimuli ai i le faataitaiga o le galuega faafaifeautalai i le Tusi a Mamona, o le Ekalesia i le taimi nei ua i ai sana taumafaiga faafaifeautalai e le mafaatusalia i se isi lava mea i lona talafaasolopito.

Faatumauina o Tagata Liliu Mai

Na tusia foi e Nifae e uiga i le faamalosiauina o tagata fou ina ia tumau le toaaga i le talalelei ina ia mafai ona latou maua le ola e faavavau:

“Pe a uma ona outou i ai i lenei ala lauitiiti ma le vaapi-
api, ou te fesili atu pe ua uma ona faia o mea uma? Faauta,
ou te fai atu ia te outou, e leai; ona tou te le oo mai iinei pe
a na le seanoa le afioga a Keriso faatasi ma le faatuatua lē
mafaagaeetia ia te ia, ma le faalagolago atoa i galuega a ia
o lē ua malosi aoao e laveai.

“O le mea lea, e tatau ai ona outou fetaomi atu i luma
ma le tumau ia Keriso, ma se susulu atoatoa o le faamoe-
moe, ma le alofa i le Atua ma tagata uma. O le mea lea, afai
tou te fetaomi atu i luma, ma taumamafa fiafia i le afioga
a Keriso, ma tumau e oo i le iuga, faauta, ua faapea ona
fetalai mai o le Tama: O le a outou maua le ola e faavavau”
(2 Nifae 3:19–20).

O taitai o le Ekalesia i taimi o le Tusi a Mamona sa faia
ni laasaga patino e fesoasoani ai i tagata fou ina ia tumau
ai i le ala sa’o ma le vaapiapi. I le vaai atu i o tatou aso ma
le iloaina o le a tatou feagai ma luitau faapena (tagai i le
Mamona 8:35), na faaaofia e Moronae lana tusitusiga nisi
o na faatinoga e fesoasoani ai i tagata fou ia tumau faama-
oni i a latou feagaiga:

“Ma ina ua uma ona taliaina o i latou i le papatisoga,
ma galueaiina ma faamamaina e le mana o le Agaga Paia,
sa faitauina i latou i totolu o tagata o le ekalesia a Keriso;
ma sa ave o latou igoa ina ia manatua i latou ma tausia i
le afioga lelei a le Atua, e faatutumau ai i latou i le ala sao,
e faatutumau ai i latou ia mataala e le aunoa i le tatalo,
ua nao galuega a Keriso, o le pogai ma le iuga o lo latou
faatuatua, ua faalagolago i ai.

“Ma sa potopoto soo faatasi le ekalesia, e anapopogi
ma tatalo, ma talatalanoa o le tasi i le tasi, e uiga i le uele-
fea o o latou agaga” (Moronae 6: 4–5).

O le Ekalesia i ona po nei e mulimuli i mamanu o
le faatumauina o tagata liliu mai o le Tusi a Mamona i
a tatou aufono a le uarota, korama o le perisitua, ma isi
faalapotopotoga.²

Faatoaagaina Mai o Tagata o le Ekalesia ua Le Toaaga Mai

I le faaiuiuga o lana galuega, na lagona e Alema le
mafatiat tele e uiga i le manuia faaleagaga o se vaega o

tagata faatuiiese mai le Ekalesia o e valaauina i latou lava o
sa Sorama. Na faamatala e le Tusi a Mamona o “lona loto sa
amata ona toe faagasegasea ona o le amioletonu o tagata.

“Ona sa avea ma pogai o le faanoanoa tele o Alema le
iloa e uiga i le amioletonu i totolu o lona nuu; o lea sa
faanoanoa tele ai lava lona loto, ona o le o ese atu o sa
Soramā mai ia sa Nifaē” (Alema 31:1–2).

Na faatulagaina e Alema se taumafaiga e toe aumai sa
Soramā. Sa ia filifili soa faamaoni ma tatalo mo ia lava ma
mo ana soa i le galuega, i le aioi atu i le Atua “sei e faama-
fanafanaina o latou agaga ia Keriso,” sei tuu atu ia i latou le
malosi e mafai ai ona latou onosaia o latou puapuaga o le
a oo mai ona o amioletonu a lenei nuu, “sei tuu mai ia te i
matou ia mafai ona manuia i le toe aumai [o sa Soramā] ia
te [oe], ia Keriso,” (Alema 31:32, 34). Ona ia tuuina atu lea i
ana soa o ni faamanuiaiga o le perisitua, ma sa latou amata-
ina a latou galuega (tagai i le Alema 31:36).

Ina o auauna atu le Alii toetu lava ia i totolu o tagata i
Nuumau, na Ia aoaoina Ona soo filifilia e saili pea lava pea
ia laveaia i latou o e na se ese mai le ala sa’o ma le vaapi-
api. Sa ia fai mai, “aua o tagata faapena ia outou galulue
pea i ai; ona tou te le iloa pe o le a latou toe foi mai ma
salamo, ma o mai ia te au ma le faamoemoe atoa o le loto,
ma o le a ou faamaloloina ai i latou; ma o le a avea outou
ma ala e aumai ai le olataga ia te i latou” (3 Nifae 18:32).

O taumafaiga a le Ekalesia o ona po nei e toe faamumu
le faatuatua i loto o tagata ua le toaaga e atagia mai ai
le aoaoga a le Faaola ma perofeta o loo tusia i le Tusi
a Mamona.

Malumalu ma Galuega o Talafaasolopito o Aiga

Ina ua uma ona vavaeeseina sa Nifae mai ia sa Lamanā,
sa latou fausia se malumalu. Na faamaumauina e Nifae
faapea: “Ma o a’u o Nifae, sa ou fauina se malumalu; ma
sa ou fauina e pei o le malumalu o Solomona vagana ai sa
lei fauina i le tele o mea taugata; ona sa le maua ia mea i le
laueele, o le mea lea, sa le mafai ai ona fauina e pei o le
malumalu o Solomona. Ae o le ala o le faiga sa pei lava o
le malumalu o Solomona; ma o lona fausaga sa matua lelei”
(2 Nifae 5:16).

O loo faamaumauina e le Tusi a Mamona faapea o
Iakopo, le Tupu o Peniamina, Alema ma Amoleka sa latou
aoao atu uma i totolu o malumalu (tagai i le Iakopo 1:17;
Mosaea 1:18; Alema 16:13). O Tusi a Alema ma Helamana



O LAU MATAFAIOI I LE GALUEGA O LE FAAOLATAGA

Emafai ona faia e tagata uma o le Ekalesia se mea e "galulue ai i le tovine o le Alii mo le faaolataga o agaga o tagata" (MF&F 138:56). Mafau-fau ma le agaga tatalo po o a nisi laasaga e mafai ona e aveina i le galuega faafaifeautalai, faatumauina o tagata liliu mai, faatoaagaina mai, galuega faalemalumalu ma talafaaso-lopito o aiga, po o le aoaoina atu o le talalelei. E mafai ona e tusiaina au fuafuaga i lau api o talaaga po o le talanoaina ai foi ma lou aiga po o faiaoga o aiga po o faiaoga asiasi.

o loo faatautau i le tele o malumalu i totonu o nuu (tagai i le Alema 16:13; Helamana 3:9).

Sa filifili e le Faaola le malumalu i Nuumau e avea ma nofoaga mo Lona afio mai i totonu o sa Nifaē ma sa Lamana na soifua ina ua mavae Lona Toetu (tagai i le 3 Nifae 11:1). Sa ia faamautinoa foi o le aoaoaga faavae o loo fa'aautu ai galuega o talafaasolopito o aiga ua aoaoina i tagata. Sa ia siiina mai le Malaki e uiga i foliga vaaria o Elia i Aso e Gata Ai, ua ia fetalai mai:

"Faauta, o le a ou auina atu ia te outou Elia le perofeta ae lei oo mai le aso tele ma le matautia o le Alii;

"Ma o le a ia liliu loto o tamā i fanau, ma loto o fanau i o latou tamā, nei ou alu atu ma taia le lalolagi i se fetuu" (3 Nifae 25:5–6).

O loo faia soo e le Tusi a Mamona ni faatatauga i le tau-sia o talafaasolopito o aiga. Na auina atu e Liae ona atalii e toe foi i Ierusalem e aumai papatusi apamemea, lea sa i ai le "talafaamaumau o tagata Iutaia ma le gafa foi o [o'u] matua" (1 Nifae 3:3). O le tusi a Eteru ua aumaia igoa o tai-tai faamanuiaina ma, pe a tatau ai, o latou uso ma tuafine ma fanau, o loo faaalia ai lena talafaamaumau o talafaaso-lopito o aiga lautele na tausia i totonu o tagata.

O taumafaiga a le Ekalesia i le lalolagi atoa o malumalu ma talafaasolopito o aiga e ogatusa ma aoaoaga o le Tusi a Mamona.

Aoao Atu o le Talalelei

O le talalelei a Iesu Keriso o loo aoaoina i le Tusi a Mamona atoa. Atonu o upu nei a Nifae ua sili ona faamalamalamaina ai le agaga o lena aoaoaga faamaoni ma lona faamoemoega paia: "ua matou tautalatala e uiga ia Keriso, ua matou olioli ia Keriso, ua matou talai atu Keriso, vavalو e uiga ia Keriso, ma ua matou tusitisi foi e tusa ma a matou valoaga, ina ia mafai ona iloa e a matou fanau po o le a le puna e mafai ona latou tepea taulai i ai mo se faamagaloga o a latou agasala" (2 Nifae 25:26).

O le tele o aoaoaga maoae i le Tusi a Mamona e mai matua o loo aoaoina a latou fanau. Mafau-fau ia Liae ao aoao atu Iakopo e uiga i le "faafeagai i mea uma" (2 Nifae 2:11) po o Alema na aoao atu ia Korianetona faapea "e lei avea lava le amioleaga ma fiafia" (Alema 41:10) po o le autau o e "sa aoaoina i latou e o latou tina, e faapea afai latou te le masalosalo, o le a laveaiina i latou e le Atua" (Alema 56:47).

E le fou i le lalolagi i lenei tisipenisione mulimuli tiute-tauave e lima o le galuega o le faaolataga. Sa latou aoaoina ma faatinoina i taimi o le Tusi a Mamona ma ua avea pea ma se vaega o le "mataupu tonu lava o le mataupu faavae a [Keriso]" (1 Nifae 15:14). ■

FAAMATALAGA

1. *Tusitalima 2: Taitaina o le Ekalesia* (2010), 5.0.
2. Tagai i le *Tusitalima 2*, vaega 4 ma le 5.



O Le Ekalesia i Korea — SA SUSULU LE MALAMALAMA OLE TALALELEI E UI I FAIGATA

*O uluai tagata o le
Ekalesia i Korea na
latou faataatia se
faavae o le faatuatua
lea ua fausia ai e le
faitau sefulu o afe o
tagata i le taimi nei.*

Saunia e Hee-Chul Seo

Faufautua o Talafaasolopito o le Ekalesia, Korea

Na amataina le galuega faafaifeatalai i Korea i le vaitausaga o le 1950 ina ua mavae le Taua a Korea. Ae o le fesootaiga muamua o le Ekalesia i Korea o Ianuari i le 1910, lea sa faaaluina ai e Alema Owen Taylor, le peresitene o le Misiona a Iapani faatoa faamalolo, ma Elder Frederick A. Caine, o se faifeatalai na auauna atu i Iapani, ni nai vaiaso e asiasi atu i Korea ma Saina. Na faamaonia e le Au Peresitene Sili le la malaga atu i na atunu e fuafuaina se avanoa o le galuega faafaifeatalai. Sa matauina e Peresitene Teila o tagata Korea sa faatupulaia lo latou fiafia i le faa-Kerisiano e ui sa mafatia lo latou atunu i lalo o tulafono a Iapani. Ae peitai, sa ia mafaufau pe na sili atu ona fiafia tagata Korea i le faa-Kerisiano mo mafuaaga faaupufai nai lo le taliaina o Keriso e avea ma o latou Faaola e faavavau.

O Le Liua o Dr. Kim Ho Jik

I le tele o tausaga talu le asiasiga a Peresitene Teila, sa onosaia e tagata Korea tofotofoga faigata, e aofia ai le sailiga malo a Iapani ma le vaavaaiga a le militeli, o le Taua a le Pasefika-Asia, sauaga mai Rusia ma Saina, le puleaina faakomenisi o Korea i Matu, ma le Taua a Korea.

Ae, faafetai i le taitaiga paia, se faamanuiaga o le faa-moemoe mo tagata Korea na amata ona tuputupu ae i Niu Ioka, ISA. Na auina atu e Syngman Rhee, le peresitene o Korea, Kim Ho Jik, o le faatonu o le Suwon Agricultural Experimentation Station, i le Iunaite Setete e aoao ai pe faapefea ona faaleleia atili mea taumafa i taumafataga Korea. Sa filifili e Ho Jik le Iunivesite o Cornell, o lea sa i ai se polokalama sili suesue faauu i meaai tatau ma paleni. I le 1949 na amata ai ona ia saili mo se faailoga silisili faa-iunivesite—faapea foi ona auai i sauniga a ekalesia eseese i le salafa o Ithaca, Niu Ioka, e saili ai le “ekalesia moni.”¹

Sa faauo Ho Jik ma se alii e igoa ia Oliva Wayman. E le pei o isi tagata e masani ma Ho Jik, o Oliva e le inu pia pe ulaula ma e le palauvale lava. Sa le galue foi o ia i Aso Sa. I se tasi aso sa fesili ai Ho Jik ia Oliva, “Aisea o e ola ai i lena auala?” I le tali atu i lena fesili, na tuuina atu ai e Oliva ia te ia se tusi ua faaulatalaina *O Mataupu Faavae o le Faatuatua* saunia e Elder James E. Talmage (1862–1933) o le Korama a Aposetolo e Toasefululuia.

Na faitauina e Ho Jik le *Mataupu Faavae o le Faatuatua* i totonu o le vaiaso ona faitauina lea o le Tusi a Mamona.



Ao avea ma se Aposetolo ma se faatonu o le vaega o fitafita a le Ekalesia, na asiasi atu ai Elder Harold B. Lee (ogatotonu, e leai se pulou) i Korea i le 1954.

O LE EKALESSIA I KOREA I SAUTE*

Tagata auai 85,628
Misiona 4
Faapotopotoga 128
Malumalu 1

*Ia Ianuari 2014



Sa ia talitonu i tusi uma e lua ma tau atu ia Oliva o le Tusi a Mamona na “sili atu ona atoatoa ma faigofie atu ona malamalama nai lo le Tusi Paia.”² Na taliaina e Ho Jik le savali o le talalelei e pei o le laueeleele matutu o loo mauaina timuga ua leva ona talitalia. O lona faatuatua na tuputupu ae i lea aso ma lea aso. Sa amata ona ia maua lesona a faifeautalai ma filifili ina ia papatisoina.

O le aso 29 o Iulai, 1951, na papatiso ai Kim Ho Jik e 46 ona tausaga i le Vaitafe o Susquehanna—sa ia manao ina ia papatiso latalata i le mea na papatisoina ai le Perofeta o Iosefa Samita ma Oliva Kaotui i le silia ma le 100 tausaga muamua atu. Ao ia sau i fafo o le vai, sa ia faalogoina se leo manino na fai mai, “Fafaga a'u mamoe.” O lena uunaiga na taitaiina atu ia e tuutoina atu aso o totoe o lona olaga e fesoasoani ai i le talalelei ia maua'a i Korea.

E oo atu ia Setema 1951 ua leai se alualu i luma o le Taua a Korea, o lea na toe foi ai ia Dr. Kim i Korea. Sa i ai sona naunautaiga malosi e talai atu le talalelei toefuataiina. Sa ia auai i le lotu i se tolauapiga faamilitel i Busan, lea na ia aoaoina atu ai le vasega o Mataupu Faavae o le Talalelei ma faasoatua atu lana molimau ma tagata asiasi mai o Korea. O fitafita ISA sa aoao atu le talalelei i le gagana

Peretania i le autalavou, ma o Dr. Kim na faaliliuina ma le alofa mo i latou. O se auala lelei lea e faasoaina atu ai le talalelei, ma talu ai sa faatuatuaina e tagata Korea ia Dr. Kim, o lea sa uunaia ai le toatele ona o lana faataitaiga.

Ina ua mavae mafatiaga tele mai le Taua a Korea, sa taliaina ma le naunautai e tagata le talalelei a Iesu Keriso. O le tuuto atu o Dr. Kim ua iu ina fua mai i le aso 3 o Aokuso, 1952, ina ua papatisoina tagata muamua e toafa i Busan, Korea.

Sa tauina atu e Dr. Kim mulimuli ane i se vaega o le Au Paia, “Ou te le popole pe afai ou te tuuina atu lo'u ola, po o a'u tuge, po o lo'u tulaga i totolu o le atunu, pau lava lea ia ou faatasi ma lo'u Faaola.”³ O lona soifua e molimauina ai lenei tautinoga e auaua atu i le Atua.

E tusa lava pe na leai se misiona i le atunu, sa vave ona sosolo atu le talalelei i Korea. Sa tulaga ese le tuputupu ae i le Usoga. Ia Setema 1954, ao toe foi atu i Iuta ina ua mavae se malaga i Korea, sa faaalia ai e Elder Harold B. Lee (1899–1973) o le Korama a Aposetolo e Toasefululu lona faamoemoe e le toe umi ae amata aloaia le talaiina atu o le talalelei a le Ekalesia i Korea. Na ia faamatalaina le faatuatua ma le naunautai o le Au Paia i Korea.⁴ I le aso 7 o Aperila, 1955, sa vavae ai e le Au Peresitene Sili ma le Korama a Aposetolo e Toasefululu le Misiona a Iapani i le Misiona i le itu i Matu Sasae Mamao ma le Misiona i le itu i Saute Sasae Mamao. Ua aofia Korea i le Misiona a le itu i Matu Sasae Mamao. Sa mananao le Au Paia o Aso e Gata Ai i Korea e auina atu faifeautalai i Korea, ae sa latou iloa le tulaga faaupufai i Korea e faaletumau, o lea sa latou faatalitali ai ma tatalo faatauanau.

O Le Amataga o le Galuega Faafaifeautalai

O le aso 2 o Aokuso, 1955, ao tu ai i luga o le mati'e matagofie o Jang-Choong Dan i Seoli, na faapaiaina ai e Peresitene Iosefa

Filitia Samita (1876–1972), o le taimi lena o avea ma Peresitene o le Korama a Aposetolo e Toasefululua, ia Korea mo le tatalaina o le galuega faafaifeatalai faamisiona ma tatalo mo le atunuu ina ia toe maua le filemu ma le manuia.⁵ I lena afiafi sa ia faatulagaina ai le Itu o Korea, ma o Kim Ho Jik, sa avea ma peresitene. Mulimuli ane, sa ia asiiasi atu i Busan e faatulaga ai le Paranesi a Busan.

I Aperila 1956, e ui lava i le le mautu o tulaga faaupufai i Korea, sa musuia le peresitene faatoa valaau o le Misiona i Matu i Sasae Mamao ia auina atu Elder Richard Detton ma Don Powell i Korea. O fitafita Amerika o le Au Paia o Aso e Gata Ai ma tagata o le au paia i Korea e toa 64, e pei o Dr. Kim, na tatalaina le ala mo le la susulu ma le vai, ma tuuina atu e faifeatalai meaai. Sa liliu mai le tele o tagata, ma amata ona tuputupu ae ai le Ekalesia.



1910: Asiasiga a le peresitene o le Misiona a Japani o Alma Owen Taylor i Korea

◀ 1951: Papa-tisoina Kim Ho Jik i Penisilevania, ISA

1952: Tagata Korea mua-mua na papatisoina i Korea



◀ 1955: Ua faapaisaina Korea e Peresitene Iosefa Filitia Samita ma faatulagaina le Itu o Korea

1956: Ua galue Kim Ho Jik ma le malo ia faatulagaina uluui faifeatalai i totonu o Korea

O Le Faatuatua o Uluai Tagata o le Ekalesia

O le faatuatua o le Au Paia Korea sa fa'aauau lona faatupulaia ae masani ona tofotofoina. O Uso Chun Nak Seo, o le sa auai atu i le ami ina ua mavae lona papatisoga ina ia faataunu lona tiute faamiliteli, sa ia manatua nisi o taimi faigata: "I le aluga o le tolu tausaga o le tautua faamiliteli, sa tofotofoina lo'u faatuatua ma lau molimau. I se tasi aso sa ona le taitaiau o le vaega ma aumaia le tele o ava malosi ma taumafai e faainu ai tagata o le vaega. Talu ai sa iloa e a'u uo o a'u o le AAG, e masani lava ona latou inuina le ipu mo a'u. Ae i lena afiafi, sa maitauina a'u ma le faaeteete e le taitaiau onā ma poloaiina ai au e inu mai le ipu. Sa ou fai atu, ou te le inu ava malosi, ae sa ia poloaiina au e inu. Ae ou te lei usitaia lava. Sa ia avane i fafo lana tamai fana ma fāata sa'o mai lava ia te au ma faatonu au e inu. Sa taofi le manava o tagata uma ma matamata mai ia te au. Sa ou toe fai atu ma le manino lava, 'lau susuga, ou te le inu ava malosi.' Sa ou lagonaina ua matua umi lava lena taimi. Na iu lava ina sa ia fai mai, 'ua ou toilalo' ma tuu i lalo le tamai fana. Sa mapuea tagata uma i le tu'umamaina ma toe foi

atu i le fale e nonofo ai fitafita. I le taeao na sosoo ai, na o'o mai le taitaiau o le vaega ia te au ma faatoese mai mo mea na ia faia i le po na mavae atu. Mulimuli ane, sa ia sau soo ia te au e ave atu ai fautuaga i mataupu faaletagata lava ia."⁶

O Uso Chun sa auauna atu o se faifeatalai faamisiona i Korea ma mulimuli ane avea ai ma se epikopo o le Uarota a Alameda i Maryland, ISA.

O Uso Jung Dae Pan sa lavea foi ia i latou o e na aoao-inia le talalelei mai uluai faifeatalai na auauna atu i Korea. Na ia alu ese mai le Iunivesite a le Malo o Seoul e lei fa'au'u ae auai i se kolisi faafaifeau. O lana miti ia avea ma se faifeau ma taitai le nuu Kerisiano i Korea.

I se tasi aso na tuuina atu e se uo ia te ia se kopi o le Tusi a Mamona i le gagana Peretania ona e lei i ai se faaliliuga faaKorea na lomia. Sa tosina atu o ia i le faitauina o le tusi. Na

iu lava ina ia faitauina i le taimi o se vasega. Ina ua fesiligia o ia e ana uo i le vasega po o le a lea mea, sa ia fai atu i ai o se tusi e pei o le Tusi Paia ma fautuaina i latou e faatauina.

I le faaiuga sa aafia Uso Jung i se faafitauli i le kolisi. Sa aami e taitai o ia ma fai atu i ai o loo ia gauai atu i faaososoga a Satani e faalogo atu i tala le faavaea, ma latou faamlosia o ia e filifili le aoga po o le Tusi a Mamona. Sa le faigata ia te ia le faaiuga aua sa ia silafia e moni le Tusi a Mamona.

Ae peitai, ina ua auai Uso Jung i le Ekalesia, sa puapugatia o ia i faafitauli faaagafesootai ma le tamaoaiga. O le sikolasipi mai le kolisi ma le lagolago tautupe mai le ekalesia ua le toe faaauauina, ma tuua ai o ia e ana uo uma. Na tausia lelei o ia e Dr. Kim. Mulimuli ane, na saofagā tele atu Uso Jung i le tuputupu ae o le Ekalesia i Korea e ala i le faaliliuna o le Mataupu Faavae ma Feagaiga ma le faasaoina o viiga. O upu matagofie na ia faaliliuna ai o loo pa'i atu lava i loto o tagata Korea.

Na faasolo ina faateleina le aofai o tagata malolosi. Ia Iulai 1962, na aloaia ai ona faatulagaina le Misiona a Korea. O Gail E. Carr, o se faifeatalai ua maea lana misiona lea



1960: Faatulagaina Paranesi i Seoul, Busan, Incheon ma Kwangju

1962: Faatulagaina le Misiona a Korea

sa auauna atu i Korea, sa valaauna o se peresitene fou o le misiona. Na faia e lenei peresitene fou le faaliliuga ma le lolomiina o le Tusi a Mamona i le gagana Korea o se tasi o ana faamuamua aupito i maualuga. Ina ua mavae le tele o mafaufauga loloto ma tatalo, sa ia tofia i le galuega o le faaliliuga se tasi o faifeautalai faamisiona, o Elder Han In Sang. O Elder Han, ina ua maea ona iloiloina faaliliuga muamua e lua,⁷ na maea ma le manuia se faaliliuga fou, ma sa lolomiina le Tusi a Mamona i le gagana Korea mo le taimi muamua i le 1967.

O le i ai o le Tusi a Mamona i la latou gagana, o le toatele o tagata Korea na amata



► 1967:
Lolomiina
le Tusi a
Mamona i le
faaKorea

1973: Siteki mua-mua i Korea—ma i lugia o Asia autu—faatulagaina i Seoul

faatele ona ia faitauina ia tusitusiga faavae. Na mauaina ia tusi i ona autafa ina ua malii.⁸

Uluai Siteki ma le Malumalu o Korea


I le 1973, o le toatele o le Au Paia o Aso e Gata Ai i Korea na amata ona faamoemoe ina ia le toe umi ae latou maua se siteki. I le aso 8 o Mati, 1973, sa faatulaga ai e Peresitene Spencer W. Kimball (1895–1985), ao avea ma Korama a Apostetolo e Toasefululu i lena taimi, le uluai siteki i Korea. Pe a ma le 800 tagata na auai i le sauniga. Na faatulagaina le uluai siteki iloga i Korea ma uarota e valu ma paranesi e lua. Ua mafai nei e tagata o le Ekalesia i Korea ona mulimuli ia Iesu Keriso



◀ 1980: O Peresitene Spencer W. Kimball le Peresitene muamua lea o le Ekalesia na asiatis i Korea



O volenitia o Mamona Lima Fesoasoani sa fesoasoani e faia ni tone o kimchi, o se taumafa masani faaKorea, i se faaaliga i Seoul. Sa tufatufaina atu le kimchi i e matitiva e ala i ekalesia ma faalapotopoga faalemalō



i lalo o le taitaiga faalesiteki a taitai Korea a le Ekalesia ma maua ai faamanuiaga mai se peteriaka faauuina Korea.

Sa avea le galuega faafaifeautalai ma galuega sili ona malosi. Na toeitiit lava atoa le 1,200 o tagata na papatisoina i le 1973. E lei umi ae sili atu le aofai o tagata auai i Korea i le 8,000, e aofia ai le silia ma le 700 o e umia le Perisitua Mekisateko i le 31 o uarota ma paranesi.

Sefululua tausaga mulimuli ane, i le mavae ai o le tuputupu ae ai pea, sa faamanuiaina le Au Paia a Korea i se malumalu ua leva ona faatalitalia. O le aso 14 o Tesema, 1985, sa faapaiaina ai e Peresitene Gordon B. Hinckley (1910–2008), ao avea i lena taimi ma Fesoasoani Muamua i le Au Peresitene Sili, le Malumalu o Seoul Korea. O lenei malumalu na faapitoa lona taua mo Peresitene Hinckley, o le sa i ai se sootaga faapitoa ma le Au Paia i Korea. Sa ia

► 1985:
Faapaiaina
e Peresitene
Gordon B.
Hinckley le
Malumalu o
Seoul Korea



1988: O Ausiva mai
le Iunivesite o Polika
Iaga sa sisiva i le sau-
niga o le tatalaina o
Taaloga Olimipeka o
le Taumafanafana,
i Seoul

saunoa mai, “na puapuagatia tagata Korea mai se taua o le sau faaletino, ae latou te alolofa i le filemu ma o latou o ni tagata agalelei. Sa sili atu ou loimata na maligi i Korea nai lo se isi lava nofoaga i le lalolagi.”⁹ Na ofoina atu e Peresitene Hinckley le tatalo o le faapaiaga, ma o le toatele na auai na maligi loimata. O se aso malulu tele, ae o le Agaga mafanafana o le Alii sa nofo i le malumalu i lena aso ma pai atu i loto o tagata uma.

O se tasi o ataval i le malumalu o loo faaali mai ai Sister Ho Hee Soon, o lē na papatiso ia Aokuso i le 1970. Sa amata ona ia faia galuega o le malumalu i ona vaitausaga o le 80. Sa ia faia faaeega paia mo le le itiiti ifo ma le 1,500 tagata. I le 2007 lava ia, sa ia faatinoina sauniga fai ma sui mo le silia ma le 600 o tagata. O se tasi tusiata Amerika, na ootia i lana auauanga, sa valiina ai lona ata ma foaiina atu i le Malumalu o Seoul i le faamanatuina o ana taumafaiga e le aunoa e fesoasoani ai e laveaiina agaga.

E toatele isi Au Paia Korea na tuuto atu i galuega o le malumalu. O le siteki a Masan (lea ua siteki nei a Changwon), mo se faataitaiga, sa latou amataina ni asiasiga

masani i le malumalu i le 1995. O aso Faraile lona lua o masina taitasi, e pikina ai e se pasi ua laiseneina tagata o le ekalesia i le aai o Jinhae-gu, Changwon, Jinju, Sacheon ma Geoje i lana malaga agai i Seoul. E taunu le pasi i le malumalu i le 2:00 po o le 3:00 i le taeao, ma faia e tagata o le ekalesia se malologa mo ni nai itula a o lei auai i sauniga o mulumuluga i le 5:00 i le taeao. Ona latou auai lea i sauniga o faaeega paia seja oo i le tuleva o le afiafi a o lei toe foi atu i o latou aiga i le tea ai o le 10.00 i le po. O le aso e sosoo ai latou te auai i le lotu ma asiasti atu i tagata i le aso atoa. Na ta'ua e brother Kim Choongseok, ao avea ma peresitene o le siteki i lena taimi, “sa latou vaivai ae fiafia.”

O lenei ua tausagā lona tuputupu a'e, ua faasolo ina matua le Ekalesia i Korea. O taitai o le Ekalesia i le lotoifale e lagolagoina malosi tulaga faaleaiga ma isi mea e faamuamua



► 1991: Valaauna
Elder Han In Sang
e avea ma se Pulega
Aoao; na faatauina
atu ai foi le kopī
lona tasi le miliona
o le Tusi a Mamona
faaKorea i Korea

2001: Feiloai Elder
Dallin H Oaks
ma le palemia o
Korea i Saute o Lee
Han-Dong

faaperofeta. Ua tele tagata Korea o le ekalesia ua iloa le taua o le tapuai faatasi o se aiga—o le faia o afiafi faaleaiga, tatalo faaleaiga ma suesuega faaleaiga o tusitusiga paia. Ma ua toatele tagata Korea talavou o loo auaua atu faamisiona nai lo se isi lava taimi muamua. Faafetai i le malamalamo o le talalelei, o loo fausiaina ai e tagata Korea o le Ekalesia se lumanai e pupula e pei o lo latou faatuatua. ■

FAAMATALAGA

1. Tagai Denny Roy, “Kim Ho Jik: Korean Pioneer,” *Liahona*, Feb. 1989, 8.
2. Kim Ho Jik, ia Denny Roy, “Kim Ho Jik,” *Liahona*, 11.
3. Kim Ho Jik, ia Denny Roy, “Kim Ho Jik,” *Liahona*, 14.
4. Tagai Harold B. Lee, i le Conference Report, Oct. 1954, 125–31.
5. Tagai Robert H. Slover, “Korea Dedicated to Preach the Gospel,” *Church News*, Sept. 10, 1955, 4.
6. Mai le api o talaaga a Chun Nak Seo.
7. O le Tusi a Mamona na muai faaliliuina i le gagana Korea i le 1961 e Hong Byung Shik, ma o se filifiliga, o tusi o le 3 Nifae, na lolomiina i le 1962. O nisi na manatu o lona faaliliuga ua faaaloalo tele, ma na muli-militai i le faaPeretania, o lea o Chung Dae Pan, lea na vaetofiaina e Elder Gordon B. Hinckley, na ia toe amata ma faamaeaina se faaliliuga fou i le 1964.
8. E pei ona faamatalaina e le epikopo a Brother Lee i lona falelausiga i le aso 8 o Ape. 2011.
9. Mai faamatalaga a le tusitala i le faapaiaga o le Malumalu o Seoul Korea i le aso 14 Tes. 1985.



Saunia e Elder
M. Russell Ballard

O Le Korama
a Aposetolo e
Toasefululua

○ ALII MA TAMAITAI MA LE MANA ○ LE PERISITUA



*Aua lava nei o tatou
faagaloina o i tatou
o atalii ma afafine
o le Atua, e tutusa
i Lana silafaga ma
tiutetauave eseese ma
gafatia e tofia i ai e Ia
ma tuuina atu aia e
faaaogaina ai i Lona
mana o le perisitua.*

Sa i ai lo'u tamamatua o Elder Melvin J. Ballard (1873–1939), o se tasi o le Korama a Apostolo e Toasefululua, i le falemai o mafatia i le tulaga faaiuiu o le lukimia i le 1939. O lo'u tama, o lē sa nofo i autafa o le moega o Tamamatua, na fai mai o ia sa tuleia e Tamamatua o ia lava i luga o le moega, ma tilotilo solo i lona potu i le falemai e pei o loo ia lauga atu i se faapotopotoga, ma fai mai manino lava, “Ma i le faatumutumuga o mea uma lava, uso e, ia tatou mafaufau manino ma sa'o.”

I mea ou te fai atu ai, faamolemole ia manatu ma mafaufau sao e uiga i aoaoga faavae autu o Keriso lea e aofia ai le alofa o lo tatou Tama oi le Lagi mo Ona afafine, o e pele ma taua i Le Eklesia a Iesu Keriso o le Au Paia o Aso e Gata Ai. Ou te talitonu ua i ai sina mea moni e manaomia ona malamalamama uma i ai tamaitai ma alii e uiga i le matafaioi taua o loo i ai i tamaitai i le faamalosia ma le fausiana o le malo o le Atua i luga o le fogaeleele.

O i tatou o ni atalii ma afafine agaga faapelepele a lo tatou Tama Faalelagi. Sa tatou nonofo faatasi ma Ia i le muai olaga. Ina ia faataunuina le misiona o le aumaia “o le tino ola

pea ma le ola faavavau o le tagata” (Mose 1:39), ua foafoaina e le Tama Faalelagi se fuafuaga e fesoasoani ai i Lana fanau ina ia ausia o latou faamoemoega tupito ma le sili.

O loo i ai i latou o e fesiliglia le tulaga o tamaitai i le fuafuaga a le Atua ma i le Eklesia. Ua lava le faatalanoaina o au e ala i faasalalauga faaleatunuu ma faavaomalo e tau atu ai ia te outou o le tele o le au tusitala ua leva ona faia ni manatu e uiga i lenei autu. I le aluga o tausaga o le toatele na tuuina atu ni fesili e atagia mai ai o tamaitai o ni tagatanuu lona lua i le Eklesia. E leai se mea e mafai ona aveesea mai le upumoni.

Sei ou fautua atu ni manatu autu se lima e mafaufau loloto i ai ma le manatu sa'o e uiga i lenei mataupu taua.

1. O le Tama ma le Alo e finagalo ina ia tatou faaeaina.

Na foafoaina e lo tatou Tama Faalelagi ia alii ma tamaitai, o Ona afafine ma atalii



agaga. O lona uiga e faavavau le itupa. Ua i ai Sana fuafuaga ua mamanuina e fesoasoani ia i tatou uma o e filifili e mulimuli ia te la ma Lona Alo, o Iesu Keriso, e ausia lo latou taunuuga o ni suli o le ola e faavavau.

O le Tama Faalelagi ma Lona Alo e atoatoa. E silafia e i Laua mea uma ma malamalama i mea uma. Ma le isi, o lo Laua faamoemoega mo i tatou e atoatoa. O la Laua galuega ma lo Laua mamalu, o le vaai īā Laua fanau ua faaeaina.

Afai o lo tatou faaeaga mulimuli o lo Laua sini taua ma le faamoemoega lea, ma afai La te silafia mea uma ma atoatoa, e pei ona tatou iloaina i Laua, ona sili atu lea o lo Laua malamalama i le auala e saunia ai, aoao atu, ma taitai atu ai i tatou ina ia tatou maua le avanoa sili e agavaa ai mo le faaeaga. E silafia e lo Tatou Tama oi le Lagi mea uma, muai vaaia mea uma, ma malamalama i mea uma. E atoatoa Lona malamalama, o Lona poto, ma Lona alofa mo i tatou. E mautinoa lava e tatau ona tatou malilie o lo tatou Tama Faalelagi ma Lona Alo e silafia po o a avanoa e momia e atalii ma afafine o le Atua e sili ma tatau e saunia ai le aiga o tagata mo le ola e faavavau.


E tofu i tatou taitoatasi ma le avanoa e filifili ai pe o le a tatou talitonu o le Atua o lo tatou Tama, o Iesu o le Keriso, ma e i ai se La fuafuaga ua mamanuina e fesoasoani ia i tatou e toe foi atu ai ia i Laua. O lenei mea, e moni, e manaomia ai le faatuatua. O a tatou molimau ma filemu o tatou mafaufau ma lo tatou soifua laulelei e amata i le naunautai ina ia talitonu faapea e moni ua sili lava le silafia o lo tatou Tama o i le Lagi.

2. E taitaiina le Ekalesia e ala i Ki o le Perisitua.

O Le Ekalesia a Iesu Keriso o le Au Paia o Aso e Gata Ai o le Ekalesia lea a le Alii, ma o Lana Ekalesia e taitaiina e ala i le pule ma ki o le perisitua. “O ki o le perisitua o le pule lea ua tuuina mai e le Atua i taitai perisitua e faatonu ai, faafoe ai, ma pulea ai le faaaogaina o Lana perisitua i luga o le fogaelele.” O le faaaogaina o le pule o le perisitua ua pulea e i latou o e umia ona ki (tagai i le MF&F 65:2; 81:2; 124:123) . . . [ma] e ua i ai le aia tatau e pulefaamalu-malu ai ma taitaia le Ekalesia i totonu o se puleaga.”¹

O i latou e i ai ki o le perisitua ua mafai ai e i latou uma o e auaua atu po o le galulue ma le faamaoni i lalo o la

E pei lava ona le mafai i se tamaitai ona fanauina se tamaitiiti e aunoa ma se alii, e faapena foi, e le mafai i se alii ona faaaogaina atoa le mana o le perisitua e faavae ai se aiga e faavavau e aunoa ma se tamaitai. . . . I se vaaiga e faavavau, o le mana foafoa atoa ai ma le mana o le perisitua e faaaogaina uma e se tane ma se ava.



latou taitaiga e faaaoga le pule o le perisitua ma mafai ai ona maua mana o le perisitua. E galulue alii ma tamaitai uma o le Ekalesia i lalo o le taitaiga a i latou o e ua i ai ki.²

Sei ou toe faamatalaina se mea sa ou ta'ua i le konafesi aoao ia Aperila 2013: "I le fuafuaga faaeaina o le perisitua sili a lo tatou Tama Faalelagi ua i ai i alii le tiutetauave tupito e taitai ai lana perisitua, ae e le o latou o le perisitua. O Alii ma tamaitai e eseese ae tutusa le taua o matafaioi. E pei lava ona le mafai i se tamaitai ona fanauina se tamaitiiti e aunoa ma se alii, e faapena foi, e le mafai i se alii ona faaaogaina atoa le mana o le perisitua e faavae ai se aiga e faavavau e aunoa ma se tamaitai. . . . I se vaaiga e faavavau, o le mana foafoa atoa ai ma le mana o le perisitua e faaaogaina uma e se tane ma se ava."³

Aisea o alii—ae le o tamaitai—e faauuina i tofi o le perisitua? Sa faamalamalama mai e Peresitene Gordon B. Hinckley (1910–2008) e faapea o le Alii, ae le o le tagata, "na filifili o alii i Lana Ekalesia e tatau ona umiaina le perisitua" ma o le Alii foi na faaee maia i tamaitai ia ni "gafatia e faalautele ai lenei faalapotopotoga maoae ma le ofoofogia, le Ekalesia ma le malo o le Atua."⁴ E lei faaalia mai e le Alii le mafuaaga na Ia faatulagaina ai Lana Ekalesia e pei ona Ia faia.

O lenei mataupu, e pei o le tele o isi, e oo mai ona o lo tatou faatuatua. Pe tatou te talitonu o le Ekalesia lenei a le Alii? Pe tatou te talitonu ua Ia faatulagaina ai e tusa ma Lona faamoemoega ma le poto? Pe tatou te talitonu o Lona poto e sili mamao nai lo tatou? Pe tatou te talitonu ua Ia faatulagaina Lana Ekalesia i se auala o le a silisili faamuniaga o le a mauaina e Ana fanau uma, o Ona atalii ma Ona afafine?

Ou te molimau atu ua moni nei mea. Ou te molimau atu o le Ekalesia lenei a le Alii. O tamaitai e taua i le puleaina ma le galuega a le Ekalesia e ala i auaunaga i le avea ai ma taitai i le Aualofa, Tamaitai Talavou, ma le Peraimeri; e ala i auaunaga o ni faiaga, faifeautalai faamisiona, ma tagata faigaluega fai sauniga o le malumalu; ma i le aiga, lea e tupu ai ia aoaoga sili ona taua i le Ekalesia.

Aua nei galo ia i tatou e tusa o le afa o aoaoga uma o loo faia i le Ekalesia o loo faia lea e tuafafine. O le tele o taitaiga o loo saunia e mai o tatou tuafafine. O le tele o avanoa faaleauaunaga ma gaoioiga ua fuafuina ma taitaia e tamaitai. O fautuaga ma le auai o isi tamaitai i aufono a uarota ma siteki ma i le aufono aoao i le laumua o le Ekalesia e maua mai ai se malamalamaaga manaomia, poto, ma le paleni.

Mo le silia ma le 20 tausaga sa ou aoaoina le taua o aufono, e aofia ai le taua o le auai o uso taitai tamaitai. Ou te faailoa atu o nisi o alii, e aofia ai nisi o taitai perisitua, ua le vaia lava le malamalama ma le faaaofiaina lava o tatou uso taitai tamaitai i se faigapaaga atoatoa i aufono a uarota ma siteki. Ou te faailoa atu foi o nisi alii e tuua lava i lalo tamaitai ma i nisi tulaga e seasea tupu e tausalaina i le faaaogaina o tamaitai. O lenei aganuu e matuā inosia lava i le silafaga a le Atua. Ou te mautinoa o alii o tuualaloina tamaitai i soo se itu o le a tali atu i le Atua mo a latou amioga. Ma o soo se taitai perisitua o e e le fa'aofiaina ona tuafafine a taitai i le faaaloalo atoa ma fa'aaogaina ua ia le faamamaluina ma faalauteleina ki ua tuuina atu i ai. O lona mana ma uunaiga o le a faaititia sia oo ina ia aoaoina le ala o le Alii.

O lenei, tuafafine, e ui e taua tele ou manatu ma taliaina i le fonotaga aoga, e tatau ona faaeteete ia aua le taliaina po o le faatino o se matafaioi e le a oe. O fonotaga sili ona faamanuiaina a uarota ma siteki o latou ia na faatuatuaaina ai e taitai perisitua a latou taitai tuafafine ma uunaia i latou ia saofaga i le talanoaga ma sa i na tuafafine taitai le faaaloalo atoatoa ma lagolagoina faaiuga a le aufono na faia i lalo o le taitaiga a taitai perisitua o loo umia ki.

3. O alii ma tamaitai e tutusa uma i fofoga o le Atua.

E tutusa alii ma tamaitai i fofoga o le Atua ma i le silafaga o le Ekalesia, ae e le faapea ua tutusa ona tasi ai lea. O tiutetauave ma meaalofa paia a alii ma tamaitai e eseese i lo latou natura ae le o lo latou taua po o uunaiga. E le manatu le Atua e sili atu le lelei pe sili atu le taua o le isi itupa nai lo le isi. Na folafola atu e Peresitene Hinckley i tamaitai faapea "o lo tatou Tama Faavavau . . . e lei fuafuina lava faapea e itiiti ifo outou nai le mamalu faapaleina o Ana foafoaga."⁵

O nisi ua fenumia'i ma le mafai ona mafaufau sa'o pe a faatusatusa ia tofiga o alii ia i latou o tamaitai ma tofiga o tamaitai ia i latou o alii.

Sa siomia a'u e tamaitai i lo'u olaga atoa. E toatolu o'u tuafafine. (E nao a'u lava le tama.) E toa 5 o'u afafine, 24 fanau teine a fanau, ma le 19 fanau teine a fanau a fanau. Ma, ioe, ua faamanuiaina a'u e ala i le 63 tausaga o le faaipoipoga i lo'u toalua, o Barbara. Sa ou aoaoina i aso ua leva e faalogo atu ia te ia. Sa ou aoaoina a faapea

ua ia fai mai sa ia mafaufau e uiga i se mea po o le i ai o se lagona malosi e uiga i se mataupu e faatatau i le aiga, e sili loa ona ou gauai atu aua e toetoe lava o soo se tulaga sa musuia o ia. Ou te iloa e a'u lava ia ia lagona o tuafafine talavou matutua ma tina talavou i nisi taimi ma o nisi taimi e fesiligia ai lo latou taua faaletagata lava ia ma lo latou tomai e faasoa atu. Ae o a'u o se molimau pe a liliu atu o latou manatu ma tatalo i le lagi, o le a faamanuiaina i latou e ala i se malosi ma le talitonuga maumaututu e malamalamia le Tama ma le Alo i o latou lagona.

E o mai tamaitai i le lalolagi ma meaalofa faaleagaga tulaga ese ma gafatia faalenatura. E faapitoa lava le moni o lenei mea pe a oo i fanau ma aiga ma le soifua lelei ma le faafaileleina o isi.

O alii ma tamaitai e eseese meaalofa, eseese malosiaga, ma eseese vaaiga po o manatu ma lagona. O se tasi lea o mafuaaga autu tatou te manaomia ai le tasi ma le isi. E manaomia se alii ma se tamaitai e fausia se aiga, ma e manaomia le alii ma le tamaitai e faataunuina le galuega a le Alii. O le tane ma le ava o loo galulue faatasi i le amiontonu e faaatoatoaina e le tasi le isi. Ia tatou faaeteete e aua nei o tatou taumafai e faaleaga le fuafuaga ma faamoemoega a lo tatou Tama Faalelagi i o tatou olaga.

4. E maua e fanau uma a le Atua faamanuiaga o le perisitua.

Pe a malaga atu alii ma tamaitai i le malumalu, ua faaeeina ia i laua uma le mana lava lea e tasi, pe a faauigaina o le mana o le perisitua. Ona o le pule o le perisitua e taitaina e ala i ki o le perisitua, ma o ki o le perisitua e na o alii agavaa e umiaina, o le mauaina o le mana ma faamanuiaga o le perisitua ua avanoa mo fanau uma a le Atua.

Na faamalamalama mai e Peresitene Iosefa Filitia Samita (1876–1972): “O faamanuiaga o le perisitua e le faapea e gata ai i na o alii. O nei faamanuiaga ua liligiina mai foi i luga o . . . tamaitai faamaoni uma o le Ekalesia. . . . O lo'o ofoina mai e le Alii i ona afafine meaalofa faaleagaga uma e mafai ona maua e ona atalii.”⁶

O i latou o e na ulu atu i le vai o le papatisoga, ma sa maua o latou faaeega paia i le maota o le Alii e agavaa mo faamanuiaga o le tamaoaiga ma le matagofie. . . . O le faaeega paia o se meaalofa moni lava o le mana.” O i latou uma o e ulu atu i le maota o le Alii e galulue i sauniga o le perisitua.

E agalelei lo tatou Tama o i le Lagi i Lona mana. E maua e alii ma tamaitai uma lenei mana e fesoasoani ai i o latou olaga. O i latou uma o e osia feagaiga paia ma le Alii ma e faamamaluina na feagaiga o le a agavaa e maua faaaliga faaletagata lava ia, ia faamanuiaina e ala i auaunaga a agelu, e fagatua ma le Atua, e maua le atoaga o le talalelei, ma mulimuli ane, ia avea ma suli faatasi ma Iesu Keriso i mea uma o i ai a lo tatou Tama.

5. E manaomia e le Ekalesia ia le siufofoga ma le faatuatua o tamaitai.

Tatou te manaomia le tele o le uunaiga tulaga ese ma le faatuatua o tamaitai. Matou te manaomia i latou e aoao le aoaoga faavae ma malamalamia i mea matou te talitonu i ai ina ia mafai ona tuuina atu a latou molimau e uiga i le moni o mea uma—pe o le tuuina atu o na molimau i se tolauapiga a Tamaitai Talavou, i se sauniga molimau, i se lautusi tusitusi, po o le Facebook. Ua na o tamaitai faatuatua o le Au Paia o Aso e Gata Ai e mafai ona faaalia i le lalolagi pe faapei ia foliga ma talitonuga o tamaitai a le Atua ua osia feagaiga.

E le mafai e se tasi o i tatou ona tu i tafatafa ma mata-mata i faamoemoega o le Atua o faaitiitia lona ttau ma tuleieseina. Ou te valaaulia faapitoa lava tuafafine o le Ekalesia e saili le taitaiga a le lagi i le iloaina po o le a se mea e mafai ona latou faia ina ia lagonaina ai o latou leo o le faatuatua ma molimau. E le mafai e le Au Pulega Aoao ma tuafafine o e o taitai aoao ona faia nao i latou. E le mafai e faifeautalai faamisiona ona latou faia na o latou. E le mafai e taitai perisitua ma taitai o ausilali ona faia na o i latou. E tatau i tagata uma ona puipuia lo tatou Tama oi le Lagi ma Lana fuafuaga. E tatau ia i tatou uma ona puipuia lo tatou Faaola ma molimau atu o Ia o le Keriso, o Lana Ekalesia ua toefuatai mai i le lalolagi, ma o loo i ai se mea faapea o le sa'o ma le sese.

Afafai tatou te maua le lototele e tautatala atu ma puipuia le Ekalesia, e ao ona muai saunia i tatou lava e ala i suesuega o le upumoni o le talalelei. E tatau ona faamautuina a tatou lava molimau e ala i suesuega ma le filiga, i aso taitasi o tusitusiga paia ma e ala i le saunoa ai i le folafolaga a Moronae faapea e mafai ona tatou “iloa le moni o mea uma” (Moronae 10:5) pe afai tatou te saili atu i ai e ala i le tatalo ma le lotomaulalo ma suesuega.

Aua le faaaluina taimi e taumafai ai e toe mamanu pe fetunai fuafuaga a le Atua. E leai so tatou taimi mo na mea. O se gaoioiga e leai se uiga le taumafai e sue se auala e faatulaga ai le Ekalesia a le Alii i seisi faatulagaga. O le Alii o loo i le ulu o lenei Ekalesia, ma tatou te mulimuli i Lana taitaiga. O alii uma ma tamaitai e manaomia le faatua-tua faateleina ma molimau e uiga i le olaga ma le Togiola a lo tatou Alii o Iesu Keriso ma le malamalama faateleina o Ana aoaoga ma mataupu faavae. Tatou te manaomia mafaufau manino ina ia mafai ona aoaoina e le Agaga Paia i tatou i mea e fai ma mea e tautala atu ai. E tatau ona tatou manatu sa'o i lenei lalolagi o le le mautonu ma le lē amana-iaina o mea a le Atua.

Tuafafine, o le lio o au uunaiga o se lio tulaga ese—o se lio e le mafai ona ausia i se auala e tasi. E leai se tasi e mafai ona puipuia lo tatou Faaola mai ni isi faatauanau po o le mana nai lo oe, o afafine o le Atua,—o oe o loo i ai se malosiaga i totonus ma se talitonuga. O le mana o le siufofoga o se tamaitai liliu mai e le mafuatiaina, ma o le Ekalesia e manaomia lou leo ua sili atu nei nai lo se isi lava taimi.

Ou te tuua outou ma la'u molimau ma la'u tautinoga ua tatou i ai i se aso ma se taimi ua tatau ai ona tatou tutu i le lotogatasi—alii ma tamaitai, alii talavou ma tamaitai talavou, tama ma teine. E tatau ona tatou tutu atu mo le fuafuaga a lo tatou Tama Faalelagi. E tatau ona tatou puipuia o Ia. O loo ua tuleiesea o Ia. E le tatau ona tatou tutu vale o ni tagata o Le Ekalesia a Iesu Keriso o le Au Paia o Aso e Gata Ai ma faataga lena mea e faaauauina e tupu e aunoa ma le lototele uma e tuuina atu o tatou leo ia lagonaina.

Ia faamanuia tatou e le Atua ina ia maua le lototele e suesue ai ia upumoni faigofie o le talalelei ona faasoa atu lea i soo se avanoa e te mauaina. ■


Mai se lauga safaia i se faigalotu i le Iunivesite o Polika Iaga i le aso 20 o Aokuso, 2013. Mo le tusiga atoa i le gagana Peretania, alu i le speeches.byu.edu.

FAAMATALAGA

1. *Tusitalima 2: Taitaiina o le Ekalesia* (2010), 2.1.1.
2. Tagai i *Aoaoga a Peresitene o le Ekalesia: Iosefa Samita* (2007), 482.
3. M. Russell Ballard, “O La’u Galuega ma Lo’u Mamalu Lenei,” *Liahona*, Me 2013, 19.
4. Gordon B. Hinckley, “O Tamaitai o le Ekalesia,” *Liahona*, Nov. 1996, 70.
5. Gordon B. Hinckley, “Ia Tu Malosi e Tetee atu i Togafiti a le Lalolagi,” *Liahona*, Ian. 1996, 119.
6. Iosefa Filitia Samita, “Magnifying Our Callings in the Priesthood,” *Improvement Era*, June 1970, 66.



A o taitaiiina le pule o le perisitua e ala i ki o le perisitua, ma ua na o alii agavaa o loo umia ki o le perisitua, o le mauaina o le mana ma faamanuiaga o le perisitua o loo avanoa i fanau uma a le Atua.



O SE MEA NA TA'U MAI IA TE AU OU TE TU

Na uma ona fuafuaina se tolauapiga faasoloatoa ma le po faatasi ai ma soo se ituaiga o gaoioiga e fai i fafo mo le Aso Faraile ma le Aso Toonai, ma sa ou naunau lava e o faatasi ma lo'u atalii. O Carl sa i ai sana galuega le tumau, ma sa galue i le Aso Faraile, o lea na ou fai atu ai e mafai ona ou pikiina o ia i le Aso Faraile i le afiafi pe a maea le galuega. Sa ma fuafua e paka i se auala laupapa i luga a'e o le nofoaga e tolauapi ai ona ma sopo ai lea i lalo.

Ina ua ma taunuut atu i le auala laupapa, sa pogisa, ma e na o se vaega laititi o le masina ma ni nai fetu o loo susulu i le lagi. O le ala agai i le tolauapiga sa vaiti ma sa vaneina i luga o

Elei mamao i lalo o le auala ae amata ona faaititia le malamalam a le ma moliuila, ma na foliga mai ua mou ese atu le auala taimi o le motusia o le malamalam a.

se pupū i luga o se mati'e i tafatafa o le vaitafe. Sa ma i ai pe tusa ma le 300 iata (275 m) i luga a'e o le vaitafe ina ua amataina la ma savaliga sopo.

E lei mamao i lalo o le auala ae amata ona faaititia le malamalam a le ma moliuila, ma na foliga mai ua mou ese atu le auala i taimi o le motusia o le malamalam a. Na faafuasei lava ona pei e faimai se mea ia te au e tu. Sa ou tu faafuasei, ae toe la'aina ni laa se lua agai i luma. O le lagona po o leo na toe fai mai e, "Tu."

Sa ou toe tu. O Carl, o loo latalata mai lava i tua, toetoe lava tamoe sao mai ia te a'u.

"O le a le mea o tupu, Tama?"
sa ia fesili mai.

Sa ou tau atu ia te ia e uiga i le uunaiga, ma faaopoopo i ai ua tatau ona ma õ i le fale, ma o le a ma toe foi mai i le taeao.

"Tama, ua mafai ona ou iloa atu le afi o le tolauapiga, o lana tali mai lea. "Ailoga e silia ma se maila (1.6 km) le mamao."

O le iloaina o le uunaiga na oo mai mai le Agaga Paia, sa ou tumau ai ia aua nei o ma faia se isi laa. Ua pe le moliuila, o lea sa ma toe sopo atu ai ma le faaeteete i luga o le ala sopo. Sa le fiafia Carl ma sa le tele sana talanoa i le ma agai atu i lo matou fale.

O le taeao na sosoo ai na ma toe foi atu i le auala laupapa ma amata ona toe sopo. O le mea sili o le a mafai ona auai Carl i gaoioiga o le Aso Toonai. Na ma faanatinati atu, ae faafuasei lava, ona mou le ala sopo! Ona poia lea o māua. Ua ma taunuut i le mea tonu lea sa ma tutu ai i le po muamua atu.

"Tama, e le ititi ifo ma le 100 iata (91 m) sa'o i lalo tau i le vaitafe, o le tala lea a Carl. "Semanu ta te feoti ai!"

O le pupū sa loloto lava le faaloaloa i lalo ifo o maua agai atu i lalo i le vaitafe. I luma atu o i maua sa i ai se āva i le auala pe a ma le 12 futu (3.6 m) le lautele, na faaleagaina i se afā na faatoa mavae atu.

Sa ma feopoai ma Carl ao tafe ifo o ma loimata. Ona ma fea'e i lea i se isi ala sopo ma o atu ai i le nofoaga o le tolauapiga. Na ma taunuut tonu lava i le taimi mo le aiga o le taeao.

Sa tatau ona i ai se faailo o le lapataiga i le auala sopo muamua, ae leai. O le mea e faafetai ai, o le faailo o le lapataiga na oo mai ia i maua mai le Agaga Paia. ■

Ronald D. Colby, Iuta, ISA



TATALA LAU TUSI A MAMONA

Le avea ai ma se tasi o le aufono a fautua maualuga a le Siteki o Vienna Auseteria, ou te auai i se uarota i Viena e faatasi i le masina. Talu ai ou te nofo e 120 maila (190 km) mai Viena, e masani ona ou tietie i le nofoaafi e oo atu iina.

I se tasi Aso Sa, ina ua ou foi mai i le fale mai le asiasiga i le uarota, sa ou iloaina ma lou faanoanoa e le o ia te a'u la'u atotupe. Sa ou popole aua sa ou le mautinoa pe ua leiloa la'u atotupe pe ua gaoia. I la'u ato tupe sa i ai se vaegatupe laitiiti, o la'u pepa faataga o le malumalu, se kata fai faatau, ma isi kata taua.

O le aso na sosoo ai sa faigata ona ou taulai atu i le galuega. Sa ou fesili pea lava pea ia te a'u lava, "O le a le taimi mulimuli sa ou faaaogaina ai lena atotupe? Na ou tuua I se mea?" Sa ou telefoni i leoleo, le nofoaga o nofoaafi, ma le epikopo o le uarota sa ou auai. Sa leai se tasi na mauaina. Sa ou tatalo foi, ma o a'u tatalo sa faateleina i le faasologa o le aso. Sa ou le moe lelei i lena po.

Ao faia a'u talosaga o le taeao i le aso na soso'o ai, sa ou lagonaina se uunaiga malosi faaleagaga e tatala la'u Tusi a Mamona ina ia mafai ona maua ai le tali i lo'u faafitali. Sa vave ona ou le amanaiaina le lagona ona e leai ni tusitusiga paia o le Tusi a Mamona e i ai se mea e fai i la'u atotupe na leiloa.

Sa faamalosia au e le lagona: "Aisea e te masalosalo ai? O le faatuatua e tupu ai vavega! Tau lava ina tatala le tusi. O le mau muamua e te faitauina o le a e mauaina ai le tali i lou faafitali."

Sa ou le ano i lenei uunaiga aua na ou mafaufau e le mafaia. Ae sa tauina se taua faigata o le lagona i lo'u loto

ma manumalo ai. Sa ou tu i luga, alu i la'u kesi, ma piki i luga la'u Tusi a Mamona. Sa tatavale lou fatu i le tulimatai atu. Ou te lei susueina se itulau i luma po o tua. Sa na ona ou susueina lava o le tusi ma faitau le Iakopo 3:1: "Tepa taulai atu i le Atua ma le mausali o le mafaufau, ma tatalo atu ia te ia ma le faatuatua tele, ma o le a ia faamafanafanaina outou i o outou puapuaga, ma o le a ia aioia a outou tagi." Sa lofituina a'u ma sa le mafai ona toe faitau.


O le a aioi atu le Alii mo lo'u faamoemoe! Sa ou alu i le galuega ua lagona lelei ma faamafanafanaina. I le

ta o le 11 i le taeao, sa ou maua ai se valaau mai le leoleo o tulaga nofoaifi na logoina mai a'u na aveina atu i totonu la'u atotupe. I se aso mulimuli ane, sa ou maua ai la'u atotupe. E leai se mea na aveina.

Sa faamafanafanaina au e le Alii i o'u puapuaga. Sa ia lagolagoina lo'u faamoemoe. E ala i le Tusi a Mamona na taliina ai e lo'u Tama Faalelagi a'u tatalo i se auala tuusao, faaletagata lava ia. Ou te fiafia lava i le Tusi a Mamona, ma ina ua mavae lenei aa-fiaga, ua avea ma mea ua sili atu ona taua ia te au. ■

Eduard Mayer, Auseteria i Luga, Auseteria

Ao faia a'u tatalo i le taeao, sa ou lagonaina se uunaiga malosi faaleagaga e tatala la'u Tusi a Mamona ina ia mafai ona maua ai le tali i lo'u faafitali.



O LE MAFUAAGA OU TE FIAFIA AI I LE TUSI A MAMONA

Ua toeitiiti 30 tausaga talu ai sa ou tietie ai i Iuta mo le taimi mua-mua. Sa ou ola i se olaga matuai le kerisiano lava ae ua manao e sui. Ou te matuā le iloa pe faapefea.

O le afiafi o lo'u aso lona lua i Iuta, sa ou tu ai i se faetalimalo i se tamai taulaga i Iuta i saute. A o tuuina mai e le tamaitai i le ofisa ia te au le ki o le potu, sa ou fesili atu pe o ia o se Au Paia o Aso e Gata Ai. Sa ia tali fiafia mai, "Ioe, o lea lava." Sa ataata fiafia ma ia faaopoopo mai, "Ua e faiatou i le matou tusi matagofie, le Tusi a Mamona?" I lo'u te'i ma le faatosina-inia, sa ou fai atu ou te lei fatauina.

"O loo i ai se kopi i lou potu, sa ia faaauau ai. "E leai se mea mata-gofie mo oe iinei i le taulaga, o lea e lelei ona e faamasani loa i lenei tusi matagofie."

Sa ou faafetai ia te ia ma ave la'u atopau i lo'u potu. Ina ua ou taunuu atu na ou vaia se faavaa vaivai mumu paauli ua faaululatalaina o le Tusi a Mamona i luga o le laulau.

Na ou susueina le tusi e lata ane i le ogatotonu ma faiatou ni nai fuaiupu, ae sa matuai nimo i lo'u mafaufau. Ou te

lei malamalama i se mea. I lo'u le fiafia, sa ou tuu i lalo le tusi ma tuua lo'u potu, lagonaina o le leai o se faamoe-moe. Sa ou tietie solo seia o'o ina ou maua se pa pia—o se nofoaga pogisa, ma le auleaga. Sa ou alu i totonu ma lagonaina i lena lava taimi le faanoanoa, tuua toatasi, ma leai se faamoemoe. Sa ou tu ai iina mo ni nai minute ona faliu lea ma savali atu i fafo, ma se faanau-nauga e le toe faamaumauina lava sina taimi o lo'u olaga i soo se pa pia.

O le toefaaafouina, sa ou toe foi atu i lo'u potu o le faetalimalo ma piki i luga le Tusi a Mamona. Sa ou too-tuli i luma o le Alii, na laititi sou iloa e uiga i ai, ma aioi atu ia te Ia ina ia alofa mutimutivale ia te au. Sa ou aioi atu ia te Ia e faamagalo mai au i le gaogaosa uma na ou faia i lo'u olaga ma fesoasoani mai ia te au ia malamalama i mea na ou fatauina i le Tusi a Mamona, ia iloa po o Iosefa Samita o se perofeta moni, ma ia iloa pe o le Ekalesia Mamona e mo a'u.

Sa ou susueina ma le migao le tusi ma fatauina le fuaiupu muamua sa


ou vaia: "Ou te olioli i le manino; ou te olioli i le upumoni; ou te olioli i lo'u Iesu, ona ua togiola e ia lo'u agaga mai seoli" (2 Nifae 33:6). Na mu lo'u loto ma tafe ifo o'u loi-mata. Na tu matilatila mai upu ma se malamalama matagofie o le faa-moemoe—o se malamalama o Iesu Keriso o loo faailo mai ia te au e sau ia te Ia.

I lou tagi lotulotu, sa ou toe tootuli i le tatalo, aioi atu i le Alii e taitai atu a'u. Ona ou toe tatala lea o le tusi ma amata ona fatauina le mataupu muamua o le 1 Nifae. Na faatumulia au i le maofa i le mana le mafaatusa-lia, mama aiai, ma le moni o upu ma le molimau a Nifae. Sa ou faiatou seia oo i le 2:00 i le taeao na sosoo ai, na tatalaina e le Alii lo'u malamalama a o ou faiatou.

E ono masina mulimuli ane ua ou papatiso o se tagata o lenei Ekalesia matagofie ma le moni. Ou te iloa na faamanuiaina a'u e le Alii e saili ma faiatou le Tusi a Mamona—o le tusi lea na faatuina lo'u faatuatua ma la'u molimau ia Iesu Keriso. ■

Steve Rahawi, Kalefonia, ISA

Ilo'u potu o le faetalimalo na ou vaia se faavaa vaivai mumu paauli ua faaululatalaina o le Tusi a Mamona.



SA OU TAUSIA FANAU PO O FUGALAAU?

Ao laiti le ma fanau, sa matou siitia atu i se tamai pale ma se fanua matagofie. I itu uma o le faitotoa i luma sa i ai avanoa e lua mo le totolina ai o se togalaau, ma e ui ina sa faatapulaa lou malamalama i le faiga o togalaau, sa ou fiafia lava e toto ai fugalaau iina. Sa ou faatauina se tusi i le faiga o togalaau ma sa faatonuina tusiata o laau ma fatulaau ma suesue i ai ma le faaeteete.

I nai masina na sosoo ai sa ou fuafuaina ai la'u togalaau, saunia le eleele, ma totolina le sili atu ma le 200 fatu. Sa ou iloaina o ni nai masina o le a ou faatoa vaiai ai soo se taunuuga, ae sa ou siakiina lava le togalaau mo le tuputupu ae. I le amataga o le tautotogo sa amata ai ona fotu ae fugalaau, amata i tamai alise lanu viole ma sosoo ai ma daffodils. E oo atu i le ogatotonu o le tautotogo ua faatumulia a'u pusa fugalaau i se faaaliga ofoofogia o tulipe. Sa ou fiafia i la'u togalaau, ma e masani lava ona ou nofo ai i le faasitepu pito i luma tau lava ina ou vaai atu i fugalaau.

I se tasi aoauli sa sau ai se uo a le ma afafine e fa tausaga o Emily la te taaaalo.

A o lei sau lona tina e piki atu, sa tauivi teineiti e o atu i le faitotoa o le umukuka, o la lima ua tumu i faupuega tulipe. "Vaai i mea ua ma aumaia mo oe, sa la faimai ai ma le fiafia. Ua la tauina toetoe lava o fua uma.

O tulipe e na o le faa tasi i le tausaga ona fotu ae. Sa nutimomoia lo'u fatu—le tele o galuega, o le faatalitaliga umi. Sa matou faatumuina a'u meatuuteu i fugalaau ae alu le uo a Emily i

le pale ma le vaega na totoe. Mulimuli ane, ina ua ou faasea atu i lo'u tina e uiga i le faalavelave, sa ia fai mai, "Ia, o le mea e lelei ai o loo e tausia fanau ae le o fugalaau."

Sa ou iloaina e tatau ona ou suia la'u vaaiga mamao. Sa ou manatuaina le pese Peraimeri sa ou pesepese ai ma a'u teineiti e uiga i le aoina mai o fugalaau:

*Tina pele, o fugalaau uma e
faamanatu mai ia te au oe.
E, tina, ou te tuu atu lo'u alofa ma
fugalaau tattasi.¹*

Sa ou vaai i le faaleagaina o la'u togalaau, ae o teineiti e toalua e tai fa tausaga le matutua sa vaai i se gaoi-oiga o le alofa.

O le totolina o se togalaau o fugalaau na manaomia ai le onosai, ma o le laa i tua ma vaai atu i lenei mea na tupu e ala i mata o la'u tama na manaomia ai le onosai sili atu. Ae o le aoaoina o le onosai o se tina na tataina atu a'u e latalata atili ai i le Alii. ■

Paula Schulte, Misuri, ISA

FAAMATALAGA

1. "Ou te masani Ona Alu Savavali, *Tusipese a Tamaiti*, 202.

Sa tauivi teineiti e o mai i le faitotoa o le umukuka, o la lima sa tumu i faupuega tulipe. "Vaai i mea ua ma aumaia ma oe," sa la fai mai ma le fiafia.





**I le avea ai ma soo
o lesu Keriso, e tofu
uma i tatou ma tua-
fafine o e alolofa ma
lagolagoina i tatou
—e tusa lava po o
le a o tatou tulaga
faaleaiga.**

Saunia e Emmaline R. Wilson

Olo'u aso Sa muamua o se tamaititi aoga i Pale, Farani, sa ou maofa i le eseese o la'u uarota fou. O le na taitaia le Aualofa o se tamaitai lalelei mai Europa i Sasae. O nisi uso mai Aferika i Sisifo na ofoina mai ia te au la latou tusipese. O si tamaitai Asia o le sa faaliliuina ma le faaeteete lana lesona i le gagana Farani sa taitaiina se tasi o lesona sili ona faamaoni na ou faalogo i ai. E ui lava o a'u o se talavou Amerika o loo nofo i le 5,000 maila (8,045 km) le mamao mai lo'u nuu, sa ou lagonaina le mafanafana pei o loo i lo'u aiga i le lotolotoi ai ma

O USO OLE FEAGAIGA

tamaitai lelei o le Eklesia. Sa matou o mai mai Farani, Kemopotia, Ivory Coast, Iukureini, ma le Iunaite Setete—ae e lei i ai se afaina o le eseese o tausaga ma aganuu. Ua tuufaatasia i matou e se agaga o le usoga a tamaitai.

I le taimi o le popofou o'o tau-saga i le kolisi, sa ou iloaina ai mo le taimi muamua le ofoo fogia o se upegafesootai o tamaitai sa ou auai i lo'u olaga atoa. Sa ou ola ae e aunoa ma se uso moi, o lea o nisi taimi sa le mafai ai ona fausia se manatu manino poo a mea e aafia i usoga a tamaitai. E ui ou te matua faafetai mo o'u matua lelei ma tuagane, sa ou moomoo mo ni uso e faasoa atu i ai, talie, ma fetai ai ma le olaga. Nai lo lena, sa ou aoao e faalagolago i uso ua ou maua i totolu o le "lotogatasi i la le faatuatua" (Efeso 4:13). E tele aafiaga na aoaoina ai au e mafai ona ou faalagolago i nei uso faamaoni-onia o le talalelei a Iesu Keriso, e *i ai* o'u uso!

Ua aoaoina i tatou e le lalolagi faapea o eseesege i totolu o aiga, auga tupulaga, aganuu, po o uiga e taofiaina tatou mai le galulue faatasi. O le mea moni, ua tuufaatasia le usoga a

tamaitai e ala i le alofa, auaunaga, ma lo tatou tofi paia o le avea ma fanau a le Tama Faalelagi. O lenei tuufaatasiga e fesoasoani ia i tatou e faataunu ai a tatou feagaiga o le papatisoga. "O lenei foi, ua outou fia o mai i le lafu mamoe a le Atua, ma ia ta'ua o lona nuu, ma ua loto ina fesui ia outou avega e ave ina ia mama ai;

"Io, ma outou loto e faanoanoa faatasi ma e e faanoanoa; ioe, ma faamafanafana atu ia te i latou o e e manaomia le faamafanafanaga, ma tutu o ni molimau a le Atua i taimi uma ma i mea uma, ma i nofoaga uma" (Mosaea 18:8–9).

O mai i le Lafu a le Atua

E fesoasoani uso i le tasi ma le isi e tausia na feagaiga o le papatisoga i le tele o auala. O Ting Chang o Taiuani "na [oo] mai i le lafu a le Atua" ao i ai i le aoga tulagalua. Talu ai o lona aiga sa i ai i se tulaga faigata tautupe, o lea e le 'ai ai Ting i le malologa ina ia sefeina tipe faaalu a le aiga seia oo ina maitau e Jina, o se tasi o lana vasega. Sa amata ona saunia e le tina o Jina se meaai faasili i aso uma



mo le malologa e faasoa atu ia Ting. E lei umi ae valaaulia e Jina lana uo e auai i le lotu faatasi ma ia. O le tina o Jina e le i leva ona auai i le Ekalesia, ma o loo faia lesona a Jina ma faifeautalai. Mo Ting, o faataitaiga o le alofa mama na tuuina mai e nei tamaitai sa mamana, ma sa ia amata foi ona feiloai ma faifeautalai.

Sa faitauina faatasi e Ting ma Jina tusitusiga paia ma tausia se api o talaaga o o la aafiaga paia. Na tuputupu a'e lo la noataga o le usoga a tamaitai ina ua papatisoina uma nei tamaitai talavou i le aso lava e tasi. I le taimi nei, o loo la au-auna atu o ni faifeautalai faamisiona e faasalalau atu le olioli o le talalelei a Iesu Keriso. Ua avea nei Jina, o lona tina, ma Ting o ni uso e ala i le ola ai i tulaga faatonuina a le Alii ma i le tauaveina o Lona suafa.

Fesoasoani le Tasi i le Isi i le Tauaveina o Avega

O auaunaga alofa o se isi elemene taua lea o le usoga a tamaitai moni. O auaunaga alofa, ma faiaoga asiisi o taavale ia a le Ekalesia mo lena auaunaga. O Jacqueline Soares Ribeiro Lima o Pasila na ia faamatalaina le auala na faamanuiaina ai e faiaoga asiisi e toalua lona olaga ma le aiga ina ua uma ona iloa ua maua o ia i le gasegase o fesuiaiga o lagona e tele ai le faanoanoa ma lagonaina ai e le mafai ona auai soo i le lotu: "O lo'u toalua, o Vladimir, sa ia faia mea uma sa ia mafai e fesoasoani ai ia te au i le vaega sili ona leaga



"Ua tatou olioli ai i le tele o a tatou matafaioi eseese o ni tamaitai i le Ekalesia. E ui

tatou te eseese ma tulaga ese i le tele o auala, ae ua tatou faailoa atu foi o i tatou uma o afafine o le Tama Faalelagi lava e tasi lea ua avea ai i tatou o ni uso. Ua tatou aufaatasi i le fausiaina o le malo o le Atua faapea ma feagaiga ua tatou osia."

Bonnie L. Oscarson, Peresitene Aoao o Tamaitai Talavou, "Le Usoga: Oka, So Tatou Manaomia O Le Tasi Ma Le Isi," Liahona, Me 2014, 119.



o le ma'i. Na ia feagai ma taimi sili ona leaga na o ia—seia oo ina valaauina ni tamaitai e toalua lelei e avea ma o'u faiaoga asiatis."

O na tamaitai e toalua, o Rita ma Fátima, na faaalia lo la alofa e ala i le aoao atili e uiga i le mai ma lagolagoina le aiga o Jacqueline. Sa ia lagonaina pea lava pea le moni o lo la naunau atu ia te ia. O le la auaunaga na aofia ai le talimalo i se pati laititi mo Jacqueline ma le su'iina o se ofu mo lana tama teine. O lona iuga, o le popole faamaoni o loto o Rita ma Fátima na fesoasoani ia Jacqueline faaleagaga, ma sa ia toe faaauau ai e alu i le lotu, lagolagoina e lo la malosi.

Pe o avega a o tatou uso e faale-tino, faaelagona, po o le faaleagaga, o se mea matagofie pe a tatou aapa atu i le alofa i le tina talavou ua vaivai, o le Ofagapi matamuli fou, o le tina matua ua tuua toatasi, o le peresitene o le Aualofa o loo taumafai malosi e faataunuina uma ona tiute. O tamaitai o le feagaiga e "fifia i le auauna atu ma galuega lelei"¹ ma sa faapea ona saili atu ma siitia o latou uso o e o loo lelavava po o vaivai.

Faanoanoa Faatasi ma i Latou o E Faanoanoa

O tamaitai o le faatuatua e mulimuli i le faataitaiga a le Faaola pe a latou aapa atu i le agamalu. Atonu e leai se isi faataitaiga e sili ona lelei i tusitusiga paia o le alofa lē manatu faapito nai lo Naomi o Peteleema ma lona tama teine faaletulafono o Ruta o Moapi. Sa filifili Ruta e auauna atu i le tinā o lona toalua ina ua mavae ona maliu le tane a Naomi ma ana fanau tama.

I le faanoanoa, na filifili ai Naomi e toe foi atu i lona lava atunu. E ui lava o nei tamaitai na o mai mai aganuu ma faatuatuga eseese, na avea ma uo a o lagolagoina e le tasi le isi i le ola amiontonu ma galueaina tofotofoga faatasati.

O Ruta ma lana fa'ataitaiga ma auaunaga sa matua maoae lava, lea o le auega a Naomi na liua i le olioli i lona manuia lelei ona o lenei tama teine faaletulafono matagofie ma se uso i le talalelei. O lo la sootaga sa matua malosi lava o lea ina ua vaai ai isi tamaitai, i le fesootai o lo la alofa, sa faapea mai, "Faafetai i le Alii ina . . . [ua foai atu ia te oe] lou afafine faaletulafono, lea e alofa ia te oe, ua lelei o ia ia te oe e sili i tamatane e toafitu (Ruta 4:14–15).

"Faamafanafana I E Ua Manaomia le Faamafanafanaga

Na faamafanafanaina e se tusi mai se tasi o uso i lana uarota ia Raihau Gariki o Tahiti, lea na valaauina o se faiaoga o le Aualofa tusa pe tasi le masina talu ona atoa lona 18. Sa popole o ia e aoao atu "tina ma tina matutua, o tamaitai o e ua uma ona iloa ni mea se tele, na feagai ma le tele o tofotofoga, ma maua ni aafiaga i le tele o mea." Ina ua uma lana lesona muamua, sa ia maua "se tusi na faatumulia i le alofa" mai se tamaitai i le vasega. O lenei tusi na faamalosia ai lona talitonuga, ma sa ia faapipiina ai i lana api o talaaga e fesoasoani ia te ia ina ia tumau ai i taimi faigata.

O uso i le talalelei e fefamafanafanai ma lagolagoina e le tasi le isi i taimi o puapuaga. O J. Scott



O tamaitai o le feagaiga e “fiafia i le auaunaga ma galuega lelei” ma sa faapea ona saili atu ma siitia o latou uso o e o loo mafatia po o ua vaivai.



Featherstone, o se peresitene o le siteki i Iuta, na ia manatua le la o ai ma lona toalua e asiisi i se tamaitai i lo latou siteki faatoa maliu lona toalua. “Sa opoina e lo’u toalua o ia, fetagisi faatasi ma ia faamafanafanaina o ia seja oo ina ia lagona le alofaina.” O nisi taimi o usoga a tamaitai e faapena lona faigofie.

Laulaututu e Fai ma Molimau a le Atua

O loo i ai se mana tele pe a tutufatasia tamaitai o vaitausaga uma e “tu atu mo le upumoni ma le amiontonu.”² O la tatou usoga a tamaitai i le talalelei a Iesu Keriso e mafai ona faamalolosia i tatou, e tusa lava po o a tulaga tatou te feagai ai i se lalolagi ua faateteleina le amioleaga. E oo lava i se aupito ititi e mafai ona tutu o ni molimau: O Jessica Vosaniyaqona o Kaledonia, ISA, sa aoaoina le talalelei mai teineiti tai ono tausaga le matutua i lana vasega Peraimeri, o e na faamanatu atu ia te ia ma molimau atu ia te ia i le taua o aiga.

O uso matutua o ni faataitaiga taua foi. O Kimm Frost mai Iuta na manatua le toatele o tamaitai o e na uunaia o ia e tumau malosi i le talalelei, e aofia ai Ursula Squires. Sa tusia e Kimm: “O Tuafafine Squires na avea ma o’u soa faiaoga asiisi a o i ai i lona vaitausaga o le 90. Sa le lelei lana vaaipoi o le faalogo foi, ae sa matua tuuto i le talalelei. Na te lei misia lava se lotu ma faataunuuina ana asiasiga ma le faamaoni. . . . O ia o se faamalosiauga ia te au.” A le ala mai i faataitaiga po o le faasoaina atu o molimau, e mafai e uso ona avea ma soo lotogatasi o le Matai.

Uso i le Ekalesia a le Atua

Ua ou iloa moni lava tuafafine ao o’u vaavaai atu i tamaitai o “tutu o ni molimau a le Atua i taimi uma ma i mea uma, ma i nofoaga uma” (Mosaea 18:9). Sa ou maua le avanoa e auauna atu i se misiona talai. Ina ua oo mai lo’u valaauga i le Misiona i le lotoa o le Malumalu o le Aai o Sate Leki Iuta—na pau lea o le misiona i le Ekalesia e na o tamaitai—ou te tautino atu le lagona popole e uiga i le siomiaina e le toatele o tamaitai. Sa le tatau ona ou popole. Sa matuā fa’amatlosia la’u molimau i le usoga a tamaitai a o ou fegalegaleai ai ma le anoanoai o tamaitai na molimauina taitasi e uiga i le Faaola i a latou faatinoga o aso uma.

O lo’u afifi muamua o le Kerisimasi i le galuega faamisiona, sa faapotopoto mai ai e lo’u peresitene o le misiona uso uma e matamata i se tifaga faagaeetia. I se tasi taimi, na faaalia mai ai e le ata tifaga ni uso se toalua o fesoasoani atu le tasi i le isi e faatoilalo ni tulaga taufaafefe. Sa ou lagona le ootia e ala i lo la lotogatasi. A o ou vaavaai atu i le ata tifaga ma tilotilo solo i le susulu o uso faifeautalai, sa malosi lava le molimau mai le Agaga ia te au o lena usoga a tamaitai o se sootaga e faavavau na tuuina mai e lo tatou Tama Faalelagi, ma o a’u foi o se tasi o lena vaega. Maeu lea upumoni matagofie: e le tuua lava na o tatou, aua ua tuuina mai e le Alii ia i tatou uma ia uso a tamaitai. ■

E nofo le tusitala i Iuta, ISA.

FAAMATALAGA

1. “The Relief Society Declaration,” *The Latter-day Saint Woman: Basic Manual for Women* (2000), xi.

2. *Alualu i Luma o le Tagata Lava Ia a Tamaitai Talavou* (tamaitusi, 2009), 2.

Tuufaatasiga o Aganuu i Toronto

Saunia e Katherine Nelson

Ole i ai i le ogatotonu o Toronto, Kanata, ua ofoina mai ai e le Maketi o Kensington se vaaiga o aganuu a atunuu eseese o le lalolagi. O magaala vaapiapi o loo laina ma tutu ai tulaga, faleoloa, ma faleaiga e faaalia ai taumafa mai le tele lava o aganuu—Salvadorian, Mekisiko, Peru, ma Farani, e amata ai. I soo se tulimanu, e mafai ona e maua ai ato o fualaau aina lanu feilafi ma fualaau faisua, laulau o pai eseese paanunununu ma mafanafana matagofie, ma mamanu o laei masani o atunuu eseese.

O aganuu ua soosooina e Toronto na fauina mai i tagata fai mai, tagatannuu, tagata sulufai, ma tamaiti aoga. O Jonathan Porter, o se talavou matua e 25 tausaga o loo ola ai i Toronto, na fai mai, “o le auauna atu i talaane o tagata o le ekalesia mai le tele o tulaga eseese i la’u uarota e fesoasoani ai ia te au e iloa le eseesega i le va o aganuu o loo siomia ai au—e aofia ai la’u lava aganuu a Kanata—ma le aganuu faaletalelei. E mania le vaaia o faalauiloa e aganuu taitasi uiga mama lea e aoao mai e le talalelei e amiontonu.

E saunia e lena mea fesootaiga e faavae i luga o le Agaga Paia, lea e fesoasoani i tagata ia malamalama le tasi i le isi ma faateleina ai a latou lava aganuu.”

Ua vaaia foi e Ionatana aafiaga o le talalelei i matafaioi a taitai: “E ui lava o taitai e masani ona eseese ituaiga sitaili o taitaiga e faavae i a latou aganuu, e le afaina lea. O i latou uma ua valaauna e le Atua e ala i faaaliga mai le pule o le perisitua, ma ua faamanuina i latou.”

Mo Ionatana, o le inisitituti ua ofoina mai se mea na ia faatauaina: “O le tuputupu ae i Toronto, ou te lei maua tele ni tupulaga o e auai i le Ekalesia, o lea na ou lagonaina ai le saogalemu ma le taliaina i le inisitituti. Ua tuufaatasia i tatou e ala i lo tatou alofa i le talalelei. O isi tagata ua matauina le ala tatou te ola ai, vaai i o tatou tulaga faatonuina, ma iloa tatou te tulaga ese.”

O le aafiaga o Ionatana na aoaina ai o ia i le taua o le alofa, “o le alofa mama o Keriso” (Moronae 7:47). “E matuai eseese lava le autalavou matutua i le inisitituti, e le o se mea e masani ai ona alofa le tasi i le isi,” o

E faapei le avea ai ma se talavou matua i Ontario, Kanata? Sa faasoa mai e se tasi talavou matua ana aganuu ma lona faatuatuaga.

lana tala lea. “Ua ou aoaoina o le alofa o lona uiga o le auauna atu i isi, e oo lava i auala laiti, ma alofa ia i latou e tusa lava po o fea latou te o mai ai.”

O lenei alofa ma eseesege ua faamauiaina ai le galuega faafaifeatalai. “O le toatele o tagata iinei o āuga tupulaga muamua—po o le lua—o tagata liliu mai. O nisi taimi e auai tagata i le Ekalesia iinei ma toe foi atu i o latou atunuu ma faasoa atu le talalelei i o latou aiga ma aumaia ai le malosi i a latou aganuu. Ia te au, o le talatuu lena o le Ekalesia i Toronto.” ■

E alala le tusitala i Iuta, ISA.



O le a se mea e tulaga ese e uiga i meaai i Toronto?

E faigofie ona maua ai le tele o kale, meaai Aferika, ma meaai Mekisiko. O loo i ai se alalafaga toatele o tagata lamaika, o lea o nisi o meaai ou te fiafia e ai o le roti, araisa ma pi, ma le kale oti.

O a tou mea faafafia e fai?

Ou te fiafia i le aoaoina o gagana, ma e mafai ona ou faataitaii i latou ma a'u ue. E lima gagana e lelei ai lau tautala: gagana Peretania, Farani, Haiti Creole, Potukale ma Tswanana.

E faapei le tafao faamasani i Toronto?

Ona o le toatele o tagata talavou i Toronto o le augatupulaga lona lua lea o tagata fai mai, ina ua ou pikiina le tagata ma te tafafao faamasani, ou te feiloai i ona matua, o e o loo malolosi lava i lo la aganuu ma faasoa mai a laua taumafa masani ia te au. E ese le manaia.

O LE EKALESIA I KANATA

187,982 Au Paia o Aso e Gata Ai
327 uarota
150 paranesi
7 misiona
8 malumalu

KANATA I FUAINUMERA

34,568,211 tagata
44 paka a le atunu ma faasao
50 pasene o pola pea [polar bears]
a le lalolagi e nonofo i Kanata

O MEA MONI E UIGA I KANATA

Taulaga: Ottawa
Gagana: Igilisi ma Farani

SAUNIUNI MO AVANOA O LE OLAGA

Manao i se lumanai maoae? la aotauina!

Pe a amata ona faulalai au meaaoga ma e te le iloa pe aoga atoa le taumafaiga, ia manatua le fautuaga lenei mai le Au Peresitene Sili. O a latou upu o le poto e mafai ona fesoasoani ia te oe e te tumau ai e faia au meaaoga faatasi ai ma sina uunaiga faaopoopo.

Talu ai ona o le aoaoina e i ai sona aafiaga tele i lou lumanai ma “o se vaega taua o le fuafuaga a le Tama Faalelagi e fesoasoani ia te oe ia avea atili ai e faapei o Ia” (*Mo le Malosi o le Autalavou* [2011], 9), o le a e iloa ai e taua taumafaiga uma.

Peresitene Thomas S. Monson

AOAOGA FAALELAGI

“O nisi o lesona i le olaga e aoaoina mai ou matua, a o isi e aoao i le aoga po o le lotu. Peitai, e i ai lava, ni taimi faapitoa e te iloa ai po o faia e lo tatou Tama Faalelagi le aoaoaga ma o oe o Lana tamaitiiti aoga.”

“O Se Faamamalu i le Atua, E Faamamaluina Foi e le Atua, *Liahona*, Ian. 1996, 58.

O LE VASA O LE OLAGA

“O le olaga o se vasa e faalotomaulalo ai le faamaualuga, e läina ai le tagata fe’alofa’i i tiute ae faaalia ai le taitai. Ina ia e folau saogalemu ai ma taunu i le uafu faamoemoeina, e te manaomia le uu i ou lima o au tomatau ma tuu i ai faamatatalaga aupito lata mai. E manaomia ona e aoao e ala i aafiaga o isi, tu atu ma le mausali mo mataupu faavae, ia faalau-tele mea e te fiafia i ai, ia malamalama i aia tatau a isi e folau i le vasa lava e tasi, ma ia faatuatuaina i le faataunuina o ou tiute.

“O au taumafaiga i le aoga o le a i ai se aafiaga iloga mo ou avanoa pe a uma au aoga. A o e tauivi mo ni maka lelei o au vasega, aua nei galio ai le taua o le matua aoao e mafaufau.”

“Great Expectations” (faigalotu a le lunivesite a Polika laga, 11 Ian., 2009), 4; speeches.byu.edu.



Peresitene
Thomas S. Monson



Peresitene Henry B. Eyring
Fesoasoani Muamua
i le Au Peresitene Sili



Peresitene
Dieter F. Uchtdorf
Fesoasoani Lua
i le Au Peresitene Sili

O SAUNIUNIGA E TUPU AI FAATINOGA

“O sauniuniga mo avanoa ma tiutetau-ave o le olaga, sa lei sili atu lava le taua. Ua tatou ola i se lalolagi fesuisuiai. O tauvaga malolosi o se vaega lea o le olaga. O le matafaioi o le tane, tama, tama matua, tausi aiga, ma lē puipuia le aiga ua matua’i eseese mai le mea sa i ai le augatupulaga ua mavae. O sauniuniga ua le na o se mataupu o le atonu po o le masalo. O se poloaiga. O le fuaiteau tuai o le ‘e sili le fiafia i lou leiloa o le mea o tupu’ ua loa ona le toe i ai. O sauniuniga e tupu ai faatinoga.”

“Tuite o Valauga,” Liahona, Iulai 1996, 51.

Peresitene Henry B. Eyring

O SE UIGA FAAALIA E AOAO

“I le avea ai ma se atalii o le Atua, o lou taunuuga, pe afai e te galue malosi ma le faamaoni, o le avea faapei o la. O lona uiga o le a leai se mea moni o le a le mafai ona e aoao i ai, aua Na te silafia upumoni uma.

“O le toatele o tagata e taofi le aoaoina ona o le fefefe. Ua latou fefefe e le mafai ona latou aoao. E le tatau ona ia te oe lena fefe pe afai e te faamaoni. Atonu o le a faaletonu lau aoga aloia

mo nisi mafuaaga, ae ou te manao ia e iloa ma le mautinoa mausali e mafai ona e aoaoina soo se mea e finagalo le Atua e te aoaoina. O tagata aoaoina maoae e talitonu i lena mea. Latou te maua le uiga e mafai ona latou aoao.”

“Do What They Think You Can’t Do,” New Era, Oct. 1989, 6.

E SILAFIA OE E LE ALII

“O lou olaga o loo vaavaia mai ma le faaeteete, faapena foi a’u. E silafia e le Alii mea uma na te manaomia oe e te faia ma mea e manaomia ona e iloa e faia ai. E mafai ona e faamoemoe ma le to’ua la saunia ni avanoa mo oe e aoao ai. O le a e le iloaina atoatoa na avanoa, e pei ona ou lei iloaina. Ae a e faamuamuaina mea faaleagaga i lou olaga, o le a faamanuaina oe ia e lagonaina le taitaiina atu o oe i ni aoaoga faapitoa, ma o le a uunaia foi oe e te galue malosi atu.”

“Real-Life Education,” New Era, Apr. 2009, 6.

Peresitene Dieter F. Uchtdorf

POLOAIINA E AOAO

“Mo tagata o le Eklesia, o aoaoga e le na o se manatu lelei—o se poloaiga. E tatau ona tatou aoao ‘o mea o i le

lagi ma o i le lalolagi, ma o i lalo o le lalolagi; o mea sa i ai, o mea o i ai, o mea ua vave ona oo mai; o mea o loo i le atunu, o mea o i isi atunu [tagai i le MF&F 88:79–80].”

“O Mataupu Faavae e Lua mo Soo Se Tamaoaiga,” Liahona, Nov. 2009, 58.

TUMAU I LE ONOSAI

“Ina ua 10 tausaga lo’u matua, na avea lo’u aiga ma tagata sulufai i se lauelele fou. O a’u o se tamaitiiti aoga lelei i le aoga—o lona uiga, seja oo ina matou taunu atu i Sihamani Sisifo....

“Ona o le tele o mataupu aoaoina e fou ma e uiga ese ia te au, sa ou pau i tua. Mo le taimi muamua i lo’u olaga, sa amata ai ona ou mafaufau pe sa le lava lo’u atamai mo le aoga.

“O le mea na laki ai sa i ai se faiaoga na aoaoina au ina ia onosai. Sa ia aoaoina au o le galue tumau ma faifai pea—finafinai ma le onosai—o le a fesoasoani ia te au e aoao ai.

“I le aluga o taimi, na manino atili mataupu faigata—e oo lava i le gagana Peretania. Sa amata ona ou iloaina lemu afai ou te tumau ai pea au lava, e mafai ona ou aoaoina. E lei vave ona oo mai, ae o le onosai, na oo mai ai.” ■

“Fa’auau i le Onosai,” Liahona, Me 2010, 56.

E FAAPEFEA

ONA AOAO

MONI

*la aoaoina nai lo le na
ona uma o le aoga.*





Saunia e David A. Edwards

Mekasini a le Eklesia

“**a maua se aoaoga lelei.**” Atonu o le fautuaga sili ona taatele lea o loo i ai mo le autalavou.

Ae e oo lava i totou o i latou o e gauai atu i lenei fautuaga, o nisi e foliga mai e tele mea o loo latou mauaina mai i a latou aoga nai lo isi—ma tatou te le o talanoa e uiga i togi po o tikeri po o galuega. O le a la le eseesega i le va o le tagata e moni lava “lona a’otauina” ma le tagata faatoa “faauma ana aoga”?

E le tele se faia ma le tomai masani nai lo le faatasi ai ma ni mea e ave i ai le faamuamua, uiga faaalia, ma le tomai, e pei o mea nei.

Mea e faamuamua

1. Saili le aoaoina faaleagaga. Ina ia mautinoia ai lo outou manuia sili-sili, mulimuli i fautuaga a Peresitene Henry B. Eyring, Fesoasoani Muamua i le Au Peresitene Sili:

“O lo tatou uluai faamuamua e tatau ona alu i aoaoga faaleagaga. . . .

“. . . O le faamuamua o le aoaoina faaleagaga e le faapea o le a tuu ese ai tatou i le aoaoina o mea faaletino.” I le isi itu, tuuina mai e lo tatou aoaoina i le faaletino le faamoemoe ma uunaia i tatou e galulue malosi atu i ai.

“Ina ia tuuina le aoaoina faaleagaga i lona tulaga talafeagai, o le a manao-mia ona tatou faia o ni filifiliga faigata i le auala tatou te faaaogaina ai o tatou taimi. Ae e le tatau lava ona i ai se filifiliga e faia ma le iloa e tuu ai le faaleagaga e avea ma lona lua. E lei faia lava. O le a taitai atu ai i faalavelave.”¹

2. Saili le paleni. O le paleni o lona uiga e manino lava le iloa o au mea e

“O le tele lava o soo se mea i le olaga e mafai ona aafia ai lo tatou olaga paleni. I le taimi lava e tasi, o le itiiti tele foi o mea taua e mafai ona faia ai lea mea lava e tasi.”

—Elder M. Russell Ballard

faamuamua. O le faia o le paleni lava ia o se mea e faamuamua e mafai ona fesoasoani ia te oe e tausia mea ia sa’o. Na saunoa mai Elder M. Russell Ballard o le Korama a Apostetolo e Toasefululu: “Ia manatua, o le tele lava o soo se mea i le olaga e mafai ona aafia ai lo tatou olaga paleni. O ia lava taimi, o le itiiti tele o mea taua e mafai ona faia ai le mea lava lea e tasi.”²

3. Ia lava lau moe. Atonu e foliga pei o se mea itiiti, ae o le lava o lau moe o le a faia ai se eseesega tele—ma e mautinoia ai lou le taumafai e tau aumai ni auala e ala ai i le vasega. E tele suesuega ua faamautuina ai le taua o le lava o le moe mo le aoaoina, ae e toatele tagata e ositaulagaina mo le tele o isi mea (e masani lava o faafiafiaga). Ia mautinoia o loo i luga o lau lisi o mea e faamuamua. (Ae ia aua nei soona faia; tagai i le numera 2 o loo i luga ma le Mataupu Faavae ma Feagaiga 88: 124.)

Uiga Faaalia

1. E te nafa ma lau aoaoga (e aofia ai lou toilalo). Ua e iloa ni talavou o

loo faalagolago lava i le fesoasoani a a latou matua ia latou meaaoga ma galuega faatino uma? po ai na te faamalamalamaina atu ni togi lē lelei i le faapea mai, “E ita le faiaoga ia te au”? pe e ala i le tuuaia o isi tulaga? Ia e nafa ma au aoaoga. O le a e maofa i mea o le a e aoaoina ma o le a tele atu lou fiafia .

2. O le maua ai o togi lelei e le tutusa ma le aoaoina. Aua nei e faaluafesasiina le faailoga (togi) faatasi ma le mea e faatatau i ai (aoao ma taumafaiga). E ui o togi o ni faavasegaga e taua, manatua o le malamalama ma le tomai e te maua e sili atu ona taua nai lo soo se togi, pe maualuga pe maualalo. Faatasi ai malenei uiga, o le a sili atu ona faamalieina oe i au togi.

3. O lou taua faaletagata lava ia e le tatau ona fesoottai atu i mea mai fafo e pei o taui, togi, ma tikeri. Afai e te malamalama i faavae o lou taua faaletagata lava ia o se atalii/afafine o le Tama Faalelagi, o le a mafai ai ona e fiafia pe oo mai pe leai ni taui mai fafo i au taumafaiga. Taumafai ia faia lelei ma ia ausia au sini faaleaoaoga,



Faitau e fiafia ai. I aso uma, faitau i se mea e lelei: o tusi, o mekasini, o le uepi saite, soo se mea e aoaoina ai pe musuia.

ae aua nei faatagaina ni taui e faauigaina oe.

4. O le galue malosi e sili atu ona tava nai lo “le atamai.” E tusa lava pe e te manatu o ou tomai faalenatura e faafaigofie atili ai le aoga mo oe nai lo mo isi, ae e tatau ona e vaai i ou faamanuiaga o se taunuuga o le galue malosi nai lo nisi o mealofa sa e fanau mai ma oe. Ma afai e le faigofie ona oo mai mea ia te oe, aua le fiu—o le galue o le a faia ai le eseesega. O lenei uiga faaalia o le a auaua lelei ia te oe i eria uma o le olaga, aemaise lava a o e agai ese atu mai le aoga i le lalolagi o galuega. E leai ni auala pupuu i le aoaoina moni—e le mafai ona e fafoligaina lou ala i le olaga.

5. Ua tele mea ua uma ona e iloa, ae e te le iloa mea uma. Faafesootai mea eseese uma o loo e aoaoina. Ae aua e te alu i soo se tulaga ma le manatu ua e iloa mea uma—e leai se tasi e mafaia. O lena uiga faaalia o se pa pupuni i le aoaoina.

6. O le aoaoina o lona lava lea tavi. E toatele tagata e talanoa e uiga i le aoga o se auala e oo i se iuga—o se

aula e o'o ai i luma i le olaga, maua se galuega lelei, ma isi mea faapena. E ui atonu e moni, e moni foi o le a e fiafia atu ma aoao atili ai pe afai e te tagai i le aoaoina o se sini ia te ia lava. Aua nei avea ma se tasi e na o le fesili faapea, “Mata e i ai lenei mea i le suega?” po o le “O afea ea o le a toe faaaoga ai lenei mea?”

7. Aua nei matamumuli mai luitau ona e pei o loo i ai se avanoa o le toilalo. O le tele o lou naunau e faia mea faigata i le taimi nei, o lou saunia sili foi lea e fetaiai ma mea e oo mai i se taimi mulimuli ane. Mo se faataitaina, o tagata o e filifili a latou vasega uma e fua i le pe e faigofie ua le faaaogaina atoa ona gafatia ma atonu o le a natia ai a latou taleni.

8. Ia i ai le fiailoa. O le a tele mea e te aoaoina pe afai e ia te oe le fiailoa ma faia ni fesili. E le gata i lea, o le fiafia i mea o le a avea ai oe ma se tasi e sili ona fiafia i ai tagata. Manatua, o le aoaoina e tupu i taimi uma, i soo se mea, e le na o le aoga.

9. E mafai ona e faia. O loo i ai se eseesega i le va o le faigata ma le le mafaia. O lou ala i le aoaoina atonu

e faigata, ae e mafai ona e faia. O le aoaoina o se tasi o mea ua e i ai iinei i le lalolagi e fai.

Tomai

1. Aoaoina mea e te fiafia i ai; fiafia i mea ua e aoaoina. Vaavaai mo mea moni e faafafia ai ma e te fiafia i ai, ma tulimatai atu i ai. Ae ia aoao foi i le auala e iloa ai le taua i mea uma o loo aoaoina ai oe.

2. Faitau e fiafia ai. I aso uma, faitau i se mea e lelei: o tusi, o mekasini, o uepi saite, o soo se mea e aoaoina pe musuia ai. O i latou e faitau i mea lelei sili e masani ona lelei i le aoga ma ola i ni olaga faatamaoagaina.

3. Gavai atu i le ala e te taulimaina ai le atuatuvalo. O le nofouta i vaega e te atuatuvalo ai, ma le iloaina o metotia e faaititia ai le atuatuvalo e sili ona lelei mo oe o ni tomai taua nei o le olaga.

4. Fesili atu mo se fesoasoani pe a e manaomia—ma fesili atu i tagata e mafai moni ona fesoasoani. Pe talitonu i ai pe leai o le fesili atu mo se fesoasoani, o se tomai. O le iloaina pe a o e paulia ma le mauaina o le fesoasoani lelei a o lei tuai e mafai ona faia ai se eseesega tele.

5. Pulea lou taimi. O le puleaina o le taimi o lona uiga ia faamautinoa o mea e te tautala ai o au faamuamua moni o au faamuamua ia. Saili se faiga e talafeagai ma oe ma o le a fesoasoani ia te oe e ausia au sini. ■

FAAMATALAGA

1. Henry B. Eyring, “Real-Life Education,” *New Era*, Apr. 2009, 2–8.
2. M. Russell Ballard, “Tausia o Lou Olaga ia Paleni,” *Liahona*, Sete. 2012, 50.

IA AVEESE ATU

“la outou saili mai totonu o tusi sili ona lelei upu
o le poto; saili i le aoaoina, e ala lava lea
i le suesue ma le faatuatua foi”

(Mataupu Faavae ma Feagaiga 88:118).







LESONA I ASO SA
 O Le Autu o le Masina Lenel:
O Poloaga

Pe a Mananao Au Uo ia ILOA PE AISEA

*O le lelei o lou malamalama i isi, o le lelei foi lea ona e fesoasoani
ia i latou ia malamalama i ou tulaga faatonuina.*

Saunia e Richard M. Romney

Mekasini a le Ekalesia

I le avea ai ma se talavou e 17-tausaga i Arisona, ISA, e masani ona faamatala e Kathy R. i tagata o lona aiga lautele ni mea faapitoa e faia e le Au Paia o Aso e Gata Ai—pe le faia foi.

“Ou te manatua le talanoa atu i le uso o lo’u tina i se tasi taimi,” o le tala lea a Kathy. “Sa ia fai mai, ‘E le faatagaina e la outou ekalesia outou e ulaula pe inupia, e sa’o lea?’ Sa ou tau atu ia te ia o loo aoaoina e le Ekalesia o le inupia ma le ulaula e le lelei ae ua tuuina mai ia te au e le Tama Faalelagi le saolotoga e filifili ai, ma o le

iloaina o mea ua ou iloa, ua ou *filifili* ai e aua nei ulaula pe inupia.”

Na fai mai Kathy faapea i lona tulaga o se tali lelei atu lea nai lo le faapea atu, “O le ulaula ma le inupia e tetee atu i ou tulaga faatonuina,” e ui o nisi taimi atonu o se tali talafeagai lelei lava lea.

“E manatu le uso o lo’u tina o le lotu e faamalosia tagata ina ia usiusitai, o lea ina ua ou faamalamalama atu faapea e i ai le tatou fitalia, sa matua fiafia tele i mea na ou fai atu ai,” o le tala lea a Kathy. “Ina ua ou faamatala atu sa ou faatuina ni sini patino mo au lava ia e lē ulaula pe

inupia po o le ava malosi, sa ia nau-nau e lagolagoina a’u.”

O Le Avea o le Tausiga ma se Vaega o le Faasoa Atu

Pei ona faaalia i le aafiaga o Kathy, atonu o le a faigofie atu mo oe le faamalamalamaina o tulaga faatonuina o le Ekalesia i isi pe afai e te amata i le fesili ifo ia te oe pe o le a se mea ua e iloa e uiga i tagata o loo e talanoa faatasi i ai. O le a se mea o uunaia ai a latou fesili? Pe na o na latou fia iloa lava e uiga i mea ua e talitonu i ai? O latou faia ni fesili tuusao ma le sailia o se tali tuusa’o, pe o latou

le mautonu, ma faamoemoe o le a e malamalama i le latou vaaiga ae le o i ai se naunauga e faatuatuaina au fautuaga? O a ni mea *latou* te fiafia e faalogo i ai?

Atonu e mauaina se manatu po o lagona mai le Agaga e uiga i mea e ono fesoasoani ai ia i latou. Afai e i ai, mulimuli i le uunaiga. E te le tau faalauiloa atu i se lauga i le sauniga o le faamanatuga po o le auai i se finauga faale-aoaoga faavae. Ia talatalanoa faasamasamanoa. Na ona faamalamalama atu o sini faaleagaga o loo i ai mo oe lava ma pe na faapefea ona e atinaeina i latou.

Ia manatua, e matua talafeagai lelei le faailoa atu ia te i latou atonu o le a le maua atu ia te oe tali uma, ae e mafai ona e folasia atu latou i isi, e pei o faifeautalai, e mafai ona fesoasoani ia i latou e maua ai le mea o loo latou sailia.

Ia manatua, e le o faatatau i mea e te manao e tau atu; e faatatau i mea ua *latou* saunia e faalogo i ai. Ia faatagina se avanoa mo ouluu uma e faailoa atu ai ou lagona ma na ona faasoatua mea e te talitonu ai. I aofia ai lau molimau pe a talafeagai ma faatagaina le Agaga Paia e molimau e uiga i le upumoni. O le auala sili lena e fesoasoani ai i isi ia malamalama o a tulaga faatonuina ma pe aisea e te mulimuli ai ia i latou. (Tagai 1 Nifae 10:17–19.)

O Le Faataitaiga o le Ola ai i le Talalelei

O Laurent B. o Farani na manatua le lagona o le avea ai ma tagata o le na faia ni fesili. Ao avea ai ma se talavou 15 tausaga le matua o auai i sauniga a le Ekalesia mo le taimi muamua, sa faagaeetia o ia i le fiafia o tagata o le ekalesia, ae maise lava le autalavou.

“Sa tele lava a’u fesili,” o lana tala lea. “E le pei o tamaiti aoga i la’u aoga, latou te lei ulaula pe inupia ma sa faaalia e alii talavou ma tamaitai talavou le faaaloalo tele o le tasi mo le isi. Na foliga mai o tagata uma na i ai se lagona o le taitaiga ma le faamoemoeaga, ma na matuai manaia lava lena mea ia te au.”

Na ia faauo ma Jean-Michel L., e 16, ma lona tuafafine, o Eva, e 14. “Sa la faamalamalama mai faapea o le Upu o le Poto e maua ai mataupu faavae mo le ola soifua maloloina,” o le tala lea a Laurent. “Na la faasoai mai o laua lagona e uiga i le ola mama ma faamalamalama mai o se poloaiga mai le Tama Faalelagi, lea e finagalo ia i tatou ina ia avea ma tane ma ava faamaoni mo le faavavau.

“E le gata ina sa laua faamatalaina o laua tulaga faatonuina ia te au, ae sa ou muai vaaia lo la ola ai i mea na la talitonu i ai,” o le tala lea a Laurent. “Pe a e tausia poloaiga e te fiafia, ma o lou fiafia o le a fesoasoani i tagata e mananao e fia iloa pe aisea e te ola ai i lena auala.”

O aafiaga o Laurent na aoaoina ai o ia faapea o le tau toina o se vaega o tali masani, e le o le auala sili lea e faasoatua ai mea ua e iloa. O le auala sili lava o le ola i mea ua e talitonu ai. Ona e pei ona fai mai tusitusiga paia, “ia saunia pea lava outou e tali atu ma le agamalu ma le matau ia i latou uma o e fesili mai ia te outou i le uiga o le faamoemoe o loo ia te outou” (1 Peteru 3:15). ■

KALAPU A LE AU LE PALAUVAFALE

Matamata i se tasi o alii talavou, i le faamatalaina atu o ona tulaga faatonuina, na ia mauaina le gauai atu faalelotoifale, atunu, ma malo: lds.org/go/nocussing.



O SE MAFUAAGA SILI UMA LENA

Atonu e fai mai nisi, “Ou te manatu e le mafai ona ou ola i o outou tulaga faatonuina.” O se mafuaaga

sili uma lena e o mai ai [tatou te auai faatasij]. Ua mamanuina le Ekalesia e faa-failele tagata le atoatoa, é o tauivi, ma é o vaivai. Ua faatumulia i tagata ua *naunau* ma o latou loto atoa e tausi ia poloaiga, e tusa lava pe latou te lei *malamalama* atoatoa i ai.”

Peresitene Dieter F. Uchtdorf, Fesoasoani Lua i le Au Peresitene Sili, “Sau, Auai Faatasij ma i Matou,” *Liahona*, Nov. 2013, 22.

AUAI I LE TALANOAGA

O Mea E Te Ono Faia

- Tusi i lau api o talaaga ni aafiaga na e maua i le ola i tulaga faatonuina o le Ekalesia ma faasoatua i isi.
- I le taimi o le anapogi ma le sauniga molimau po o fonotaga a le autalavou, faasoatua atu lau molimau e uiga i tulaga faatonuina a le Alii.
- Faitau le saunoaga a Peresitene Thomas S. Monsono o le konafesi aoao o le “O Sauniuniga e Au-maia ai Faamanuiaga,” (*Liahona*, Me 2010, 64). Sa ia talanoa e uiga i tafaoga faamasani, faauoga, o le faamaoni, ma isi tulaga faatonuina. Mafaufau e fai se lisi o fautuaga e te manao e galue i ai.


Saunia e Joseph Sengooba

Ou te alu i se aoga e pulea e se tasi o ekalesia i lo'u atunuu. I se taimi e lei mamao tele atu sa filifilia ai a'u e tamaiti o la'u vasega e avea ma fesoasoani i le vasega. I se tasi aso a o ou fuafuaina mea e aoao atu, sa ou tau ai i se tamaitusi o le Ekalesia e uiga i le tulafono o le ola mama. Sa ou filifili loa e aoao ai tamaiti o la'u vasega e uiga i le ola mama ma fesili atu i faifeautalai faamisiona mo tamaitusi, lea na ou tufaina i le taimi o le lesona.

Ina ua uma la'u lesona, na mananao le toatele o tamaiti e fialoa atili e uiga i le Ekalesia, lea sa ou aoaoina ai i latou ma tuuina atu ia te i latou isi risosi a le Ekalesia, e aofia ai le Tusi a Mamona. Sa ou le iloaina e lei faatagaina lenei mea e le faiaoga sinia.

I se tasi aso sa ia valaauna au i lona ofisa ma fesili mai pe o le a le lotu ou te alu i ai. Ina ua ou tau atu ia te ia, sa ia fesili pe aisea ua ou tufaina atu ai le "Tusi Paia" a le Ekalesia i tamaiti aoga. Sa ou fai atu na ou tuuina atu na o ē na fesili atu i ai.

Ina ua mavae se saunoaga umi e uiga i le Ekalesia, lea sa ia faamanino mai ai na ia talitonu e le o le Ekalesia a le Atua, sa ia fai mai ai, "ou te iloa ua leai ni ou matua, ae ou te matua faamalie atu—e tatau ona e tuua la'u aoga aua o le a e faaliliuina le toatele o au tamaiti aoga lelei i lena



ekalesia a oe." Sa ia fai mai ia te au e filifili i le va o le Ekalesia ma la'u aoga.

Sa ia valaauna se tuufaatasiga ma ta'u atu i le aoga e le o toe faatagaina au i le aoga aua sa ou auai i le Ekalesia Mamona ma soo se tamaititi lava e mulimuli ia te au ua tatau ona alu ese.

Ina ua mavae le tuufaatasiga, sa ia fesili mai pe o le a la'u filifiliga: o la'u ekalesia po o la'u aoga. Sa ou lagona le tau mai e le Agaga ia te au e tu atu mo mea ua ou iloa: ua toefuatai mai e le Alii Lana Ekalesia moni. Sa ou faasoaina atu la'u molimau ia te ia a o ou aluese. Sa ia fai mai ia te au e toe foi atu i le vaiaso na sosoo e piki mai se tusi e faaalia ai ua ou le toe auai i le aoga.

Ina ua ou sau i le vaiaso e sosoo ai, ua suia lona mafau-fau! Ua na le toe tuliiina a'u ma le aoga. Sa ou fiafia tele, aemaise lava ona sa ou tu mo le mea sa ou iloa e moni.

O lenei aafiga na aoao mai ia te au ina ia tu i taimi uma mo mea ua tatou iloa e moni. O le a i ai lava pea le Alii iina mo i tatou. Pe ana faapea sa ou faafitia le Ekalesia, semanu e fai mai tamaiti aoga e le moni mea sa ou aoaoina, ae ua latou iloa i le taimi nei ou te iloa le mea moni. ■

*E alala le tusitala i le Itulagi
Tutotonu, Uganda.*

SA OU ILOAINA LE MEA E TATAU ONA OU FAIA

Afai ou te le faafitia le Ekalesia, e tatau ona ou tuua la'u aoga.

TUUSAO I LE MATAUPU

Sa ou i ai sau **uo e masani**
lava ona ia **tuuina**
o ia i lalo. E mafai
faapefea ona ou
fesoasoani ia ona
maua se lagona
lelei ia te ia lava?

OLE ala o e taulima ai le faafitauli o lau uo, e faalagolago i lona ogaoga. Mo se faataitaiga, atonu o loo ia faitioina o ia lava ia foliga ai e faatauvaa pe e maua ai upu faamalo po o le faamautinoaga mai isi. Afai o lea, faamautinoaina o ia ma ia taumafai lemu ina ia faataulai atu o ia ina ia faatele i isi ae faaitiiti ia te ia. O le ala lena o le a ia maua ai le faamalieina sili atu ma le ttau faaletagata lava ia, faapea foi ma le lotomaualalo moni.

Na saunoa mai Peresitene Dieter F. Uchtdorf, Fesoasoani Lua i le Au Peresitene Sili: "Tatou te le mafaufau i le lotomaualalo e ala i lo tatou manatu faatauvaa *ia* i tatou lava; tatou te mafaufau i le lotomaualalo e ala i lo tatou le manatu *mo* na o i tatou lava" ("O Le Faamaualuga ma le Perisitene, *Liahona*, Nov. 2010, 58).

Afai o le faafitauli e foliga mai ua sili atu ona ogaoga—pe afai e masalomia ua mafatia o ia mai le pau tele o le tamaoaiga—faamalosiau ia te ia e talanoa i ona matua, o se fesoasoani i le aoga, po o lona epikopo. Po o lou alu sao lava ia i latou ma faamalamalama atu le mea na tupu. E mafai ona latou faamautinoaina ua na maua le fesoasoani sa ia manaomia, e aofia ai le fesoasoani faapoloofesa pe a talafeagai ai. ■

E faapefea ona ou **faaali atu**
le alofa i tagata o e ua
agaleaga mai ia te au?

Na aoao mai le Faaola: "Ia outou alolofa atu i e ua ita mai ia te outou, ia outou faamanuia atu i e ua fetuu mai ia te outou, ia outou agalelei atu i e ua inoino mai ia te outou, ia outou tatalo foi mo e ua tuuai fua mai ma faasaua mai ia te outou" (Mataio 5:44). O lenei poloaiga e le faigofie le mulimuli ai, ona e tetee i lo tatou natura—o lona uiga, i le tagata o le lalolagi (tagai i le Mosaea 3:19). O fea la tatou te amata atu ai? O nisi nei o nai manatu.

- Taumafai e vaai atu i tagata uma o fanau a le Tama Faalelagi. E le na o se manatu manaia; o se mea moni. Ia tuu atu e tuia ai lou loto, ma e mafai ona suia ai au fegalegaleiga.

- Ia iloa o le ituaiga o alofa ua poloaiina ai i tatou e le Faaola ia maua o se meaalofa moni mai le Atua, o lea e tatau ai ona e "tatalo atu i le Tama ma le malosi atoa o le loto, ina ia faatumulia outou i lenei alofa, lea ua ia faaee mai i luga o i latou uma o e o soo moni o lona Alo, o Iesu Keriso" (Moronae 7:48).
- Saili ni auala laiti e auauna atu ai ia i latou o e agaleaga mai. E te le iloa pe o le a fesoasoani ia i latou e suia, ae e tusa lava pe leai, o le a e lelei sili atu ona o lou agalelei.
- Faasoa atu le talalelei ma i latou, e tusa lava pe na o le ta'u mai o se molimau tuusao ma le mausali o se upumoni faigofie—e pei o le, "O i tatou uma o fanau a le Atua." ■





Saunia e Elder
Kazuhiko
Yamashita
O Le Fitugafulu

“Aga i luma ma le faatuatua” o se fasifuaiteau lea e tatau ona taialaina ai o tatou olaga.

O le faaliliuga faaIapani o le viiga “Tofia e Auauna” (*Viiga, nu. 156*), o le upu faa-Peretania *agai i luma ma i luma* o loo faaliliuina o le *susume*. Ua i ai i lena upu se uiga taua mo au ona o se mea na tupu i ni nai tausaga ua mavae, ina ua avea au ma se peresitene o le siteki i Fukuoka, Iapani.

Sa asiasti atu le Peresitene o le Ekalesia, o Gordon B. Hinckley (1910–2008),

ma sa talosagaina a’u ma te o faatasi. I le faagasologa o se tasi fonotaga, e 300 faifeautalai faamisiona sa faapotopoto e faa- logo i le perofeta. Na faatumulia le falesa i le Agaga Paia, ma o le toatele o i matou na maligi loimata o le olioli. Sa matou usuina le viiga “Tofia e Auauna” i le Faaiapani, toe faia pea lava pea le upu *susume, susume*. Na fesili atu Peresitene Hinckley i le peresitene o le misiona, na nofo i autafa o ia, “O le a le *uiga* o le *susume*?”

“O lona uiga ‘ia agai i luma,’ o le tali lea a le peresitene o le misiona.

Sa matagofie le sauniga. Sa faamalo-siau atu ma uunaia e Peresitene Hinckley ia faifeautalai. Mulimuli ane, sa ia talotalo atu ia te i latou i le faatofa ma tuua le fale. A o ia ulu mai i lau taavale e toe malaga atu ai i le faletalimalo, sa ia fai

mai se upu se tasi ia te au, i le faaIapani: “*Susume!*”

O Se Savali Matagofie

Sa avea lena upu ma se mautauave mo au: “Ia agai i luma! Ia lelei! Faasaga atu ma le faatuatua i le lumainai!” O le savali lava lea e tasi o loo tuuina atu i le autalavou a le Ekalesia i le vaega faaiu o *Mo le Malosi o le Autalavou*. Ina ua uma ona toe iloiloina faamanuiaga e oo mai i le usiusitai i tulaga faatonuina a le Alii, i se vaega ua faaaantuina “Ia Agai i Luma ma le Faatuatua,” o loo faapea mai: “A o e faia nei mea, o le a anoanoai mea e faia e le Alii i lou olaga nai lo mea e te mafaia na o oe lava.

O le a ia faateleina ou avanoa, faalau-tele lau vaai mamao, ma faamalosia oe. O le a ia tuuina atu ia te oe le fesoasoani e te manaomia e

faafetaiaia ai ou tofotofoga ma luitau. O le a e maua se molimau malosi atu ma maua le olioli moni a o faasolo ina e iloaina lou Tama o i le Lagi ma Lona Alo o Iesu Keriso, ma lagonaina lo Laau alolofa mo oe” ([2011], 43).

Ua aoao mai e le talalelei ia i tatou ia agai i luma i le faatuatua. “Saili, ona outou maua ai lea; tuitui atu, ona toina ai lea ia te outou” (Mataio 7:7). Ia te au, o lona uiga o le *susume*.

O Se Tala Lauiloa

O samurai o tamalii faamiliteli ia anamua ma ona po nei a Iapani. O loo talanoa pea tagata Iapani e uiga i se tasi o i latou, o Ryoma Sakamoto, o le na maliu i le 1867. O se tasi o mafuaaga o loo ia lauiloa ai pea ona sa ia tausia e le aunoa se uiga faaalialelei. Sa ia le fefefe i soo se tasi po o soo se mea. Sa alu o ia i soo se mea e

Susume!



往
事



E MAFAI ONA E FAIA

Ole talalelei o se savali o le faamoemoe. E tusa lava pe ua e lotovaivai, o le a mafai pea ona e agai i luma ma le faatuatua. O fautuaga nei e fitu o le a fesoasoani ia te oe.

- Faaali atu le maelega i aso taitasi.** Tatalo. Suesue i tusitusiga paia. Tausi poloaiga. Auai i fonotaga ma le seminare. Auai i afiafi faaleaiga.
- Salamo.** Pe a e faia se mea sese, ia saili le faamagaloga.
- Faologo i le Agaga Paia.** Mulimuli i Ana musumusuga.
- Atiina ae le faatuatuaina.** Lagolago ou taitai. Talia aoaoga amiontonu a ou matua.
- Aoao e uiga i le Faaola.** Faalatalata atu ia te la, ma o le a la faalatalata mai ia te oe (tagai i le MF&F 88:63). O le a molimau mai le Agaga o loo soifua o la.
- Taulai i fafou atu o oe lava ia.** O le auala sili e mauaina ai oe lava ia o le faamaumauina lea o oe lava ia i le auaua atu i isi (tagai i le Mataio 10:39; 16:25).
- Aua lava nei fiu.** Ia manatua e alofa le Tama Faalelagi ia te oe. E talitonu o la ia te outou, o lea ia e talitonu ia te oe lava.



FESOASOANI MAI LE ALII

“A o tatou agai peia i luma, ma tatou taumafai e ola e pei ona tatau ai, o le a mautinoa lava tatou te mauaina le fesoasoani mai le Alii.”

Peresitene Thomas S. Monson, “Ia Faamalosi ma Loto Tele,” *Liahona*, Me 2014, 69.



manaomia ai o ia. O le musuia e ala i le manatu taua e faapea ua foafoaina tutusa tagata uma, sa ia faia ai taumafaiga uma e faatuina se malo fou. Ae sa tagatavaleina o ia, ma e ui ina sa tuiina faatele i le pelu a le isi samurai, na te lei faavaivai ai. Sa ia taumafai e tu i luga ma savali i luma. O se tala e sili lea ona lauiloa i Japani.

Ou te malamalamama ua tofu i tatou uma lava ma luitau ma mafatiaga, ma o nisi taimi tatou te lagonaina ai le osofaia o i tatou e o tatou fili. O le a faaosooosoina i tatou e Satani ina ia le lelei o tatou mafaufauga ma lafoaia le faamoemoe.

Ae ou te molimau atu ia te outou o le talalelei tatou te maua ai le malosi e te fai atu ai *susume* ma agai i luma. O le talalelei na te le tuuina mai ni

savali le lelei. E tatau ona tatou tutu i luga ma savали i luma ma le faatuatua, aua ua tatou maua le folafolaga a le Alii faapea o le a le faatoilaloina i tatou. “O le Alii foi, o ia na te savali i ou luma; lua te faatasi ma ia, na te le tuuina oe, na te le lafoai ia te oe: aua e te fefe, aua foi e te mata’u” (Teuteronome 31:8).

O Le Punavai o le Fiafia

Au uo pele, ou te manao ia outou fiafia. O le fiafia moni e tatau ona faavae i luga o le malamalamama o loo soifua lo tatou Tama Faalelagi. E alofa o Ia ma silafia i tatou uma taitoatasi. Na te silafia mea uma e uiga ia i tatou—tatou vaivaiga, malosiaga, manatu lelei, manatu leaga, luitau, ma mafatiaga. Ona o Lona alofa mo i tatou, na Ia auina mai Lona Alo e laveai

i tatou. O Iesu Keriso o lo’u Faaola. O ia o le Faaola o lo’u aiga. O ia o lou Faaola. Na te taialaina i tatou. Na te taitaia i tatou. Ou te iloa o lenei Ekalesia o Lana Ekalesia, ma ou te iloa o Peresitene Thomas S. Monson o lo tatou perofeta soifua.

Ou te folafola atu afai e i ai sou uiga faaalia lelei ma sailia ia mea lelei, o le a e maua le Agaga Paia e faatasi ma oe. Afai e te manatu i le Atua ma mea lelei, o le Agaga Paia o le a taialaina oe. O le a mafai ona e uunaia ai oe lava ia e “ia agai i luma,” ma e ui lava i ou tofotofoga, o le faatuatua o le a e agai ai i luma. ■

MALOSI E ALA I TULAGA FAATONUINA

Aoao atili e ala i le asiasi i le itulau o le *Mo le Malosi o le Autalavou* i le standards.lds.org.

Tatalo Faapei o Alema

mo LA'U UO

*“Ma sa faia lenei mea
ona sa tatalo o ia i le
faatuatua” (Alema 31:38).*

Saunia e Daniel Maurício dos Santos

Na ma o ma la'u uo mamae i le lotu i le lua vaiaso ua tuanai. Ae ina ua ou toe valaaulaina o ia, sa ia fai mai ma te le toe o. Sa fia manao ia ina ia maua se faaiuga fiafia o le vaiaso e ala i le moe umi ma auai atu i ni mea faafifia. Sa ou taliaina lana tali, ae o totonu sa ou faanoanoa ona sa ou manao lava ia te ia e sau ma lagonaina le Agaga ma aaoao mai le Atua. Ina ua ou taunu i le fale, sa ou alu i lo'u potu ma tatalo ai, ta'u atu i le Tama Faalelagi o o'u faanoanoaga, ma ole atu mo Lana faamafanafanaga ma le taitaiga.

Ina ua uma la'u tatalo, sa ou alu atu i le umukuka e fufulu ipu. Na fai mai lo'u tama pe ma te toe o ma lau uo i le lotu i le aso na sosoo ai. Ina ua ou ta'u atu ia te ia mea na fai mai ai la'u uo, sa iloa e lo'u tama sa ou popole ma faanoanoa. Pau lava lana tala na fai mai, “Ua e faia lau vaega. Ua i ai i le tagata lo latou fitalia. Ua e totoina se fatu.” O upu o le faatuatua a lo'u tamā na aumaia ai le filemu i lo'u loto.

I le sauniuniga mo le Aoga Sa, sa ou faitau ai le Alema 30–32. I le mataupu e 31, na tatalo ai Alema i le Alii ma lona loto atoa mo ona uso sa Soramā, o e na teenaina ala o le Alii, ma amata ona pauu atu i mea sese. A o ou faitauina ana upu, na pai mai le Agaga ia te au, ma sa musuia a'u ia tatalo foi.

Na ou tootuli ma ofoina atu se tatalo e pei o Alema mo la'u uo mamae. E pei o Alema, sa ou ole atu i le Tama Faalelagi “ua pele lava [lona agagal], ma [o ia o lo'u uso]; o lea, ia tuu mai ia te [au], Le Alii e, le mana ma le poto ina ia mafai ona [ou] toe aumai [o ia, o lo'u uso], ia te oe” (Alema 31:35).

O le aso na sosoo ai sa ou sauni i le lotu, ma le iloa o le a ma le o ma la'u uo. E ui i lea, sa ou maua le filemu i lo'u loto ona, faapei o Alema, sa ou tatalo i le faatuatua. A o ou tuua le fale mo le lotu, sa ou maua se valaau mai

la'u uo. Sa ia fesili mai pe ua ou tuua le fale, ma pe mafai ona ou tu atu e piki mai o ia. Na matou maua se sau-niga matagofie i lena Aso Sa, ma ou te iloa sa molimau atu le Agaga o le upumoni ia te ia.

Ou te iloa e le na o la'u uo le tagata na faamanuiaina ai i lena aso ona o le Tusi a Mamona ma le tatalo o le faatuatua. O la'u lava molimau e uiga i le Alii ma lenei tusi sa faamalosia, ma o lena molimau na taitai atu ai au e auauna atu i se misiona ma ua mafai ai ona ou molimau atu i le moni. Ou te iloa o le Tusi a Mamona e aumaia ai i tatou e latalata atili atu ai i le Atua, o loo aaoao mai ia i tatou ia o mai ia Keriso, ma o Ia o le a faasaoina ai o tatou agaga. ■

E alala le tusitala i le Itumalo Feterale, Pasila.

O MEALILO E SEFULU O LE LAUILOA MONI

Saunia e Kersten Campbell

O matou e numera tasi!" o le alaga atu lea a le fai lape i le taaloga lakapi a le aoga maualuga. Sa ou faamemelo i ona nifo sasa'o ma le ataata manaia. Sa ou matauina a o ia ata ma talanoa i teineiti ma faate-teine i tamaiti.

"Ai se manaia o le avea ma ia, o lo'u mafaufau lea, ma tomanatu i lo'u lava tuua toatasi. O le galuega a lou tama e manaomia ai ona matou siitia ese i le ta'i tolou i le lima tau-saga uma, o lea sa faigata ai ia te au ma lo'u uso ona fausia ni faigaou tumau.

Sa i ai le fai lape se tulaga o le ofu le talafeagai ma alu i pati inu. O le matauina o ia, sa amata ona ou tiga i le fia lauiloa lea sa ou manatu sa suitalaga ai o ia. Sa ou matuui manao lava i ni uo ma o lea sa ou mafaufau ai pe tatau ona ou tuuina i lalo ou tulaga faatonuina mo sina taimi puupuu lava ina ia avea ai faapei o ia.

A o ma tietie atu ma lo'u uso i le fale, sa ou nofoai i le alofa mo a'u lava, ma sa ou tatalo i lo'u loto i le Tama Faalelagi. Sa ou fesili atu ia te la e ta'u mai ia te au le mea lilo o le

O fea e mafai ona ou maua ai le mealilo i le lauloa?
I le Feagaiga Fou?

a na aveesea lo'u tuuatoatasi ma le le mautinoia. E ui lava e lei avea au ma se tagata o le Ekalesia i lena taimi, sa ou maua se faatuatua malosi i le Atua.

Sa vave ona oo i lo'u mafaufau le manatu, "Tuu lou mafaufau e uiga ia te oe lava."

"O le mea lilo lena?" Sa ou mafaufau faanoanoa lava. "E faapefea ona mafai e lena mea ona fesoasoani ia te au ina ia lauloa?"

Mulimuli ane i lena vaiaso, sa ou faiat e uiga i le alofa mama mai le 1 Korinito 13. Na fesoasoani ou te malamalamai sa taumafai le Tama Faalelagi e aoao mai au ia ou maua le alofa mama i isi nai lo le taulai atu i le auala sa latou faia mai ia te au. Sa ou aveina uiga o le alofa mama sa lisiina iina ma faatinoina. Ina ua ou faia lenei mea, sa ou iloaina le suia o lo'u aafiaga i le aoga atoa. O nisi nei o mea taua sa ou aoaoina.

O Le Alofa Mama e Loa ona Tali-tiga

Sa ou taumafai ia sili atu lo'u onosai i tagata i le aoga. Sa ula mai ia te au se tasi tamaiti i le taimi o le vasega faamalositino, ae sa ou taumafai e faafeiloi lona loto eleelea ma le agalelei ma ataata. Na iu lava ina ia le toe taufaalili mai ia te au. E oo atu i le faaiuga o le tausaga, ua avea i maua ma se uo lelei.

O Le Alofa Mama e Le Losilosivale

O ma'ua ma lou uso sa lotoleaga i taleni o se tagata taalo pasiketipolo i le matou aoga, ma sa masani ona matou fai atu faamatalaga tau faamanu'a e uiga ia te ia. Sa ou filifili loa e amata ona ou faamalo atu i ana manumalo nai lo lena. Sa ou amata foi ona atiina ae au lava taleni. Ina ua ou faia nei mea, sa le toe i ai la'u avega onoa, ma sa sili atu ona ou fiafia.

O Le Alofa Mama E Agalelei

Ou te faamemelo lava i se teine i la'u vasega o le sa faauo atu i tagata uma, tusa lava pe lauiloa pe le lauiloa i latou. Sa amata ona ou mulimuli i ana faataitaiga ma vaavaai mo avanoa e faaali atu ai le agalelei i isi.

O Le Alofa Mama e Le Faafefeteina

I nisi taimi sa ou manatu ou te lelei atu nai lo isi tagata ona sa ou ola ai i tulaga maualuga faatonuina. Ina ua ou mafaufau e uiga i le Faaola, o le agamalu ma le alofa i tagata uma, sa ou filifili e suia ou uiga. A o ou tau-mafai e lotomaualalo ma agalelei, na amata e tagata ona faia se taumafaiga e avea ai ma a'u uo.

O Le Alofa Mama E Le Amio Mataga

Ou te alofa i le Alii ma sa i ai tulaga maualuluga faatlagaina lelei. Sa ou filifili loa o le fetuutuunai o nei tulaga faatonuina o le a ou maua ai le le fiafia.

O Le Alofa Mama E Le Fa'aaititagofie

E faa tasi, na faia ai e se faiaoga se faamatalaga sa otia ai o'u lagona. Nai lo le tali atu, sa ou fesili i ai pe o faigata lona aso. Sa ia tautino mai e sa'o ona faatoese mai lea. O na faamatalaga na oo mai ona o ona faafitauli faaletagata lava ia ma sa leai lava se mea e aafia ai fua au.

O LE ALOFA MAMA O SE MEAALOFA FAALEAGAGA

Sa aoao mai e Mamona ia i tatou pe faapefea ona atiina ae le alofa moni, o le alofa mama o Keriso. E mafai ona e suesue i le Moronae 7:44-48 ia aoao ai pe faapefea ona "ia faatumulia i lenei alofa" (Moronae 7:48).

O Le Alofa Mama e Fiafia i le Faamaoni

O se tasi o mea na aoaoina ai au e au uo o le Au Paia o Aso e Gata Ai faapea o le faitatala ma le faasalalauina o mea pepelo e leaga. Sa ou taumafai e aloese ai mai le faitatala ma sua le mataupu i soo se taimi e amata ai e se tasi ona fai mai ni mea le lelei.

O Le Alofa Mama E Talitonu i Mea Uma, Faamoemoe i Mea Uma

Sa amata ona ou vaaia le lelei i tagata ma ia mautinoa. Ina ua ou faia lenei suiga i uiga, na amata e tagata na siomia ai a'u ona lagona le faagaeetia. O lea mea na latou mananao ai e faifai mea soo faatasi ma au.

O Le Alofa Mama E Lavātia Mea Uma

Ina ua ma'i tigaina lo'u uso ma aveesea ai lona gafatia e savali pei na masani lava, o le toatele o ana uo na lafoaia o ia ona e malie lana savali. Sa ou vaaia lona loto nutimoia, ma sa ou iloaina le taua o le tumau o le faamaoni o tagata i taimi faigata.

E Le Uma le Alofa

Ina ua ou faatinoina le alofa mama i a'u fegalegaleaiga, sa ou atiina ae le tele o faigauo moni ma tumau. Sa mou atu lo'u lagona tuua toatasi, ma sa ou iloaina o le lauiloa e le mafaatusalia i le oa moni o faauoga ma le faaaloalo lea e oo mai i le ola ai i mataupu faavae o le talalelei.

Ou te faafetai mo se Tama oi le Lagi o le na faaaluina se taimi e aoao ai i se tausaga lua i le aoga maualuga le mea lilo o le mauaina o ni faauoga o le a tumau. ■

O le tusitala e nofo i Uosigitone, ISA.

O Lou Ala o le Feagaiga

Faatasi ai ma le talitonuga maumaututu ♩. = 48–62

Upu na tusia e Marvin K. Gardner
Fati na saunia e Vanja Y. Watkins

1. O se fe - a - gai - ga o se ma - li - e - ga, se tau-to-ga ma le A - li - i. Sa
 (2. Ina) ia faa-ma-ma-lu a'u fea - gai - ga, ia a - ve Lo - na su - a - fa, Ma - na -

Ia o - fo e faa - ma - nu - ia a - u, Pe a tu-mau *i* A - na u - pu. A
 tua o Ia, ma Ana po - loa - i - ga. A - vea a'u ma Ona soo mo - ni. Ou

ou tau - si Ana po - lo - a - i - ga, ma mau *i* Lo - na ma - lama - la - ma, Ua
 te fia - fia e faa - fou a'u fea - gai - ga *i* Sa - pa - ti *i* le faa - mana - tu - ga. I se

Ia tau - ti - no mai ma - nu - i - a, fia - fia a - toa *i* Lo - na i - tu. Ou te ma -
 a - so ou te u - lu *i* le malu - ma - lu Ma osia fea - gai - ga pa - i - a.

© 2014 e Marvin K. Gardner ma Vanja Y. Watkins. Ua taofia aia tatau uma.
O le faaaogaina i le faatagaga. E mafai ona kopiina lenei pese mo gaoioiga laiti e le saili
tupe i le lotu po o le aiga. E tatau ona i ai lenei faaaliga i kopi uma e fai.

C G m7 C G m7 C Am D m G 7
 na - tua a'u fea - gai - ga Ua i loa ai le a - la i lo'u Ta-ma i lu - ga.
Bass:

A m D C D 7 D m C , F C ,
 Faa - ma - o - ni i a - 'u fea - gai - ga Ma tu - mau i lo - 'u a - la o fea - gai - ga Saoga -
Bass:

1. D m G 7 C | 2. D m E A m D 7
 le - mu i lo'u Faa - o - la. 2. Ina mu ilo'u Faa - o - la. Ou te
Bass:

D m C , F C , D m *faalemu* G 7 C
 tu - mau i lo - 'u a - la o fea - gai - ga, Saoga - le - mu i lo'u Faa - o - la.
Bass:



Saunia e Elder
L. Tom Perry

O Le Korama
a Apostolo e
Toasefululua

O uso o le Korama a
Apostolo e Toasefu-
lulua o ni molimau
faapitoa a Jesu Keriso.

Aisea e manaomia ai ona tatou usiusitai i poloaiga?

O le sini a le Tama
Faalelagi o lo tatou
fiafia e faavavau.

E le tatau ona tatou
piki ma filifili po o le
fea poloaiga tatou
te manatu e taua.

E tatau ona tatou usiusitai
i tulafono uma a le Atua.

O Ana poloaiga o le
faafanua lea o le auala
e toe foi atu ai ia te la.

*Mai le “O Le Usi-
usitai i Tulafono o
le Saolotoga Lea,”
Liahona, Me 2013,
86–88.*

Tali o le Konafesi



Mia (agavale) ma Abby

**Saunia e Abby H., 7 tausaga,
Nebraska, ISA**

Ina ua maliu le tina o lou Tinamatua o Edwards, sa ma faanoanoa ma lo'u uso laititi o, Mia. E ui lava ina ta'u mai e o'u matua o le a matou toe vaaia lo matou tinamatua i se aso ma avea o se aiga faavavaau, sa matou popole.

Na fai mai lo'u tama e mafai ona matou tatalo ina ia taliina a matou fesili e uiga i a tina matua Edwards i le konafesi aoao. Sa ou tatalo ina ia iloa pe o fiafia Tinamatua Edwards. Sa tatalo Mia ina ia iloa pe ua faatasi Tinamatua Edwards ma lona toalua ma lona afafine, o e ua maliliu uma.

I le taimi o le sauniga o le taeao o le Aso Sa o le konafesi, na matou faalogologo, ma faalogoina le

perofeta o tali i a matou fesili! Na saunoa mai Peresitene Monson faapea pe a oti le tagata, e pei o loo o atu i totonu o se potu ua faatumulia i i tagata uma o le aiga latou te alolofa i ai na maliliu muamua atu ia te i latou. O lea na iloa ai e Mia o Tinamatua Edwards ua faatasi ma lona toalua ma lana tama teine. Ona faitauina lea e Peresitene Monson se vaega mai le Tusi a

E i ai sau fesili e mafai ona e tatalo ai ao lumanai le konafesi aoao i le masina oi luma?

Aua nei galo e faalogologo mo lau tali!

Mamona o loo faapea mai o agaga o e amiontonu o le a alu atu i se tulaga o le fiafia (tagai i le Alema 40:11–12).¹ O Tinamatua Edwards e taumafai i taimi uma e filifili le mea sa'o, o lea sa ou iloa ai o loo fiafia o ia.

Sa ma matua fiafia lava ma Mia e iloa o loo saunoa le perofeta mo le Atua ma e tali mai le Atua ia tatou tatalo. Ma te le o toe popole ia Tinamatua Edwards. Ua ma iloa afai tatou te mulimuli i ana faataitaiga o le filifilia o le mea sa'o, o le a ma toe vaai ia te ia i se aso. ■

FAAMATALAGA

1. Tagai Thomas S. Monson, "O Le Tausinioga o le Olaga," *Liahona*, Me 2012, 91.



O Le Tusi ma le Faavaa Lanu Samasama

Saunia Randol Salazar Quiroga

E faavae i se tala moni


S'a nofo Randol i Polivia. Sa fifia o ia e Salu i le aoga, ma sa ia tausia faalelei ana meaaoga. O lana tusi e fifia lava i ai e i ai se faavaa lanu samasama ma manaia ata.

I se tasi aso na le mafai e Randol ona maua lana tusi lanu samasama. Sa fesoasoani lona tina ma lona tama ia te ia e su'e, ae lei mafai lava ona maua.



Sa matuai faanoanoa ia Randol .
“Ta tatalo,” o le fai mai lea a le tama o Randol. “O le a ta ole atu i le Tama Faalelagi e fesoasoani ia i tatou.”

Ina ua uma le tatalo, na maua e le tama o Randol se manatu.



“Sei o ta talanoa atu i lou uso,” o lana tala lea. “Atonu e faaaoga e lana fanau le tusi lava lea e tasi, ma o le a latou faataga oe e nono mai.”

“O le tali lenei i la tatou tatalo,” o le mafaufauga lea o Randol.




Na ò le aiga o Randol i le faleoloa o le uso o lona tama. Sa latou fesili ia te ia e uiga i le tusi lanu samasama. Fai mai le uso o lona tama e le i faaaogaina lava e lana fanau lena tusi.

O lenei la ua le mautonu Randol. Mata o le a le tali mai le Tama Faalelagi i le la tatalo?

O le taimi tonu lea na oo ane ai nisi o alii i le faleoloa o le uso o le Tama e faatau atu ni tusi. Na ia i latou le tusi e faavaa lanu samasama!

Na faatau e le tama o Randol le tusi. Sa faafetaia e Randol ia Tama Faalelagi mo le taliina o lana tatalo. ■

E alala le tusitala i Polivia.



OU TE TATALO I LE FAATUATUA

Saunia e Janice Kapp Perry

*Ou te tatalo i aso uma.
Te talanoa i le Tama faalelagi.
E faafofoga ma tali mai
A ou tatalo i le faatuatua.*

*Te faapea atu, “Lo Matou Tama Faalelagi”;
Faafetai mo faamanuiaga;
Te aioi ma le lotomaaulalo i mea e manaomia,
I le suafa o Iesu Keriso, amene.
(Tusipese a Tamaiti, 14)*



UO ILE SALAF A O LE LALOLAGI

Mai se faatalanoaga ma Amie Jane Leavitt

Oi ai se uiga faapitoa i lou igoa? I Korea, o le igoa o se tagata e masani lava ona i ai se uiga taua. O le uiga o le igoa o Luka e valu tausaga o le “malamalama.” Sa filifili e ona matua lenei igoa e faamanatu atu ai ia te ia e mafai ona ia maua se lumanai manuia. ■

E alala le tusitala i Iuta, ISA.

OAU OLUKA mai Korea i Saute

Ou te fiafia e nofo i Korea i Saute. O se nofoaga manaia e tuputupu ae ai!

*Anyoung,
chingudul!**

* “Talofa, uo!” i le gagana Korea

Ou a'u le tamaitiiti ulumatua i lo matou aiga. O lo'u tuafafine laitiiti e igoa ia Erika.





Ou te fiafia e faitau. Ou te tautala i gagana e lua, o lona uiga e mafai ona ou faitau, tusitusi, ma tautala atu i le faaKorea ma le gagana Peretania.



Chuseok o se tasi o matou aso malolo tele lava. O se faafiafiaga o le seleselega—o se aso o le Faafetai i Korea.



Ou te alu i le aoga mai le 8:30 i le taeao seja oo i le 2:30 i le aoauli. Ona ou alu lea i se aoga afiafi e igoa o le hak won mo suesuega faaopoopo. Ou te avea foi lesona piano ma tusiga ata.



OU TE FIA VAAI I LE MALUMALU!



O au o se tagatanuu o le lunaite Setete ma Korea i Saute, o lea ou te auai ai i le polokalama a Tama Sikauti faaAmerika i le lotu.



SAUNI E O!

Ua teu le ato a Luka i nisi o ana mea e fiafia i ai. O fea o nei mea o le a e teuina i lau ato?

O LA TATOU ITULAU


FAASOAINA ATU O LE TALALELEI



I le aoga ou te faasoa atu le talalelei i lo'u faiaoga ma tamaiti o la'u vasega. Ou te faaali atu i lo'u faiaoga le Liahona ma faasoa atu tala mai le Tusi a Mamona. Ou te iloa e ui lava e le o i latou o ni tagata o le Ekalesia, ae o le a mafai ona latou iloa atili ai e uiga i le talalelei a lesu Keriso. E fesoasoani foi ia te au ina ia mafai ona ou mafaufau ia lesu Keriso. E fesoasoani mai ia te au ina ia maua se molimau e uiga ia te la, o Lana talalelei, ma le Tusi a Mamona.

Ismael P., 9 years old, Atenitina

Enzo V., 6 years old, Pasila



Ou te fia vaai i le malumalu, saunia e Ivy A., 7 years old, Georgia, ISA



Ou te iloa sa foafaina e le Atua se lalolagi fiafia mo a'u ma oe!

Prince Humpry B., 5 years old, Filipaina



O loo soifua le Atua lo tatou Tama Faavavau ma e alofa ia i tatou.

Tau ina ia tatou iloaina Lona naunau e fia latalata mai ia i tatou,
ma Lona naunau e faia soo se mea e fesoasoani ai ia i tatou,
ma le tele o Lona alofa ia i tatou.

Peresitene Thomas S. Monson

Mai le: "Seia Tatou Toe Feiloai,"
Liahona, Me 2014, 115.

O Le Ola ai i le Talalelei ua Faamanuiaina ai Lo'u Aiga

Oa nisi o faamanuiaga ua tuuina mai e le Tama Faalelagi ia te oe? O nisi faamanuiaga e faigofie ona iloa, e pei o le lalolagi matagofie sa foafoaina e le Tama Faalelagi po o se uso fou po o se tuafafine i lou aiga. Ae o nisi taimi e tatau ona tatou gauai atu i le matauina ai faamanuiaga a le Tama Faalelagi. I le tala lenei e uiga ia Nifae, tagai

pe mafai ona e maua faamanuiaga o Nifae ma lona aiga na tuuina atu ona sa latou ola ai i le talalelei. (E mafai foi ona e faitauina le tala i le 2 Nifae 5.)

Na lapataia e le Alii Nifae e ave lona nuu i le vao, ina ia le faatigaina e sā Lamanā i latou. Sa usiusitai Nifae. Sa ia faapotopotoina lona aiga ma i latou uma o e na talitonu

i le afioga a le Atua. Sa latou malaga i le vao mo aso e tele. Na iu lava ina latou faatulagaina se tolauapiga ma amata loa ona galulue. Sa latou totoina ni fatu, ma o a latou faa-eleeleaga sa lelei le tuputupu ae. Sa latou tausia le tele o manu. Sa latou fausia fale ma se malumalu, lea e mafai ona latou tapuai ai i le Atua. Na aoao atu e Nifae tagata mai tusitusiga paia, ma sa latou tausia poloaiga.

Na tusia e Nifae o lona nuu sa “ola e tusa ma le ala o le fiafia” (2 Nifae 5:27). O lona uiga sa latou ola i se auala sa fesoasoani ia i latou ia fiafia. Pe a tatou ola i le talalelei, o le a tatou maua faamanuiaga e mafai ona fesoasoani ina ia tatou fiafia. ■



MAU


Mataupu Faavae o le Faatuatua 1:13

MANATU MO TALANOAGA FAALEAIGA

O le a se mea e mafai ona faia e lou aiga e “ola ai e tusa ma le ala o le fiafia”?

SUEGA O LE FAAMANUIAGA

Avea o se leoleo nānā o faamanuiaga! Vaai lelei i tulagavae ma su'e le vae agavale ma le vae taumatau sa'o e o faatasi. O tulagavae agavale o mea e mafai ona tatou faia e ola ai i le talalelei. O tulagavae taumatau o ni faamanuiaga e oo mai mai le faia o na mea. Pe a tatou mulimuli i mea o loo fai atu ai ia tulagavae, e mafai ona tatou tumau ai i le ala e toe foi atu i le Tama Faalelagi.



Hamu le Pese

Saunia e Olivia Corey Randall

E faavae i se tala moni



O Esi e fiafia e pese. O le pese ai i le Peraimeri e fiafia i ai. Sa ia iloaina e fiafia Iesu e faalogologo ia te ia ao pese.




I se tasi aso sa usuina ai e Mama ma Papa se pese i le sauniga faamanatuga. Sa fia pese foi Esi, ae na te le iloa upu.



“Aisea ua e faanoanoa ai?” O le fesili lea a Mama ia Esi.

“Ou te le iloa upu,” o le tala lea a Esi.



“E i ai so’u manatu,” o le tala lea a Tina. “I le vaisaso a sau pe a matou pepese, e mafai ona e hamuina le pese.”

Sa lelei lagona o Esi. E fiafia o ia e hamu le pese.



O le vaiaso na sosoo ai sa hamu Esi ao usuina e Baba ma Mama ia pese. Sa lagona e Esi le fiafia. Sa ia iloaina e fiafia Iesu e faalogo i lana hamu. ■

E alala le tusitala i Iuta, ISA.

Fugalaau e Sili ona Fiafia i Ai Tinamatua

Saunia e Karen Nicolaysen Baxter


Ou te fiafia e pikiina fugalaau i le togalaau a Tinamatua.

E ese le aulelei o lanu—lanumoana, viole,

lanu piniki ma mumu.

Na te sogi mai ma ta'u mai ao ia tago mai i o'u foliga,

*"O oe o le fugalaau e sili ona matagofie i soo se mea na
ou vaaia!"*



Saunia e Elder
LeGrand Richards (1886–1983)

O Le Korama a Aposetolo
e Toasefululua



TAMA E TULAGA ESE

Sa ou maua se tusi mai se faifeautalai i Kalefonia. Sa ia fai mai o se tasi o kalapu a tamaitai sa faatulagaina se taumafataga o le aoauli i le faletalimalo. O le tamaitai pule na ia tuuina se ipu faaopoopo i le laulau, ma sa ia fai mai, “A sau le fitafita e sosoo ai, o le a tatou valaaulia o ia na te faaaaogaina le nofoaga lea i le laulau.” Ia, o ia o se tama Mamona.

Ina ua latou pasia solo le kofe, na te lei pa’i i le kofe. Ma faigofie mo le tama ona fai atu, “Oi, e le o iinei Tina. E le o iinei Tama. E le o iinei lo’u epikopo. Ua nao a’u le tama mai nei tamaitai uma. O sina ipu kofe laitiiti o le a le afaina ai au.”

Peitai e tatau ona ia faaali atu ia viiga o le Alii o le na valaaufina o ia mai le pouliuli i le malamalamo ofoofogia, ma na te lei pa’i atu i ai. Na latou ofoina atu e aumai le lauti, ma sa le’i manao o ia i ai. Ona latou mananao lea e fialoa mea uma e uiga ia te ia. O lena na tatalaina ai le faitotoa ina ia mafai ona ia ta’u atu ia te i latou e uiga i le auala sa tausia a’e ai o ia. Ma ina ua uma le latou taumafataga sa tutuina a latou sikaleti ma pasi faataamilo. O le mea moni, na teena e le fitafita talavou. Ia, i le taimi lava lena iina na i ai se tasi o tamaitai na ia filifili, “Afai lava e asiasi atu faifeautalai Mamona i lo’u fale, o le a ou aumaia i totonu. Ou te fia iloa atili e uiga i se tagata o e e mafai ona tausi ae se tamaitiiti faapei o le tamaitiiti lea sa nofo i le tatou laulau ananei.”

O seisi tamaitiiti Mamona sa auina atu i sasae i se aoga o aoaoga faamiliteli. Na oo mai se taitai fou i le tolauapiga, ma sa latou



*“Aisea na e
faamanuia
ai mo au i se
ipu susu?”*

faatulagaina se ‘aiga e faamamaluina ai o ia. Sa i ai, i talaane o ipu ai uma, se ipu malamalamo meainu malolosi. Ina ua oo mai le taimi e tatau ai, na tutulai tagata taitoatasi uma o na taitai faamoemoeina ma a latou ipu o le faamasaniga e faia se faamanuia mo lena taitai malaga mai. O tagata uma vagana ai se tasi tamaitiiti, ma sa ia sii i luga se ipu susu.

Ia, na vaaia e le taitai. Na ia alu atu sa’o i lena tamaitiiti ina ua mavae le faafiafiaga, ma sa ia fai atu, “Aisea na e faamanuia mai ai ia te au i se ipu susu?”

“Ia, taitai, na ia fai atu ai, “ou te le’i tagofia lava se meainu malosi i lo’u olaga. Ou te le manao e pa’i atu i ai; o o’u matua e le mananao ia te au e pa’i atu i ai; ma ou te le’i manatu o le a e manao ai foi ia te au. Ma sa ou manao e faamanuia oe, o lea sa ou mafaufau e faamalieina oe pe a ou faia la’u faamanuia i le meainu e masani ona ou inuina.”

Na fai atu le taitai, “ia e lipoti atu i le nofoaga autu i le taeao,” ma tau atu ia te ia le taimi.

Ou te manatu o le tamaitiiti na alu le po e le moe, ae ina ua ia alu atu i le potu o le taitai i le taeao na sosoo ai, ua tofia o ia e le taitai i se avanoa i luga o lana matagaluega faatasi ma lenei faamatatalaga: “ou te manao e siosiomia a’u e alii e i ai le lototeli e fai le mea latou te manatu ua sa’o tusa lava po o a manatu o isi o i ai.”

E le matagofie ea lena mea! O ia o se tamaitiiti e tulaga ese, a ea? Ou te faamoemoe o outou uma e tulaga ese. Ou te faamoemoe pe afai lava e te i ai i se isi lava taimi i se tulaga faapena, o le a e faia le faaiuga tatau. ■

Mai “Stories from the General Authorities: An Uncommon People,” New Era, Feb. 1974, 28–29.

MALAMALAMAAGA



O fea e mafai ona ou maua ai le faamoemoe?

"O i tatou taitoatasī e i ai le taimi tatou te manaomia ai le iloa o le a lelei mea uma. . . . O la'u tautinoga e faapea o le mea tonu lava lenei o loo ofoina mai e le talalelei a lesu Keriso ia i tatou, ae maise lava i taimi o faigata. E i ai /e fesoasoani. E i ai /e fiafia. . . . Aua lava nei e foi. la e savali pea. la e taumafai pea. . . . O le a lelei mea uma i le taimi mulimuli. la faalagolago i le Atua ma ia talitonu i mea lelei e oo mai. . . . O nisi faamanuiaga e oo vave mai, o nisi e tuai, ma o nisi e le oo mai seia oo i le lagi; ae mo i latou o e taliaina le talalelei a lesu Keriso, e oo mai lava."

EIAI FOI LENEI LOMIGA

MO TALAVOU MATUTUA



O USO O LE FEAGAIGA

Tusa lava po o nofoaga, o ona tausaga, po
o se tulaga i le olaga, e maua e tamaitai uma
ni uso i totonusi o le talalelei.

i. 42

MO LE AUTALAVOU



i. 50

E FAAPEFEA ONA AOAO MONI

O le mauaina o se aoaoga e sili atu
nai lo le mauaina o se togia lelei po
o le maea o le aoga.

MO TAMAITI

Tali o le konafesi

Sa fiafia Tinamatua? Sa fai mai tama e
mafai ai ona ou maua le tali i la'u fesili
i le taimi o konafesi aoao.



i. 67